



南昫文集卷七

墓誌銘

光祿大夫太子太傅禮部尚書武英殿大學士吳文僖公墓誌銘

康熙三十年閏七月二十五日光祿大夫太子太傅禮部尚書武英殿大學士漢陽吳公薨於江寧寓舍。上覽遺疏震悼。詔賜祭葬與諡曰文僖。其孤宗豐等奉公靈輜歸於漢陽。謀卜吉壤未獲。墨食中又遭公繼配張夫人喪。以康熙四十一年正月甲申合葬於某鄉某原。而以誌銘未具。走使屬諸定。求定求開緘。惶惶伏惟公之盛德懿範。進退較然。榮哀具備。載在國史。播在綸言。宜有當代名公卿勒詞碑版。垂示不朽。若門牆下士。僅足供排纘事行之役。何敢僭書。隨

南昫文集卷七

一

石而重違。遠命臨窆。以待不得已。乃按宗豐等所述家狀。復參以見聞。謹爲之誌。曰公諱正治。字當世。號賡菴。先世自唐侍御少微公。由鄱陽徙休寧。石舌山。傳數十世。至團公復徙臨溪。又數世。元振公賈於下雒。義聲著江湖間。生守華公。蚤歿。配何孺人。守節撫二孤。長爲公。高祖天楚公。亦蚤歿。曾祖任齊公。諱文仲。祖太初公。諱有成。考禹石。字諱昂。自任齊公以下。皆以公貴。累贈光祿大夫。禮部尚書。妣余氏。累贈一品夫人。太初公負氣節。明萬曆時。稅使陳奉橫行漢口。仗義折之以戢其暴。鄉人至今稱焉。禹石公抱經世志。屬時多故。隱居不出。余太夫人有令德。善治家。生二子。公其長。次爲平輿。君開治公。生有異表。圓頂方口。目炯炯有神光。而不露。雙垂膝。立不倚。行不佻。坐不偃。儂甫就傅。讀書日記數千言。九

歲能屬文經史諸子次第淹洽儒宿見之輒許為公輔器年十三應童子試郡邑俱冠軍學使拔置博士弟子第一公益自奮勵五經皆手自鈔錄謂書寫一過久乃不忘兼得工書法最有裨益也既食廩餼鄉試數弗利居邨落中奉兩尊人甘旨畢具兼事大母得其歡心明季四方荒亂楚蜀接壤流寇所至率皆逃匿山谷一日風雨迷路公獨負余太夫人疾走與賊遇群梃逼脅公益抱持太夫人不釋賊乃曰此孝子也舍之去皇清定鼎三楚廓清公遂舉順治戊子鄉試己丑成進士選內翰林國史院庶吉士授編修世祖章皇帝雅重詞臣時幸史館親加校試公才調敏贍輒當上意甲午江南試差公以原籍不署名用便族人進取政府深歎其賢是二典順天試時例以拜命三日京兆禮聘乃入鎖院交

南昫文彙卷七

二

戚闢故易公獨峻關防榜後多所挾怨然卒諒公無他不  
得摭於間一科一甲三人皆出是榜得人稱盛丁余太夫人  
艱起補原官遷右春坊右庶子兼侍講居無何詔以翰林  
官教養有年才堪外用者有緊要缺即補公在選中出為江  
西布政司參議分守南昌道或以人情重內輕外為言公奮  
然曰上不以臣為不肖得備驅策何內外之有抵任適署  
藩篆有交代常例銀若干公卻之悉以貯庫巡按李某素貴  
倨裁抑監司是日微行廉得公卻金狀遂相見改容曰清節  
可敬也歲暮吏既休沐公單騎行部察訪刑獄至一州囚禁  
獨多按之皆非法淹繫者公怒斥令放去州官懼餽金求解  
公益怒曰我為攫金來乎爾改過尚可貸若以金汙我立揭  
叅矣在任旬月平劇盜出疑獄境內頌聲翕然遷陝西按察

使甫視文書得一紙罪欸昭著竟未審理意必豪猾賄謀沉  
閣訪之果然庭鞫即寘重典巡撫張某見公爲政廉明於已  
弗便輒厲聲色相待公初不爲之動世祖知公可大用遂  
內名銓司方循例擬補大理少卿特命爲工部侍郎旋調  
刑部未幾世祖升遐公哀慟不自勝輓歌有永懷教養慚  
無補天語銘心倍可憐之句云康熙改元時方刑獄堆積重  
案有待清釐今上尚未親政漢官不得啓奏領西曹者率  
尚刻覈公志在平反凡於情罪參差比附過當者必據理直  
爭江南衿士二百餘以逋糧逮至盡擬監候公抗言曰若輩  
賦已完無他罪待勘衝暑遠解將垂斃忍復令瘐死獄底乎  
強滿侍郎阿某入白曰第言之若詰責罪當坐我用是竟得  
釋又議奉行赦欸宜速丈量田地宜停狀外指板宜禁私嫁

南鳴文臺卷七

三

條例宜酌皆切中時政請假省親起補工部侍郎丁禹石公  
憂服將除召補督捕侍郎公憂逃人遺害連坐十家奸人  
妄扳里井騷動遂率同官會疏請除此例且謂禁收月錢則  
旂丁不至窮而無賴可杜逃之源分隸莊頭則旂丁不至散  
而失業可絕逃之路於是流毒頓息充經筵講官擢都察院  
左都御史掌京察先具疏自陳得溫旨褒獎公益以風紀  
自任顧念大臣獻替之義務持大體不得毛舉細故用塞言  
責會直隸多盜諸王大臣議於玉田灤州霸州雄縣四處增  
設駐防官兵議既決公密陳其不必者三不便者三奏可乃  
中止又以江南蘇松等郡自明初削平僭僞加派浮糧賦稅  
十倍他州催科歲不及額有司困於考成近者奏銷處分一  
科欠毫厘已上悉被放廢人才淪置堪惜毅然繕疏籲

恩淋漓愷惻爲人所不敢發俄而有詔蠲數郡現年錢糧之半公疏不爲無助而公則已焚橐不復示人矣遷工部尚書調禮部尚書上方稽古右文百度釐舉公曰秩宗重任非優游養閒地也凡屬郊廟朝會賓貢燕饗行慶告捷諸大禮躬親肅敬考稽古今沿革事宜綱舉目備上必稱善南郊分獻舊屬勳爵至是特以遣公時稱異數總裁丙辰會試已未自陳復得褒旨在禮部凡十年一遇冊立東宮兩遇冊立中宮皆充冊使總裁玉牒及仁孝孝昭二后賓天酌議喪禮營度陵寢勤勞畢著康熙二十一年拜武英殿大學士公入謝上目送之曰吳某真風儀宰相也總裁聖訓方略典訓會典諸書監修明史時三逆蕩平海宇清宴公在綸扉參贊機務主於和平寧壹而操持耿

南明文彙卷七

四

介未嘗稍有依回春秋旣高志在恬退枋政歲餘即以疾請告上慰留弗許復起視事一日上因秋審讞決見一大獄牽引數十人顧問此因尚可活乎衆以情真對公獨曰

聖心好生臣等敢不奉行德意宜再勘覆奏退檢原牘果得矜疑狀遂從末減上乃嘉悅太祖高皇帝實錄告成加

太子太傅康熙二十六年屢疏乞休上覽奏情詞懇切方

允原官致仕陛辭召入便殿慰勞款至問卿子幾人曾否

任職公具實以對又問卿今歸何所對曰臣原籍江南有弟

今居江寧當就彼以居賜御書御饌溫語再三而退抵江

寧未幾入臨太皇太后喪會上南巡公迎駕淮南朝謁

詩上見公老病慰諭歸家休息時公已日就湯藥居常偃

臥每逢聖誕令節必北向稽首及聞喀爾喀歸附忽令家

人設香案具朝服望闕遙賀頭目眩暈幾不能起不數月遂薨距生於明萬曆戊午年正月初五日得年七十有四公少壯時意氣豪邁中歲深自斂飭致身四十年惟以砥節立品上結主知當世祖時有劾閹臣援引親故者世祖指公以示曰內升官員皆朕親自簡拔如此人豈有親故為之地乎晚登政府恩賚便蕃時有元狐黑貂金犖良駟綵幣文鏐上尊玉粒諸賜而公性甘儉約衣惟綈緇食惟蔬肉却餽遺省燕集門庭闕寂賓從稀少退食餘晷獨坐一室整襟屏息靜擁圖書間作詩歌蕭然神遠於人世紛華嗜好泊如也取士薦賢務秉虛公不喜標榜奔競嘗應詔舉博學宏詞以彭少宰孫遜名上得首選而實未嘗素識屢充殿試讀卷公所進呈多列上第亦遜謝不居見者益然如坐春風

南响文彙卷七

五

中遇拂逆尤能容忍前秦撫張某既視公不善旋被逮公方貳秋官懼而求解公曰我豈以私憾撓公法乎卒從輕擬內行篤於孝友仕既通顯間歸子舍依戀彌深先後奔兩喪痛弗得親視含襲諱日悲感杜門謝事以為常與平輿君同居共爨去以家乘不復自問生產疾將革猶控平輿君掌誦蘇長公與君世世為兄弟之語公薨未及期平輿君哀傷成疾亦遽卒以先世之居新安也數往祭墓會族兼置祭田義田闕恤親善恩意浹洽教諸子尤以循循恭謹為務不欲使之躁進宗豐當公在位時數困春官試公未嘗尤怒介於詞色故諸子力洗貴胄怙侈氣習不踐公庭不通竿牘恂然一如寒素僮僕盡遵約束居第所在絕不知有元老也殯去江寧日家無餘財不足以充喪具傾城祖奠嘖嘖稱賢宰輔不置

云原配傅氏累贈一品夫人前公卒葬旣久繼配張氏累封一品夫人爲文學伯兩公女伯兩公蚤識公有李鄴侯風骨又卜夫人當大貴故以歸公禹石公余太夫人在堂夫人克嫺婦道滄澹必親宜於家睦於宗黨拮据婚嫁皆出其奩具以辦不煩公內顧憂女自傅夫人出者子自庶出者撫愛視已子較先故舅姑喜之曰冢婦和而恭貴而能勤天必福之公居禁林及參藩豫章洊歷臺閣夫人嘗從之左右必以廉潔仁恕贊襄勸勉旣膺封典諸子治冠服將買珠夫人遽止之曰命服章身何以珠爲公旣任機務夫人諭諸子曰大臣子弟以慎交遊爲第一義如因父兄處津要而締結賓客招搖貽累者不少汝曹慎毋蹈此蓋與公之教相表裏也平居禮法自持閫闈肅穆無聲官舫經行蓬窗不啓蔽以重幔家

慶偶置音樂罕一寓目每遇國恤必縞衣蔬食以處公決計退身家庭尚未明知會舉公七袞觴夫人語諸子曰仕宦之榮旣極盍弗歸乎公笑取袖中疏囊讀之曰此疏朝奏而夕報可矣復笑曰人言休官不謀於妻子何必然哉因洗盞更酌盡歡夫人密贊公於出處之際尤迴軼尋常萬萬如此自公薨後絕葷食屏綵服銜悲弗輟也歿於康熙三十七年十二月二十四日距生於明崇禎甲戌年十月十六日得年六十有五子宗邵廕生光祿寺丞前卒宗豐庚辰進士翰林院庶吉士宗翰國子生候補知縣宗勳候補國子監學正女六適考授州佐蕭壽昌汪在亨諸生譚宏祚國子生張毓霍寅生熊志洛余光焯孫男四孫女三當上與公諡之日旣以公小心敬慎舉朝無間言禮遇終始優渥厥後七年宗豐

方捷南宮引見 保和殿 上特追念公舊勞推恩及世拔  
置中祕則所以宏獎純臣歿存如一尤足令聞風者感激興  
起不獨增耀九京也而夫人猶及身之存得見其子之成名  
勗以祇承家學圖報 國恩然後從公長往蔑有遺憾今之  
葬也固宜合詞以銘惟余小子無以副公生成大德自送公  
喪匍匐江干喑鳴流涕比歲幽憂淹疾文益荒落何能導揚  
萬一尚冀宗工鴻製樹諸隧道之碑仰贊 宸章輝映久遠  
或用是聊備采擇已爾乃再拜而系銘曰

江漢儲精哲人挺出誕應昌期爰作良弼昭茲臣道翼翼小  
心黃裳易筮赤舄詩吟嗣美我公謝彼膺任不伎不求不茹  
不吐宅心之謙養氣之純容物之恕造士之仁為漢丙魏為  
宋李向邃思遠慮清操雅量我 皇中孚令名褒崇象賢濟  
世酬乃匪躬亦有壺儀肅雍其備馬鬣同封 天家攸賜神  
輿盤固珍符熾昌鸞旌鶴馭陟降雲間何以思之淇園萊竹  
何以贍之泰山喬木

南昀文彙卷七



廬陵知縣陸先生墓誌銘

我師圭庵陸先生治廬陵清聲四訖甫及三期疾卒於任時  
惟一子孔奐在側廬陵民罷市三日若哭其私親殯遷蕭寺  
執紼者萬餘人遠至八鄉耆老童穉旅人估客縞衣素幃瀝  
酒焚芻數十里不絕當路允廬民請從祀吉州名宦而以前  
令遺欠賦額交盤那抵追理其孤越五期終援歸籍變庠例  
廬民協助買舟孔奐始扶櫬歸里門弟子亟謀葬先生以妥  
其靈寔既有日墓隧之石不及丐當代作者定求親炙久若  
不傳述先生志行以備史乘採擇則死無以見先生於地下  
何敢委於筆力疲藹而不灑淚以識之也先生諱荏新字蔚  
文號圭庵先世由海虞遷長洲高祖諱士鰲嘉靖乙丑進士  
雲南道御史曾祖諱應庚四川都司經歷祖諱一衡太學生

南鳴文集卷七

八

考諱繩曾贈文林郎妣吳孺人先生精誠過人好堅氣節談  
經濟不沾沾舉業家言鼎革初歲荒亂傭耕彭山稍稍訓蒙  
自給年踰冠爲諸生就城館慨然以師道自任恥俗之博取  
脩贄悞人子弟者爲文才氣縱橫磊落數千言戊子南闈鄉  
試幾魁其經以片語復落先君子赴滁陽試選貢見先生徒  
步擔簦胸襟豁如也心折甚歸謂我王父曰孫稍長非陸君  
爲師不可無何遂爲定求延諸家塾教以貫徹四子六經通  
鑑性理諸書爲本漸及古今文講論鈔錄畫繼以夜兼調視  
其起居服食若慈母然是時先生屢困學使者試數年不踏  
省門乃謝館席仍退耕於彭山每夜雞初鳴燃薪爲燈呼天  
大叫構一藝畢方達曙則荷鋤種蔬以代束脯而鄉先達堅  
欲得先生教其子弟若文恪宋公考功顧公延禮尤篤函文

所止觀聽震聳丙午以策論取士先生躍然喜曰終當放我  
出一頭地矣果中是科舉人五上公車志不少衰及除松江  
郡學教授則曰儒官之敝久矣我何敢惟利是圖亦不願養  
閒曠職也諸生贄一無所取每旦炷香步謁文廟朔望集講  
上諭十六條刊布孝經小學月舉文會傲棘闈三試次第  
遂舉卓異是年江南七府一州長吏無登薦書者先生以一  
儒官裒然稱首非湯公無此異數也部議不次擢令廬陵先  
生益自矢曰我從此當急酬舉主知爾容謂長江水程挈家  
以行至便先生搖首不應家人揮淚而別廬陵爲江西劇邑  
比年困於兵疲於水旱吏復因緣爲奸先生下車瀝誓城隍  
神不受民一錢每晨拜誦戒石四箴乃視事建亭縣門榜曰

南响文彙卷七

九

問苦投櫃之耗金兌漕之溢米引鹽之例餽他令徵求不已  
者屏除殆盡鄉谷遼遠躬往勸勞裹粒攜鐮織悉不煩里胥  
他若清戶籍息詞訟救旱澇日不暇給而修整學校汲引生  
儒一如在松郡時廬民大喜踰望謂百年來無此廉潔慈惠  
者矣其受交盤之累也前令虧空盈萬時爲大吏者以先生  
爲湯公所舉也甘言聳諛曰若如此作令有不薦擢者耶第  
受之我等可相助理也先生固至誠待人者曰我不負人人  
豈負我耶遂勉受之奏銷期迫乃移現徵庫銀以副考成懸  
欠雖實在民而補苴無期矣緣是憂心如焚一日疾大作咯  
血數升而逝遺示廬民曰本縣存日未取一錢以養生歿後  
莫有一錢以送死特爲百姓借抵諸逋願各照額速補免致  
後世觀者無不歎歔泣下當先生銓注廬陵日孔奐在定求

旅館戚戚告歸曰我父此行必殉是官矣亟往稍供子職潛行至縣先生又頓遣之歸曰我與汝各辦本分事無相戀也孔奐涕泣請留乃止歿之日鬻書數篋以佐斂具僅存賜蟒附身而已孔奐在苦中官符絡繹匍匐公庭廬陵令凡三易案不結賴上官終憫廉吏不忍復殞其孤審豁欠額過半旋請於部旅櫬乃還而先生妻子在里門者凍餒無以存活今且敝羶破釜皆爲官物舉室啼號靡所棲息嗚呼先生撫字廬民盡爲己子遂不得自恤其子固其素志然也定求往聞先生教曰我輩豎起春深便合擔當名義何得負此昂藏七尺爲每論及忠孝節烈事未嘗不慷慨激發鬚眉如戟平居善事父母存歿盡禮兄弟四人同居共爨推解無私財與人交規箴過咎輒出肝膽相告一受所諾必竭誠無負焉

南畝文彙卷七

十

雖爲貧士見義勇行嘗路拾遺金急訪主者還之遇流亡子女多方贖救俾歸其家桑梓公務侃侃指陳皆爲人所難其於天人理欲之介辨之早守之堅故一出而畢踐其言卒至殉身破家以盡牧民大義豈強而致者哉或者旣以廉節許之猶以浮誕訛之是終樂熟軟媚耳目者善事上官爾尚安得有真廉吏乎又或見先生身後困苦至此亦曰矯激非人情不可訓是將使爲官者盡志於家温食厚苟安便利之流而止非所以彰公論存直道也廬陵遺愛編序云自公旣沒春雨非雨皆民泣點秋風非風皆民泣聲信斯言也則先生浩然剛大之氣且長嘯於光風霽月中矣先生卒於康熙二十八年五月十五日得年七十元配盧氏繼湯氏俱贈封孺人子二孔粲孔奐長洲縣諸生女二長適錢定鼎次適楊毅

愷孫四升猷紹猷良猷顯猷以康熙三十三年十月十三日  
葬於長洲縣集義鄉新阡定求臨穴視窆為之銘曰  
風類俗敞好圓毀方先民有作惟狷與狂嗚呼先生陽德之  
剛為千仞松為百鍊鋼經明行修化翕膠鬲大賢攸舉五道  
輝光綰符劇縣奮跡循良軫民厲已剗肉醫瘡衆母戴之室  
孳則忘以尸以祝南陽桐鄉廉頑立懦遺風則長螺川口碑  
可考而詳誰為南董汗簡流芳江河滔滔樹之隄防

南岡文彙卷七

十一

朱柏廬先生墓誌銘

吾吳崑山有隱君子柏廬朱先生厲志節精理學遠近人士沐教澤而服行誼者五十年無間言今年先生歿門牆喪厥依歸鄉里失所矜式咨嗟涕洟見聞合轍余獲交於先生甚晚方冀歲時請益而先生不可復見矣其孤導誠衰經踵門以先生墓銘來屬辭至再三請且益堅曰先子交游落落自與君解后淡談宛若夙契垂歿而注念不忘不可謂非深相知也余於是不得終辭蓋觀自古諸儒漢以志節著宋以理學著尚志節者多刻厲嚴苦之爲尚理學者多涵養深沉之詣然志節不進於理學則有之理學不本於志節斷未之有自後世志節日衰理學亦日僞於是毀觚爲圓游光揚譽而徒事拘牽訓詁紛樹門庭世道人心何所依賴而不趨於敝

南昫文彙卷七

十一

壞與若先生者始於志節成於理學竊以爲在漢宋諸儒間無疑也先生尊君節孝先生經明行修鄉推祭酒乙酉殉難最烈先生方補郡諸生茹哀飲痛遂謝舉業作朱布衣傳以見志竊自比王褒廬墓攀柏之義號曰柏廬家貧遭難授徒贍母潛心聖學由四子六經及濂洛關閩之書晝夜探索融會窺綮謂學必以程朱爲宗知行並進無捷得無虛襲務在身踐於倫常事物間纖悉必求盡善門弟子來學者必諄諄授以小學近思錄爲入門法程迎機而導積誠意以感動之舉業外另設講約闡發書義商榷經史彷彿白鹿洞規又於每歲孟春率諸同人行釋菜先師禮畢亦講四書一章進止肅恭興起者衆然先生恐學者未能真實切磨整襟斂容以

身爲鵠寤有輟講語示之警省其略曰中庸成已成物只一

誠字統括實實做得聖賢學問不偷一分實實盡得聖賢道理不欠一分方始是誠始是成已成物余今自反果能如是否而欲妄居臯比多見其不知量也又曰日用常行雖曰道不外是然古之所謂日用常行大段不失倫常矩矱今日日用常行無非種種惡習人心中只辦得卑鄙二字倫理上只辦得苟且二字以此爲日用常行更無出頭日子必須勘破從前魔障跳出坑坎直以聖賢之心爲心聖賢之事爲事把此日用常行一一正其本位更從上面探討精彩以此進道不難諸君各具一本來面目各具一副精神猛力向前將世道人倫士品學術一擔挑去某亦願拜下風何必區區之言之聽哉先生此言真爲學者剔骨洗髓不啻鵝湖之講義利章使聽者汗下霑衣也先後居考妣喪哀毀動人嘗曰宰

我欲短三年喪吾黨皆以爲怪然於此可見古人喪禮之盡必其齋蔬饘粥哭泣毀瘁之禮無苟廢弛而宰我乃天性少薄者故覺行之至期已久若今人食肉飲酒不改其常雖更三年豈謂久哉至性激發篤論如此居恒罕與人事惟關係祖宗族姓必竭蹶經理不少退避上世祖墓祭規淪替重置祭田富豪謀侵陽山墓地重賂彌縫先生率族力爭遲久得斷理如法心力幾瘁修葺先祠身肩勞費不恤也又念子姓貧乏私伐冢樹設田贍族俾無侵損友愛諸弟尤深於仲叔之歿經紀喪葬存撫諸孤與季弟垂白聚首事必相咨訓子弟循分讀書切以攀援倖進爲戒燕閑無惰容言動有常度中懷耿介不可稍干以私而溫然有道氣象使人如坐春風中鄉里曲直爭衡者必就之折衷得一言乃解其律已嚴接

物怨嘗曰識得天理熟當機立應如離弦之矢更不擬議更不矜張真是何思何慮真是行無所事此其晚年進德之驗矣當路諸公折節慕先生者衆先生僻居委巷布袍幅巾裹足不出自束脯外絕不泛受人惠屢空晏如歲已未將以博學宏詞薦先生固辭乃止邑宰欲舉鄉飲式廬之禮並堅謝不應縉紳納交致敬亦不輕為報謁蓋其束躬韜晦不求人知固從學問鞭辟近裏得來初非好為迂僻鄰於矯激者比孟子曰君子有終身之憂又曰不失其身而能事親惟先生足以當之故其始終弗渝克成篤孝素所積慮然也節孝先生曾手書孝經以授曰天地之廣大性命之精微其理皆具於此先生識之不取忘每日晨興盥漱拜謁家祠即莊誦孝經且廣書善本勸勉來學門弟子因鐫諸石病將革猶命子

南昉文彙卷七

十四

弟曰爲我設祖先位具清酌扶我起拜以致全歸之意卒強起如言越三日乃歿時爲康熙三十七年四月初七日距生於前明天啓七年四月十五日得年七十有二所著諸書精力最注者刪補蔡虛齋先生易經蒙引闡明易理特精又自作四書講義皆先儒所未發臨歿時以二書屬嗣君曰謹藏諸笥吾將以此見先人於地下復語門弟子在側者曰學問在性命事業在忠孝言盡此矣嗚呼先生一生存順歿寧易簣瞭然豈非志節理學合而爲一者哉他若無欺困衡等錄皆平日省克工夫至嚴至密其詩文翰墨流行散軼先生謂非儒者要義每過而不留也先生諱用純字致一系出唐孝友先生諱仁軌後自亳遷睢宋直閣諱子榮始來居崑山明翰林待制公諱逢吉御史公諱文冢宰恭靖公諱希周皆其

後祕閣公十二傳至節孝先生諱集璜崇禎乙亥拔貢士城  
潰不屈死妣陶孺人配即孺人姪女先生舅氏圭稗陶公琰  
與節孝先生同時殉難者也子一導誠邑庠生娶某氏孫男  
二直典直衡孫女四以今年十月壬寅葬於吳縣陽山之新  
阡余惟先生之在今日足以砥柱末流羽翼名教凡屬儒林  
應共闡揚懿德追蹤曩賢而僭為之比事屬詞書諸隧石以  
應嗣君之請或亦用備識者之採擇銘曰  
真儒挺立孤忠所貽實惟名節為道籓籬卓哉純孝退藏允  
宜淵水臨履豈曰違時性天可聞慎我獨知枕繩荒渺剗削  
支離典刑弗墜經師人師往從九京潛德無虧遺編在篋尸  
之祝之勒詞幽窆徵信來茲

南昉文彙卷七



誥封翰林院侍講學士周素持先生墓誌銘

梁谿周封君素持先生以淳德享遐壽長君緘齋學士乞身歸子舍既久次君方出宰於浙去年先生稱八袞膝下曾見五世孫遠近來祝者謂其榮遇特甚而天倫至樂全備無憾由其飭躬敦行醞釀天和蓋江南仕宦之家不多見也既過誕日兩月示疾考終學士卜葬有期以銘詞屬余曰某奉庭訓尚質崇樸不欲乞諛墓夸言願據實書之徵信於後余故不獲辭先生諱公謨字孚嘉素持其號周氏世系出濂溪後宋時解元諱應自毘陵遷無錫景雲里越十二傳先生之高祖諱珍曾祖諱後祖諱淑縣學生考完一公諱懷忠郡增廣生妣盧碩人先生少好學曾從師於叔氏家寒夜讀書直達四鼓叔氏饒於貨盜頻至聞先生讀書聲迺散去弱冠補縣

南响文彙卷七

六

學生試輒高等爲東林先輩所推許而先生沉默寡言不喜辨論講說以爲道學務躬行心得舍孝弟忠信無實德外窮理盡性無實功居恒溫溫自持退然如不勝衣兄弟五人完一公家道中落伯兄受產獨先至是僅存其半四分之嫡與庶均汙萊不盈頃或有動心於盈縮者先生恐傷親心卒無一言完一公歿當明季凶荒洊告賦役繁重諸昆弟將以所受田償富家逋先生毅然以門戶自任語家人曰存心正大光明事無不可爲者安用疑憊畏縮以家累貽同氣乎於是躬先勤儉銖積黍累不數載而舊業漸復然先生負顯揚大志益自奮於學時偕邑中名雋淬厲文會四應省試弗利癸卯秋尚與學士及次君同與賓興及學士捷書至听然謂客曰縱一命可邀不甘遽以諸生終也明年學士賜進士及

第先生始謝舉子業云。地封壘至。益復欽然。自下不改寒素。屏絕竿牘。禁戢僮僕。門庭寂然。間與親朋往還。布袍襍履。隨以小奚街衢。徒步不屑軒輿。炫鬻每告學士兄弟。曰富貴利達聽之時。命璞玉後剖。而能貴積薪在上。而先焚小子。識之毋求躁進。以玷聲名。學士恬澹寡營。恪恭厥職。而眷戀庭闈。曾不少間。數數告歸。先生年七十餘。精力強健。而安於學士之間。居不出絕。不以世之騰蹕仕途者為慕。且悅也。次君初令錢塘。先生以省會劇邑。難治。親往官舍。指授條畫。及調太平。又語以瀕海殘疆。宜寬民力。次君至縣。即禁耗贈。却供應。懲蠹猾。比先生再至武林。士民遮道歡迎。暨八袞壽時。兩邑所治數百人。趨祝公堂。又有來錫致詞者。曰。惟我侯廉明慈惠。皆封大夫之維持調度。以有此。其何敢忘。所自。噫。嘻。先生

南响文彙卷七

七

經濟不獲施於其身。而於此亦足見其端緒矣。生平事親最孝。生盡養。歿盡哀。葬完一公。既十餘年。復用彤家言。擇吉壤於蒸山之麓。而遷焉。好義樂善。孜孜不倦。捐金修建學宮。視兄弟之子。若女。撫卹尤厚。婚授采居。授廬。殮授棺。貧不能延師者。引入家塾。為人排難。不避豪貴。亦不受人謝。每歲除輒發廩粟。遣人分給故鄉貧戶。待佃人最寬。遇歲侵。便減田租。易簣後。親疎被德之衆。無不泣下。霑襟。蓋盛德感人如此。嘗曰。濂溪通書四十章。詞旨純似聖賢。經傳靜坐一室。六經曰。利。益之說。猶未足以知先生也。先生卒於康熙三十四年。十二月。九日。葬於奉政大夫翰林院侍講學士兩舉鄉飲大

壬戌進士錢塘太平知縣宜繩國學生宜彰女一字朱廷銘  
孫男六孫女八曾孫男五曾孫女七玄孫男一葬以康熙三  
十五年十月某日在蒸山先塋之兆往學士與余締姻乃知  
先生家範惟稔戊辰殘臘學士偕余請急歸省實同日出國  
門而旅宿也余中路聞先人喪鮮民大慝負痛瀕死而學士  
雍容志養日引月長余一再往望見先生顏色至學士所建  
戲綵亭燕坐移時輒羨父子兄弟依依聚順信乎南陔白華  
千載復作退而益自傷矣今先生既歿宰木森然與我先塋  
咫尺相望又有悲戀交集者愧無能表章醇懿於萬一特不  
敢稍溢其實以失學士徵信之意銘曰

君子修吉濂溪云奕世有人紹厥聞曰孝與友儉與勤祥風  
瑞日氣氤氳挺生鸞鳳迴軼羣蔚為國華貴人文亦有茂宰  
南韵文彙卷七

六

經江濱經綸為兆稱封君耆而益恭德可薰挽澆救薄息泯  
琴令終高朗頌聲殷歸藏體魄封高墳青山蔥蒨蒸白雲保  
艾萬撰揚清芬

及此... 門而... 十五... 慈良... 正... 文...

翰林院侍講學士周公緘齋墓誌銘

公諱宏字子重號緘齋裔出濂溪子後自宋光宗時解元四一公由毗陵徙居錫之景雲里中更兵燹蕩析閱數傳重復舊業高祖諱後曾祖諱淑庠生祖諱懷忠增廣生父諱公謨庠生累封奉政大夫翰林院侍講學士母盧宜人周氏世有隱德封公篤學惇行人稱長者公其長子幼稟沉默絕不嬉戲成童時經義子史具能淹貫而應童試弗利則益自奮勵謂學以希聖為期青衿云乎哉既補博士弟子封公尚淳志舉業公承庭訓鍵關肄習或遇盟社招邀輒謝弗往癸卯省試遂以魁薦闈牘出而士林宗之曰獨得慶歷神髓焉甲辰禮闈方改策論公得連雋殿試擢一甲第三人及第授內國史院編修兼習滿漢書是時館閣資序猶沿舊制班聯秩

南昀文彙卷七

七

秩公起家儒素尤以恬靜自持丙午請假送親戊申赴補已酉典山西鄉試嚴防檢正文體三晉翕然向風旋充太祖太宗聖訓纂修官公翻譯精明屬詞典贍書成總裁推為良史癸丑上始親試翰林諸臣以河源考南苑賦大閱應制詩鑒別慕嚴公居甲等京察稱職復請假省親丙辰再補陞春坊中允與修史太宗實錄總裁屬公刪訂全彙閱月告竣戊午陞翰林院侍講纂修皇輿表鑿古輯覽二書已未京察稱職如初聞封公有脾疾請急歸侍疾頓瘳壬戌丁盧宜人憂乙丑服除補侍讀與修史政治典訓丙寅陞掌坊庶子丁卯陞翰林院侍講學士逾年竟以病請告時公年纔踰五十自此遂不復出云蓋公自入詞館以來惟以奉職勤慎盡本分事凡應制代言之作綜核典故審酌體裁必中上旨

所遇朝謁祭享燕賚直宿諸大禮躬親勞勩尤所不辭及院中會議公務輒用苦心調劑保全儕輩而卒未嘗出以告人退食燕閒蕭然兀處見夫營美差冀峻擢者絕不一動其心且復逡巡遜讓故已駸駸通顯而引身求退貞如介石嘗命畫工作斂手觀弈圍以寓意其於出處行藏之道知明而守固者也公先後歸子舍眷戀晨昏嘗奉封公杖屨陟鄧尉泛西湖望之者儼若神仙封公壽登八十而終公猶作孺子泣哀慕時形言色更謂人子相度印攏藏親體魄詎宜冒昧徇人自丁內艱即研究青烏家言經營式廓不留遺憾與弟宜振宜繩幼有推黎讓棗風仲弟並勵學業相繼擢第出宰錢塘治行廉善則公密往贊襄之力爲多封公晚年舉子宜穀八齡而孤公以教養自任旣及授室遊庠乃破涕慰勞曰用

南昉文集卷七

三

是報命於九京爾教子以孝弟忠信必由躬行力踐中來而以墮入鷺浮爲戒曰此人禽關也子弟支行醇茂絕無貴冑餘習比歲公孫永祺公子金簡接踵登賢書公亦無喜色但曰利鈍遲速一任乎天而已入仕四十餘年閑居過半坐無雜賓門無點僕父子兄弟承歡聚順天倫樂事直追淳古持身之謙慎接物之溫恭宗黨鄉間交口信服公生平學問必以理純詞雅文質兼美爲歸最喜究心於易因舉濂溪子通書著廣義數卷綱舉目張有功於先儒甚鉅又采取經傳及古今格言名之曰身家要旨已刻者有敦本集墳墓祭葬儀節井井有條復綴以家戒十二則其風世垂後之至意具見於此古文詩賦各種有淨綠齋文集若干卷書法直追右軍不作晉以後體然公總不自暴其長人亦未能窺測之頃者



東陽李翁墓誌銘

往余在成均見東陽李生鳳雛常稱其尊君石艇山人隱居  
高致能以詩鳴余竊心儀其人比余居憂一日忽見方袍幅  
巾脩條然來則所稱石艇山人也余訝曰山中人胡爲乎千  
里命駕耶旣乃手執其先人介子翁行狀授余乞銘其墓余  
歎山人遐跡塵表而篤於本行如此敢弗諾按東陽李氏有  
直臣著於前明穆宗朝者愛泉公諱學道登嘉靖壬戌進士  
爲御史巡京城鋤抑閹宦抗節不屈其叔子原陽公諱能華  
兩中副舉不第是爲翁之祖若父也翁爲名家子賦姿穎敏  
早歲有聲諸生間試輒冠其儕輩爲文浸淫於史漢唐宋大  
家旁通詩賦殫精研思晝夜不輟遂成病悴五試棘闈俱弗  
利崇禎甲申闖賊破京城翁在草莽間忠憤悲慟作大行輓

南昀文彙卷七

三

詞云小臣夙負攀龍志不道龍髯竟莫攀遂隱居不出者歷  
二十餘年常以朔望率宗人里老入家廟講鄉約司公帑出  
納以奉烝嘗必均而平遇人橫逆輒避弗與校里閭或有冤  
必以曲直白諸所司於窮厄無告者推解不少吝時當土寇  
竊發山谷震盪室廬灰燼翁雖生計益困終怡然不改其素  
也性常喜雪每至積雪初霽著屐登山徘徊縱眺輒喜而爲  
詩因自號曰雪狂晚年尤好易常謂其子曰大易之妙不可  
擬議惜不能竟其用耳翁之言及此其有得於道者耶康熙  
丙午正月十一日卒得年六十有八配趙氏繼蔡氏再繼應  
氏男二長即石艇山人元聲次憲祖女一孫一鳳雛拔貢生  
候選知縣葬在郭西三界塘後山爲庚戌正月十四日嗚呼  
有明之季乾坤板蕩綱常裂滅士之受爵祿者類多擊顙賊

庭弁髦故主不復知人間羞恥事使如翁者當官守言責之  
寄其肝胆所激豈不與金石比烈哉乃以伏處林阿潔身高  
蹈終其世而予因歎石艇山人之善承翁志也嗚呼侍御之  
流澤其未艾矣是可以銘銘曰

維直臣兮有文孫儒林選兮終沉淪占好趣兮幽人貞頑夫  
廉兮薄夫敦兩峴峙兮碧嶙峋長埋骨兮誰招魂儲後英兮  
素風存兮名遠兮表松門

南明文彙卷七



素風存兮名遠兮表松門  
維直臣兮有文孫儒林選兮終沉淪占好趣兮幽人貞頑夫  
廉兮薄夫敦兩峴峙兮碧嶙峋長埋骨兮誰招魂儲後英兮  
素風存兮名遠兮表松門

臨終共世西字因漢不頭山人善善風俗志也  
善其取頭前事豈不與金石比烈哉乃以伏處林阿潔身高  
蹈終其世而予因歎石艇山人之善承翁志也嗚呼侍御之  
流澤其未艾矣是可以銘銘曰



貴州清鎮縣訓導洪太翁墓誌銘

黔中洪侯來牧青浦當地劇民疲吏治糾紛之際矢廉潔敷  
慈惠平賦清訟輿人之誦無間遐邇余埽軌鮮交侯特虛懷  
相訪未幾丁太翁憂邑民頓以失戴二天為戚先是甲午冬  
翁曾一至官署稔知侯之治行能得民心閱數月躡屣歸  
不以就養自娛具有古人風範道流傳咸謂侯之善政蓋  
由翁之家教使然誠所云近乎海而故本之河者也侯持行  
狀來乞墓誌銘余手讀之竊歎曰翁之隱德深且至矣翁諱  
籌字亦奇號石溪先世徽州籍明洪武初有隨征穎國傅公  
平定滇黔留守畢節衛者為翁之始祖滿武公世襲百戶職  
歷傳至翁之考錫爵公襲職如故綜覽羣書究心理學翁自  
幼尚習儒業比長著聲膠庠其性行淳淑卓乎可稱述者童

南明文彙卷七

二五

年早失怙恃哀毀特甚力營窀穸幾欲終身廬墓親黨敦勸  
始出應試每當祭享過時而悲數十年如一日此其篤孝過  
人也有弟亦鈞君幼翁解衣推食教兼師友得為諸生拮据  
婚娶與賢聞蓋孺人典鬻以給資費及弟游學普安而卒離  
家千三百里翁號痛策蹇跋涉萬山扶輿歸葬備嘗勞苦黔  
人稱之翁仍惻然不忍聞此其友愛何深也家居無力治生  
而好行其德遇人無親疎輒為拯危濟乏傾囊無吝尤為儒  
素所難此其任恤之誼也既以食餼膺歲薦不復與棘闈試  
銓選既及引年堅辭不之司訓任舉鄉飲賓亦謝弗應此其  
知止高蹈之節也訓門弟子及諸子曰作文惟以闡發題義  
取法先正若華而鮮實謂之詞勝不若理勝為愈當黔南變  
亂室廬播遷挈家避深山中惟以忠孝大節底厲於父子間

此更與前賢格言再訓先後一轍也凡翁之以身教者如此  
侯既蚤登賢書依膝下者十六載於其赴銓日諄諄潔已愛  
民是勗及翁至邑署侯奉觴而前曰願勸可而繩否無滋隕  
越羞翁乃頷之嗚呼父子之道至仕宦而難言矣人子當少  
成之始習聞隨時干祿之說一縮半通爲之親者遂欲食報  
於榮養宴安豐腆侈情快意而生民脂膏耗竭罔恤則義方  
之蕩踰無惑乎官箴之凌替也若翁之教獨能成侯之廉惠  
而終守其淡泊寧靜之素不亦卓越流俗者哉今侯雖不及  
伸南陔白華之慕而鸞鳳終離枳棘當翔千仞而上則後此  
之宏展經濟澤被烝黎永貽令名於無窮翁誠可含笑於九  
京矣翁卒於康熙丙申年三月二十六日享年六十有七歲  
貢士選授貴州安順府清鎮縣儒學訓導配蓋孺人先翁若  
干年卒遂不復娶子二長卽侯名亮采康熙丙子舉人江南  
松江府青浦縣知縣次亮節庠生女一適庠生葛鄰奎孫六  
標模柱材楷桂孫女一葬以某年某月某日在某山之兆銘  
曰  
木稀翠屏天萬里中有好修古君子孝友溫恭樸以淳懿哉  
敦薄而寬鄙挺生茂宰成循良髣髴懸魚與酌水輕攜杖屨  
聽鳴琴儵然歸去遺塵滓猿吟鶴唳何淒清流風蘊藻垂香  
德不稱中郎工考徵景行其在此

誥封奉直大夫義齋汪太翁墓誌銘

余閑居二十年間交游落落寡合獨得義齋汪太翁氣誼中孚知其爲忠信篤敬之君子始終不渝如一日翁游登大耋而終其於箕疇五福之徵全備無虧名實交稱誠時俗所絕無僅有者也仲子水部君立名以隧中之詞見屬余雖荒落無文何忍虛知已九原之遺念哉翁諱與圖字河符號義齋又稱雙梧老人徽州歙縣籍也汪氏自唐越國公始居新安至宋浚公遷章岐二世楫公登嘉熙己亥進士五傳爲翁之高祖錫公曾祖一吾公諱守道祖玉房公諱應珍歙庠生考公量公諱士度封內閣中書舍人鄉飲大賓妣方孺人繼妣姚孺人錫公父子皆以惇德隱居玉房公學行推於鄉里公量公當前明之季承玉房公命始來吳門經營離務治生起

南酌文彙卷七

二十六

家翁幼儀端重言笑不苟玉房公早卜其克繼儒業而器重之弱冠遊歙庠旋以歲試冠軍充廩膳生銳志下帷偕其從叔廣淵我長兩公講肄日勤兩公接踵成進士而公弗售已西北闈已薦復落凡歷棘院試者七矣公量公春秋高乃命翁兼綜家乘然翁以白圭計然之策素志不屬離務亦遂中輟日擁書卷呶語自得也旣由歲薦授內閣中書舍人優游家居終公量公之養時則水部君相繼通籍待銓於朝翁方屆耆齡遂以就閑爲樂築小園於住宅之後鑿池壘石雜樹花竹亭館數椽雙梧當門迴隔城市鶯塵嘗邀余輩數友盤桓嘯咏其間暇則遴選漢魏至三唐詩手自鈔錄藏之篋苟其自著詩一編顏白就閑吟彙體格以香山白傅爲宗因授全集於水部君令之較輯重鐫四方見者皆以爲藝林善

本云水部君當 聖駕南巡時拜 御書之賜捧歸堂上翁  
喜動顏色諄勗以服官盡職之義趨之北行久之水部君補  
營繕任時切白雲親舍之慕因請假歸覲翁已晉封奉直大  
夫階恬然安之曰汝能以我老人為念晨昏樂志則止足之  
義我知之審矣天性篤於孝友善事者妣生養歿送無不竭  
誠盡哀當繼妣告終以古稀之叟執喪一如所生尤為人子  
所難立宗祠置祭田恪遵古禮秩乎有條嘗謂凡事不妨吃  
虧縱有非意相加輒為坦懷容忍樂善好施禮意尤篤鄉人  
不能婚嫁者孤寡無依者客死不能歸殯者不待呼籲捐貲  
無吝在吳門遇有修學賑飢育嬰諸公務亦必輸助從厚居  
然如庚桑子居畏壘人思尸祝之者矣平生以困於場屋見  
族姓能文之子加意獎掖從孫泰來博古能文為之適館授

南昉文彙卷七

三

餐俾得益奮其志恭遇 御試首選入史館薦京兆 恩賜

進士泰來每念舊德曰微從祖無以有今日也比翁八十壽  
辰遠近親朋皆謀祝嘏陳觥餽翁鍵戶謝客不欲徇世俗夸耀  
之習而頤養天和視履明爽絕無憊容悴色踰年元正次日  
痰症忽作猶能強起端坐屬續前三日自知大數有終却去  
醫藥謂水部君曰吾欲清靜肺腸何用草根木皮為囑治後  
事且曰生寄死歸汝曹獨不聞之耶言訖洒然而逝此足以  
見公德行深醇故能了了於死生之際余所以謂其五福全  
備名實交稱者也翁生於前明崇禎癸酉九月十三日卒於  
康熙五十二年正月二十一日享年八十有一元配潘宜人  
繼配錢宜人子五人長立王太學生蚤卒次立名工部營繕  
清吏司主事次立元候選兵馬司指揮次立文太學生蚤卒

次二均太學生女五人適某某孫四人翁歿之明年水部君  
奉柩歸新安將以某年某月某日葬於歛之北鄉鳳皇山鳳  
翔臺之新阡維余與翁爲晚年肝膈交蓋其被服儒雅力行  
仁義之素固有人所不能知者故據實敘次竊謂於此可無  
諛墓之媿詞焉銘曰

潁川苗裔世澤長椒聊蕃衍盈四方懿惟仁者壽而臧雙梧  
清風鬱相望蘊德實善能深藏 思綸覃錫垂榮光令終高  
朗夫何傷江流浩淼雲山蒼崇臺嵯峨翔鳳皇體魄歸止安  
幽堂綿延奕禩發厥祥後可徵信茲銘章

南明文臺卷七

七

由溪居士志仁程翁墓誌銘

翁姓程氏諱仲龍字子雲號志仁徽州休寧縣之由溪人與余相遇時翁年已六十餘孜孜以嘉言懿行殫力修持爲務余目中實未見其匹中心好之不能已已及其歿也傷悼情深亟謂其孤光和等具綴事狀俾余誌之於墓狀來而余隲然如復見翁矣按程氏裔出周司馬伯休父至晉新安太守元譚公始家焉遂爲鉅族其遷於休之由溪者自國英公始科第代興載在邑志翁之高曾祖世有隱德父元亮公母張孺人翁天性孝友好讀書通大義弱冠失怙因棄舉業服賈治生張孺人疽發幾殆翁呼號籲天願以身代立戒殺生持感應篇功過格之誓夢中若有神告孺人疾漸痊自此力行善事既成室後出門經理生計涉荆楚歷滇黔及遭母喪哀

南昉文集卷七

五

毀甚乃歎曰親不逮養尚何勤思豐殖爲於是僑居於蘇湖間不復遠役矣翁恭事伯兄子猶公白首不懈子猶公歿時其冢嗣益和先亡翁遵命於嫂汪以仲子中和爲之後俟中和得子仍復嗣益和情禮並協也會有旁族攘嗣興訟羸梟媒孽其間案牘累年不結翁以逆來順受怨讎不形於色事雖得白產幾盡傾而其力行善事之志絕不以有無作輟也其大者若置產以備由溪始祖宗祠之祭歲有常供以助族人不能婚嫁嘗見漢口每罹火災預購蓬葦俾災黎得所栖泊吳門俗多火葬給貲募僧徧埋骸骨於漏澤園洞庭茗水瀆嬰相浴各設堂館輸助金錢月以爲常他若修橋梁建路亭施藥餌所遇身爲之任濟貧賙急捐金焚券不可縷舉尤於聖賢訓世勸善戒惡諸書鐫版精工廣爲傳播曰此吾

素志所在也生平口不自言其德一意韜晦容色闐然望而知其爲忠厚長者比年凡翁有所欲爲善事余必懽忻贊歎以觀其成余有修學宮興賢祠之役翁亦率先贊助不待籲請戊子巳丑之交江浙旱潦頻仍翁旣返由溪仍於蒼霄間買米煮粥以賑飢民又寄五十金於余爲吳門助賑而不欲以姓名聞於官府時于中丞陳郡侯皆向余而詫曰今日有如是義士耶亟行獎之翁之陰行善皆此類今夫履貴席盛之家其奉已則重若邱山其濟人則輕若毫末見善反爲之阻見不善反爲之附亦烏知天地鬼神之不可欺而沾沾焉自以爲得計此天理民彝漸至澌滅之候也嗚呼聞翁之風亦可以知媿矣乎翁自歸老由溪嘗獨居一室遇佳風日徜徉山水翛然自得每以書約余爲黃山之遊余方躍然欲躡

南昀文彙卷七

三

屨從之未幾而訃至聞其歿時未嘗一日臥牀第神明湛然訓戒光中和以安分務本勤行善以承我志且以先人終於客邸棺殮從儉今殯我衣無帛棺無槨言訖端坐而瞑時爲康熙四十九年十一月十八日距生於前明崇禎七年九月二十一日享年七十有七配孫孺人前三年卒子二人光中和俱太學生中和嗣伯父後孫光和出者三人上錫上輔上賜孫女二人中和生子四人上霖上寧上賚上斌女一人始中和出嗣時尚無以爲子猶公冢孫者今則似續蕃衍咸謂翁盛德之報云光和等卜地於某鄉某原之新阡葬以某年某月某日余謂翁固有道者誠古隱君子流也雖例入太學而宜別異於俗因稱之爲由溪居士云銘曰  
流風澆薄紛熙攘誰敦淳古追羲黃由溪逸叟誠善良賈而

儒行思無疆蕭蕭韋布身潛藏曰攸好德無胥戕我觀止兮  
欣洋洋一朝失之摧中腸若堂若斧瞻山岡永言安侑興宗  
祊綿綿瓜瓞方繁昌

南酌文集卷七

三



知羊第一附夫多辭中觀若堂若斧觀山岡永言安侑興宗  
祊綿綿瓜瓞方繁昌



南昀文彙卷八

墓誌銘

翰林院編修封中憲大夫風山費君墓誌銘

余丙辰同年入詞館者三十五人中有省元七浙居其二君與陳君怡庭是也怡庭宿學邃品爲余畏友君則志念欲然敦樸自持余謂二君皆非近今人物也不數年而怡庭蚤世君尋脫屣仕版余亦謝病歸田間得相見君年已日高甲午春相遇苦溪舟次君自言課耕數十畝饕餮粗給體無疾瘳余視其容色恬愉回憶瀛洲舊游晨星落落胡可多觀耶今年夏忽見君之叔子永昌守金吾來踵余門始知君已捐館踰年卜葬有期屬爲誌墓余不禁潸然泣下以前年邂逅竟成死別矣又何敢辭君諱之達字九鴻號風山始祖諱若宋

南昀文彙卷八

一

元符三年進士歷官翰林院學士十二世祖諱容永樂時爲萬石長始居道場山社頭十五世爲君高祖諱止嘉靖癸酉鄉薦歷官工部員外曾祖諱應實國學生祖諱時霖南充貳尹考諱景燮國學生以君貴贈翰林院編修妣張孺人君兄弟七人行最幼四歲而孤事張孺人至孝事諸兄敬愛若師友稍長好學能文兄如山成進士而歿張孺人痛傷病遂不起君方爲諸生益自悲劬勞莫報也終喪築室禪舍刻屬爲文舉壬子浙闈第一丙辰成進士選庶吉士君不蹴私寓獨居槐廳西解茹麤飲水自耽枯寂每當同館喧聚君則訥如余於是服其靜志也旣授編修凡遇編纂撰擬率皆恪謹稱職乙丑春保和殿彙試詞臣君以遺失毫穎呵凍疾書字稍模糊在對品改調卿寺之列或謂邊階視坊局較捷而君拂

衣竟歸曰從此遂吾初矣時年未及艾家居埽軌日與里中父老子弟講播種斂穫之宜農經蔬譜河渠水利諸書考晰精詳每循行阡陌間青鞵布襪絕不知爲鄉先生也自言使我治郡邑三年可使地無曠土野無游民其存心利濟如此顧僅於稼圃中順時韜跡而已耶叔子遠宦天末惟勗以廉潔寬惠綏靖邊徼曰我不須祿養也若其好行任恤往往破產爲人完逋贖拏撫孤貧給喪葬修學校建橋梁賑災荒善行不勝枚舉生平異言法語救過息爭求諸古者篤行君子何多讓焉或謂仕必槐鼎始榮家必鼎鍾始厚卒之盈虛消長之數奄忽參差君獨志在守約天終報以止止吉祥之境其躋遐齡而昌後嗣也宜哉配慎恭人自幼能通內則大家訓女孝經大義居張孺人喪茹齋三載操作勤儉未嘗一日

南昀文彙卷八

二

宴安當君肄業僧舍時絕不告以有無而室中日食一糜君行善事不靳典釵鬻衣以助及君在翰苑中郵書諄勉絕不及私同館竊見之乃歎服詣京師居五載病作南歸歿於臨清舟次君故哀悼甚而自爲之狀君卒於乙未二月二十日得年七十有八恭人卒於乙丑十月十六日得年四十有八子四人金星黃巖縣教諭金天國學生金吾癸酉舉人歷任雲南永昌知府金門國學生女三人孫十五人曾孫六人葬以丙申六月某日在烏程縣仁玉山鳳皇墩銘曰

懿矣君子挺自孤生桂林一枝上苑先聲柯亭劉井風月漢清讓彼騏驎蹕厲騫騰鱸江垂釣采里勸耕壽幾大耋令終高明亦有德耦壺儀安貞牛衣掩泣食德未亨哀絃中斷歲紀清更往歸同穴鬱乎佳城輝煌綸綺增榮九京

光祿大夫吏部尚書加三級恕卷吳公墓誌銘

康熙五十二年四月二十六日吏部尚書恕卷吳公終於位  
遺疏奏聞奉 旨稱公恪共厥職應得卹典部議給與祭葬  
如例 諭祭文又稱公性行淳良素著勤勞於是朝列公論  
皆謂公以磊落孤蹤從無聲援憑藉之資逮其晚年遭逢  
聖天子非常知遇 君臣之際優禮始終豈聯常易覲者哉  
蓋由公平生宅心坦蕩不立崖岸粹乎有仁人長者氣象自  
其筮仕縣令潔已愛民既而任運升沉晉陟崇班惟以勤慎  
報 國砥礪名節皎然不欺其志所謂自天祐之者此也公  
諱一蜚字翼生號恕菴系出延陵後八世祖諱龍明弘治壬  
子舉人任弋陽令曾祖諱之良光祿寺署正祖諱正邦庠生  
父諱臨漢庠生皆以公貴贈至吏部尚書曾祖妣郭太君祖

南昀文彙卷八

三

妣袁太君李太君嫡妣姚太君生母王太君俱贈一品夫人  
公生七月而孤未幾姚太君又歿王太君榮煢無依兼遇歲  
荒兵亂遷徙流離賴伯兄端仁先生諱愉身代父師教養之  
任先生爲文壇祭酒門下士環聚執經公天資穎達好學攻  
苦輒能壓服儕輩文宗念薰胡公拔冠長庠越二年癸卯舉  
江南鄉試丁未成進士公自念伯兄久困場屋而我得之甚  
易天殆以報我母苦節乎從此一行作吏當不爲折腰索米  
碌碌從人後爾越八年選山西之山陰邑最瘠小軍興充斥  
歲穀不登公以緩征寬賦賑粟平糶免房稅免幫運免絕丁  
免版荒諸項皇皇爲民請命曰上官譴責我固甘之矣  
久旱水雹繼作苗將盡傷公焚香望天虔禱雹幾及  
爲雨秋乃薄收邑人爲雹災紀異之頌焉公聽斷訟

平恕未嘗好行苛覈而挾奸辦偽洞若觀火邑有殺傷人命未得主名者召集保甲展轉推究卒得賊正法又有夫報失妻者查察鄰右乃知因奸殺死尸棄於野其剖晰疑案多此類王太君就養官舍危病間發邑人聚禱城隍廟公忽感神夢太君霍然起又閱四年丁艱去任服闋補四川之洪雅是時巡撫姚公方行開墾增稅之令洪雅現徵纔七百九十四兩欲加至五千兩公堅執不從姚公怒曰功令清查隱匿汝但知有百姓不知有朝廷乎公曰百姓是朝廷之百姓愛百姓正所以愛朝廷也從公言而遽加六倍有餘之賦民不堪命而避重就輕不惟新增者難完正恐拋荒現在之產不可不熟思審處也姚公默然色霽於是反覆核實照現額增一千五百八十九兩竟得減去三千四百餘兩而他州

南叻文彙卷八

四

縣亦援洪雅例加賦不致太重是公之大有造於蜀人也公以文儒兩作民牧具見循良風采而世鮮有能知之者俸滿除工部虞衡司主事旋應御試考選科道擬陳時政之得失疏上親行簡拔補江南道監察御史協理陝西江南河道道事巡視西城又掌陝西浙江道事嘗具疏請緩征現年條銀及揀選改期議格不行橐不具載在臺班五年以糾儀失察降一級調用公固樂爲人受過左遷之日恬怡自若出赴宴席謂人曰臺班之忽得忽失我總無心何介介爲人是益服其雅量回籍六年始補行人司副年已六十餘冷署淹滯每動挂冠歸田之想嘗曰願得蓬室數椽圖書數卷花樹數種優游疏水以全天年我事畢矣會上命典粵西鄉試又分校京闈武鄉試故遂巡未敢言去閱八年始遷行人

司正歷遷鴻臚寺少卿奉天府府丞大理寺少卿光祿寺卿太常寺卿遂超擢戶部右侍郎閱月調吏部右侍郎轉左侍郎甫三月晉刑部尚書西曹正多重案公苦心平反盡釋株連蔓引之類同官懾之公曰若有謫罰我當身任故陰受其庇者良多閱七月吏部尚書員缺公方降級留任例不列名及中旨下又獨以屬公自司正散秩至長六卿總計三年七月雖古之一歲九遷者何以加茲公乃得諸意料之外此見聖天子知人之明度越常格萬萬也公寬和待人而襟懷光明絕不隱情惜已遇有私請必正色屏却與滿家宰富公協心澄敘銓政一清特以鞅掌不遑精力就衰在朝會議未散疲喘驟湧昏暈仆地富公急命司官駕安車送回私寓頃刻長暝僚寮聞變來唁垂泣驚歎見其囊無宿儲代爲

南昉文彙卷八

五

辦棺衾成含殮又厚集賻贖經紀喪舟諸孤乃得奉公柩回籍訃告諸禮尚未舉行過公門者往往嘯噓流涕公家無恒產入仕雖久貧窘如故諸孤餬口弗給廬居湫隘黜聖閱靈賜塋既卜封築無期余等懼夫皇恩奕奕寵慰九京歲

久而堙鬱未宣亦鄉人士之恥也不得已聞於巡撫吳公倡率贈賻暨藩臬道府以下各助有差始克經營兆域龜勉集事擇康熙五十八年二月庚午葬公於吳縣鳳凰山之原而禮則僅從其儉而已公之歿距生於前明崇禎己卯九月二十日享年七十有五配誥封顧夫人後公三年卒同日合葬側室張孺人柴孺人子七人廷俊廷儀俱早卒廷偉太學生廷鑑候選州佐廷佐歲貢生早卒廷銓廷任俱太學生女五人一適教諭陶岷思一許字宋啓未嫁守節而亡一適太



鎮江府教授吳達菴墓誌銘

國家設師儒之官所以宣聖教振士風其職較重於簿書錢穀之司古者必擇經明行修之彥始膺厥任而又往往擢以不次之位是以知所自重而裨益於學校者良多後乃視爲投閑置散之地且令他途得驟躡其間而經明行修之彥不可概見偶一有之不幾如景星卿雲徵爲世瑞哉我同年友吳君諱之駮字耳公號達菴家於徽之歙西豐溪爲揚州儀真縣學弟子員中康熙壬子江南鄉試壬戌署績溪縣學教諭丁內外兩艱服除補英山縣學教諭己卯聘入楚聞同考己丑陞鎮江府學教授君歷司鐸之任前後凡二十五年其恪恭職業輿情翕服積久如一日也君幼稟異姿甫入小學喜習詩歌既治春秋熟悉左國大義爲文摹倣逼肖兼能博

南昫文集卷八

七

極羣書貫穿今古試輒冠其儕偶及闈牘出傳誦藝林皆以爲極上第當如拾芥耳旣而公車弗利因就寒氈小試慨然以師道自居不肯卑論儕俗徒博升斗祿以隳平生稽古志也其在績溪四載倣白鹿洞規訓迪生徒啓聖祠傾圮捐俸繕葺而新之繼之英山一如在績時而英俗健訟且多拋棄女嬰君見赴訴於學者力行勸息親製歌詞申戒溺女徧播衢路更設育嬰堂於學側全活甚衆曾署縣篆屏絕私利毫無假借在英十有五年始陞任鎮江其遺去思於英人也攀號遮送絡繹數百里不絕旣至鎮江適儀封張中丞方以講學纂書爲務見君著作深合儒先矩矱招至書院君受春秋大全一編殫心叅校兼督諸生課四五年間來蘇之日居半君已年逾七袞孤舟荒館餐風曝日瞿瞿於搜羅載籍之

精力疲瘁不勝具牒乞休者再卒不得請遂歿於今秋七月丙辰享年七十有二遠邇人士無不痛悼謂失一經師人師云君天性篤孝當其在學舍時遇親誕辰必兼程歸祝居憂哀毀盡禮恤宗族睦鄉里義田義冢義學次第措設皆爲人所難聞逆變後徽人爲所脅從者事定惴惴自危將謀遷徙他鄉君密言於郡守宣諭安輯羣心適定保護之力尤鉅所著經解語錄詩歌古文若干帙皆以羽翼名教爲主而於制藝根據理與不落時蹊應南宮試者九乙丑爲春秋房首薦卒不得登榜嘗以計偕涉漢江猝遇風濤舟覆獲救方免於難笥中文彙多透入龍爪痕字蹟大半湮滅君因作詩自傷曰千百餘什一筆花委塵埃抽思五十載化去殊可哀噫噫其詞楚其志苦矣余自與君同歌鹿鳴每在燕邸握臂談心

南昀文彙卷八

八

歷久彌敬比歲喜君來蘇重得白首周旋贈答疊疊方期後會未艾而君竟長往矣嗚呼如君之學行使得遭際於時上可備石渠虎觀之班次可展旬宣撫字之績固非儒官得罄其設施也而究淹抑以終老成凋謝講肄淒涼可勝慨哉按君先世出唐御史少微公後考諱道會明季隱居不出稱霜崖居士妣黃氏繼妣程氏元配汪氏繼又汪氏副室夏氏子五啓生乾生國學生俱早亡一生郡廩生容生和生俱邑庠生女一適貢生許爾孫一愷一生等卜於康熙丙申正月某日葬古陽塘大山先塋之次以狀來屬余爲銘銘曰

在朱闕里代起儒宗維延陵氏古訓敦崇博學明辨經席幾重康成接武安定齊蹤時命雖嗇吾道非窮雲鬱鬱有巋其封爰據高槩以告章絳



國子監助教范堯公墓誌銘

康熙壬子南闈舉於松江者西人范君堯公其一也余忝同榜見君氣宇溫然可親公車旅舍風晨雪夕講藝談心宛若夙契丙辰又同捷南宮交歡益甚厥後宦遊中外迢隔久之君至成均始得一見顏色而忽忽死別矣回憶三十年來同譜兄弟相繼即世者指不勝屈如君尤惻惻於余懷不置今聞其孤卜葬有期因願書其隧中石云君諱緄堯公其字別號匡谷世居華亭之漕溪萬歷己卯始領鄉薦官萬州守諱廷言為君六世祖曾大父諱景徙居郡城大父諱啓宗以長子景范貴贈文林郎父殿雲公諱景韓母旌表貞節翁孺人君之生也殿雲公歿已半載先以兄子煌為嗣及君生而穎秀絕倫大父在堂撫孤孫於懷抱中心喜之謂必異常兒也

南昉文彙卷八

九

大父歿母孺人益貧困孳至外家以居君方就塾日讀書二十行九歲即能屬文時童試額減進取倍艱試罷輒於母孺人膝前長跪自責與伯兄相對泣下盡發篋中古今文彈精研思焚膏達旦母孺人紡績聲終夜相聞年逾弱冠補博士弟子越二載遂登賢書間一科成進士君文華實並茂非時趨裨販者比特達成名實惟母孺人苦節之報釋褐歸里郡邑合詞請諸巡撫具題旌表得旨如例建坊於門崇闕壯麗群稱顯揚盛事而家實寒素如故也君才嫻於文學不樂以吏事迫東乃改授潤州郡學教授奉母孺人就養特構一楹設榻侍寢極晨昏定省之敬其教士也以文行文飭為尚課無虛月甲乙精密學使郡守皆以月旦寄之鄉先達輩部率其子弟來就矜式鱣堂聲譽隆隆日起在任十期遷國

子監助教君謂太學為教化本原一官固所素願獨不能為  
母孺人扶版輿調蘭膳如在潤州時乃眷戀不舍臨別淚泫  
泫下旣之京則南望白雲每懷憂鬱病遂作日就憔悴以甲  
戌年正月十五日卒於江南會館年四十有九配宋氏子三  
人聯枝郡庠生聯章金山衛庠生聯穎女一適鄒惟寶君之  
卒也妻孥皆在南絕不一語及家事惟張目作嗚咽聲呼母  
孺人而逝同譜同郡親友之官於京者共襄棺斂俟諸孤奔  
赴以歸其喪青門執紼靡不涕泣如雨竊謂以君才品正可  
敷歷清華大展聲績而命實限之為可惜也君歿後數年母  
孺人方歿兩世之喪俱在殯今之葬君實附於考妣兆域在  
漕溪某字圩之新阡時為康熙某年某月某日銘曰

挺爾孤生揚茲苦節其學雅馴其行修潔小范家聲奚不可

南昉文彙卷八

十

埒天躋其齡風流歇絕色黯士林情傷朝列日月言邁乃即  
幽宮原田膺膺水波澗澗林間烏哺魂魄猶從爰貽休庇後  
澤豐隆視此貞石峯仰之東

考選給事中得菴李君墓誌銘

余同榜進士給事中得菴李君旣歿之明年其孤夢易卜葬有日郵書及狀屬爲之銘維君早歲受經於我先君通門世好兼系年譜相知最深及於晚年余有奉命校書維揚之役流連三載臨別顧視黯然神傷若預知後會難期者甫踰年而訃至余追憶舊遊實懷悽愴則爲君敘述生平固亦九京所心許也君諱錦字畫公得菴其號原籍山西大同人始遷江都之祖諱承式嘉靖丙辰進士官至福建布政使是生公之高祖諱植萬歷丁丑進士爲侍御叅權璫馮保有直聲官至遼陽巡撫曾祖諱元祐邑庠生祖諱灑邑庠生兩世皆受贈封父諱宗孔順治丁亥進士歷官吏科掌印給事中今上南巡特陞大理寺少卿母誥封下太淑人廷尉公生

南畝文彙卷八

十一

三子君居長我先君貢試大廷時廷尉公延入家塾公偕弟玉匙孝廉方課童子業先君常稱伯子器宇沉厚當享遐福仲子踔厲風發不可遏抑云君旣爲博士弟子廕入太學仲弟弱冠膺鄉薦再上公車驟歿君益自刻厲丙午登順天賢書丙辰捷南宮賜第二甲出身授行人司行人兩充詔使至濟淮間旋陞戶部廣西司主事甫三月考選命下以科員用時廷尉公居諫垣久封章屢上詞多激昂恭之者遂以父子同官爲議詔許原官致仕君旣歸里廷尉公亦請老不復出父子晨昏聚順園林佳麗庭館清娛凡所以壯色笑怡志意者靡不備至絕不以仕宦自負爲愧也此遇聖駕視河至揚廷尉公親承宣慰者三賜書增秩有香山洛社之目君則扶杖履侍左右一時傳爲榮遇嗣後君又

躬迎 翠華者三 宸章疊錫邗城冠蓋莫不從之步趨其  
恪恭臣誼具見於此君內行尤以馴謹稱卜太淑人閻德卓  
著與廷尉公既賦偕老比歿則君哀毀甚外復解顏以慰廷  
尉公及居廷尉公喪年已六十餘猶日作孺子泣教子以敦  
行讀書為務長君肇軫早舉北闈而歿夢易連雋兩闈入中  
祕君得膺封典如其官及改調之嘉善廉能聲績浙西居最  
咸謂君之式穀未艾焉待宗黨均有恩禮撫孝廉遺孤一如  
己子遇入接物胸襟坦易不設町畦門戶鎮靜罕與外事凡  
遇公務竭力贊襄四方交遊履綦接踵殷勤款洽花香鳥語  
掩映於圖書几榻之間來者無不神怡色舞雖時以絲竹自  
娛消融哀樂而窺其意念特託於和光同塵以自得其優游  
之趣嘗鑄其壁舉莊子虛室生白吉祥止止二語此足以見

南昉文彙卷八

十一

其素所蘊蓄故其願養天和無有疾害以訖於令終也余竊  
嘆夫世之挾智矜才競高位博厚祿者往往盈滿弗戢致有  
顛覆摧折之患波瀾甚於豔瀕險隘過於岷峨若君之處境  
豐豫而天早使之身退名全三十年來極林間優裕從容之  
福豈非仲長統樂志論所稱不受當時之責永保性命之期  
可以陵霄漢出宇宙之外者哉然後知君之得天獨厚固非  
尋常所得冀倖而彼區別於行藏顯晦之交者妄矣君卒於  
康熙四十七年十一月初四日得年七十配于氏封孺人子  
八肇軫丁卯舉人肇奎廩貢生夢易庚辰進士翰林院庶吉  
士改授嘉善縣知縣今陞員外肇質肇斗俱貢生肇丙肇寅  
太學生夢高女十人皆適仕族二未字孫七人在貢生今承  
重持北至執塔嘉孫女十三人以今年十月十二巳酉日葬



翰林院修撰東山汪君墓誌銘

康熙乙酉三月。上巡幸江南簡在籍翰林官十人校刊全唐詩於揚州。余林居既久。至是始識東山汪君。君方錦旋未幾。才名奕奕。交遊間獨於余。欽然相對。意嚮若有夙契者。余特心折焉。既赴詩館之明年四月。君因病歸里。別甫二旬而訃猝至。同館諸君暨揚之人士靡不痛悼。余為集輓詩一帙而授之梓。以致哀於君之靈。又明年十一月。余往虞山拜君喪。次稚孤在抱。愕然而啼。令余飲泣不止。今年十一月。太夫人以君葬。日來告余。願充執紼之役。而隧中石尚未有。書君之友曾孝廉漢瞻見余。思舊情深。略述事件。委余綴序之。曰君諱繹。字玉輪。東山其別號也。先世為休寧人。曾祖諱道潮。祖諱惟時。贈文林郎父諱錫爵。四川新都知縣。贈翰林院修

南昫文彙卷八

十四

撰實始遷於常熟。嫡母陳氏。贈安人生母韓氏。封安人。新都公生四子。君其季生。而姿性英敏。六七歲時出語。遂露根器。人咸竒異。由縣諸生。遊成均。中分西順。大鄉試。丁丑會試。以第三人魁其經。聞新都公病亟。亟馳南還。已不及視。含斂。哀毀特甚。庚辰殿試。賜進士一甲第一。君之文章。闕深雋。偉莫可遏。抑又以書法秀整。直趨吳興。而上之。故榻下咸推國士。而君實恬澹自如也。既授翰林院修撰。會丁丑庶常散館。之試。顧居後。同列者方利於敘。俸君獨持議。必待前輩赴任。乃就職。輿論尤以為賢。凡館中應制諸作。皆以稱。旨賜賚。有差。癸未分校禮闈。得士十人。多名宿。旋充纂修。朱子全書。官是年恭遇。萬壽單恩。授階儒林郎。並得贈封其親。君遂以太夫人迎養京邸。已閱三載。決策請假。屬善繪者。作秋帆。

奉母圖公卿以下賦詩贈行視潘岳之素嗜榮進而微託閑  
居自侈輕軒軟輿之樂不屑道也其在揚也客舍淒清庖湊  
不具散帙編摩訂疑晰誤虛懷咨訪心手交悴每當朋輩廣  
坐中退然若不勝衣談諧偶及輒使人頓消其矜躁之氣間  
發為詩清詞麗句落落塵埃之表絕異於誇多弔詭者而血  
疾時作亦旋止與余別時視君顏色固當無恙孰知其逝  
期迅速至此也君至性淳篤登第後痛新都公不得見時時  
撫遺像而泣然出涕既將母抵里晨昏子舍竟有終焉之志  
絕不以一官遲速為念事兄則敬待友則信處鄉黨則謹飭  
雖遇拂逆必順受以為常而鬱悒有不忍出諸口者病伏膏  
肓當由此也嗚呼士之負盛名登貴仕往往驟罹摧折者或  
其氣過銳意過奢斯不免造物之忌爾君當臚唱日馬上口

南昉文彙卷八

五

占即有歸計未謀千頃竹浮生只辦十年官之句亦足見崇  
讓守謙有合於養生盡年之道矣進則可存官常揖讓之風  
退則可倡閭閻寧靜之節而天之奪之亦若電光石火之一  
瞬可不為之歎歎太息哉君卒於康熙丙戌五月十二日得  
年三十有六娶錢氏贈安人繼娶胡氏封安人側室王氏子  
一國承王氏出女一字徐傅梅胡安人出葬在常熟義橋西  
七萬里之新阡時為戊子十一月二十日余與君相遇晚相  
信深欲慰君於九原以抒夫死別之悲乃序而銘之銘曰  
琳枝挺芳朝華暇握青鏤兮珍瑤琨韜精返樸兮培厥根胡  
不立命兮綿綿存巫咸招之兮歸天門游清虛兮離煩喧君  
雖數徙兮夫何言水深土厚兮虞山原颺輪雲旆兮來翩翩  
保艾爾後兮澤便蕃吾作銘詩兮思無諼

清流縣知縣湯君墓誌銘

康熙四十七年歲在戊子十一月甲午我友磊軒湯君卒距  
自清流請養奉母戴太孺人以歸及八載居官旣廉家益貧  
易簣倉皇士林靡不痛悼太孺人急命遺孤萬烈等丐貸營  
葬旣擇期來告余為銘詞余於君初歸里時曾為序志喜且  
擬補南陔白華之詩今尚忍書隧中石耶顧誼無容辭乃序  
而銘之君諱傳集字子方號磊軒先世由練川遷郡城前明  
正嘉間雙梧先生諱珍學行高邁與文徵仲王履吉諸賢齊  
名君六世祖也曾祖諱聰尹萬曆戊辰進士累官吏科給事  
廣西按察副使祖諱一龍萬曆壬午舉人湖廣永明知縣父  
亦菴公諱本泳為永明公第五子吳庠生贈文林郎清流縣  
知縣篤學砥行介然自立君幼稟明敏背誦經史功力兼人

南昉文集卷八

七

為文神鋒雋朗刃迎縷解識者決為遠到弱冠猶困童試亦  
菴公齋志病革家無生產君與太孺人銜哀茹苦惓惓無告  
鄰有火災君從烈燄中顛天號救屋宇盡燬柩得獨完年二  
十七學使首拔為長洲弟子員旋以高等食餼甲子秋太孺  
人遽疾幾殆君書血表禱嶽神病忽瘥有芝生於庭太孺人  
趣之赴試遂得雋戊辰捷南宮 賜進士第二甲出身甲戌  
除福建汀州清流知縣縣為水陸孔道土俗刁悍君自筮一  
行作吏潔已恤民固儒者本分事甫下車盡除里甲陋規夫  
船驛騷悉歸官辦鈎校案牘力杜私請遠鄉歷年抗賦若夢  
溪芹溪英地炭山羅邨諸處官吏莫敢誰何君單騎親往播  
告急公大義眾竟感服由是積逋一清宿盜頓息凡遇訟獄  
必詳必慎會右命案連坐者畏禍遠遁眾因指為元兇君激



行察訪越五年罪人始獲力白冤誣早則禱雨疫則禳災饑則發廩躬親勞瘁惠孚誠感修學校繕城郭治橋梁六年間百廢具興政事餘暇出其編摩舊業教授邑中子弟分考文武鄉闈得士最盛嗚呼當夫吏道龐雜挾筐篋營苞苴者牢固莫破君以文學進身一意拊循其民而練達世務秩秩就理不媿漢史所稱以經術潤飾吏事者謂宜爲當世循良上第也而君以鬱鬱未克盡行其志顧太孺人春秋高就養官舍晨昏終不自適喟然歎曰養親必以閒身爲善乎吾歸矣上官留之再三卒力請以遂厥志邑人攀轅號泣填衢越境君見太孺人跋履無恙扶輿色喜旣抵里門門人負笈愈眾坊費復以選政請丹鉛稠疊菽水蕭條杜門掃軌心力較疲戊子秋侍太孺人疾晝夜調治幸復安痊而君病已中膏肓

南昀文彙卷八


七

一發不支卒年五十有八君孝行醇篤出入必稟太孺人愛姊妹恤嫻黨恩禮交至與人交必敦信義讜言規勸聞者感動所纂四書合叅春秋講義久爲後學津梁近更編成明儒大全薈萃精審羽翼聖言擴充傳註厥功尤鉅余自與君同遊端仁吳先生門旣而君來問業於我先君趨踰文星閣下對越齊莊莫之與匹比君公車至京益以旅館聚首爲樂及見君治行有聞閑居不仕尤歎爲人所難能而善人君子不得久存於世嗚呼可哀也已元配馬孺人有淑德卒於君鄉薦後三載年三十有七子五人孺人出者萬烈國子生建業崑庠生庶出者萬杰萬燾萬煦女四人一適歲貢生張大任一適歲貢生金棟庶出者一字徐宏謨一幼未字萬烈等於康熙四十八年四月癸丑葬君於長洲縣陳公鄉友字吁之

新阡馬孺人先葬於吳山重遷以祔君穴銘曰  
猗藝林之哲匠孤生偈偈也世闡壻以為行子獨不屑也學  
乃入政非操刀漫割也志養非祿惟膳羞之潔也出處盡道  
離塵壙猶一瞥也有歸其邱原高而水結也吾銘此無媿詞  
令名沒世不滅也

南明文彙卷八

六



今各好世不錄也  
一譽中亦論其頃限高而水結也吾銘此無媿詞  
人父非并尺對陣也去養非祿惟膳羞之潔也出處盡道  
猗藝林之哲匠孤生偈偈也世闡壻以為行子獨不屑也學  
乃入政非操刀漫割也志養非祿惟膳羞之潔也出處盡道  
離塵壙猶一瞥也有歸其邱原高而水結也吾銘此無媿詞  
令名沒世不滅也

寧州知州前翰林院庶吉士張君墓誌銘

古者學之與政合而為一處也有實學出也有實政史書所稱循吏兩漢最盛多得自經明行修之士有宋醇儒遞作若程朱諸大賢雖當筮仕小試之地莫不振興治化翕服人心則學與政合一之明驗也浴及晚近濡首帖括苟期弋獲一旦蒞官臨民罔知所措乃使人歎儒者迂疎寡效而刀筆筐篋之徒得乘間抵隙於其間可勝歎哉若我友寧州守張君為今日之僅有者也君諱孝時字嘉錫號淪齋曾祖太學生雅吾公祖長庠生雲將公考長庠生贈奉直大夫苾源公世有隱德母贈宜人丁氏吳氏君兄弟六人而居其長德器凝重言笑不苟力行孝友其事親也存則先意承旨歿則三年不飲酒不茹葷不內寢守禮惟謹為人所難學問專篤與叔

南昉文彙卷八

九

弟嘉名君晨夕砥礪尊師擇友不屑苟同流俗既受業於我師端仁吳先生之門嗣以我先君仁簡公倡教於文星閣下講居敬窮理之學君默契信受歸本於躬行實踐盡舉先儒語錄精思窮索故為文貫綜經史根據理要雖久困童子試絕不以得失介意比及游庠年已三十有八矣越四年丁卯舉於鄉辛未南宮之試主司見君七藝醇正步武先民策論尤優於理學經濟幾得元而列第二殿試二甲選清書庶吉士士林無不慶得人也甲戌散館外調戍寅授欒城令邑當畿南衝要之區君蒞任詢民瘼清驛務欒有洩河故道湮塞歲常水發民廬漂蕩歷久弗能濬治君請於巡撫設法興修躬行董役豪強侵占靡所瞻顧閱三月而告成事并築通津橋梁俾支流皆滙於洩而欒之水患遂息其為政以興學

育才爲務設義塾勤月課彬彬乎弦誦遺風纔及兩期時當計吏巡撫遂登薦劄上命記名銓曹未幾擢知陝之寧州寧尤邊陲疲瘠逋賦積至七年官茲土者席不暇煖以去君極意拊循絕科派減耗羨告諸上官請題分年帶徵旋奉有西巡蠲賦之詔民困乃甦君惻然謂寧民曰吾寧催科政拙爾不忍重困吾民也每遇春秋刈麥穫稻之期輒停檄不下雨暘失敘出積穀資平糶州西天池久涸倡捐緡錢亟疏濬之民資灌溉之利歲多岐麥獻瑞者用刑尤極明慎疑案立剖先是在樂日倣王文成公社學規條及呂叔簡先生刑章八戒奉爲法程至於寧無改焉蒞任七載以肺疾乞休上官慰留再三堅請乃得告歸方擇期啓行一夜疾作卒於州署寧人士攀號思慕私謚曰文介先生君生於順治丙戌年

南鳴文彙卷八

三

五月二十七日卒以康熙戊子年十二月初二日得年六十三有三元配贈宜人林氏繼配贈宜人顧氏子二大任歲貢生大年太學生女三一適長庠生顧貴生一適太學生管大彰一未字孫男二孺孺余與君同侍端仁先生研席稱縮髮交及君從先君游相與探究正學資益尤深君既達而余自幸我道不孤矣方欲待君歸來商量舊業率廸吾徒以繼前人志而今已矣平生知己奄忽彫喪庭館寂寥形影孤孑不能悲哉大任既扶喪歸里急營窀穸卜吉於吳縣靈巖鄉菜字圩之原以吳宜人瑩壞弗利先謀遷葬而君與林宜人顧宜人附屬余書隧中之石大任忽於今五月病卒蓋以勞瘁毀也孺等繼其志而卒事焉時爲康熙四十九年十二月十二日余不敢負諾責而爲之銘銘曰

學不趨時遠乎窺洛閩之室政不阿俗淳乎登卓魯之籍家  
國無忝行藏無隙繫吏之良實儒之碩乘化以往不慙遺子  
從泉下良足悲楞伽之南寶華陞幽宮既奠神來歸後有考  
者視此詞



南昫文彙卷八

五

學不趨時遠乎窺洛閩之室政不阿俗淳乎登卓魯之籍家  
國無忝行藏無隙繫吏之良實儒之碩乘化以往不慙遺子  
從泉下良足悲楞伽之南寶華陞幽宮既奠神來歸後有考  
者視此詞

中憲大夫寶慶府知府巖卜顧君墓誌銘

雅園顧先生旣以剛直大節底柱鄉國而家教行於子弟最嚴整有法度以染習流俗爲戒故歷世四紀遺澤流長家聲公纘如其季寶慶君之治蹟循良行藏完善固卓卓可稱述也君諱用霖字雨若號巖卜系出吳丞相醴陵侯後自七世祖諱昇居長洲維亭之顧港以力田孝弟聞祖諱所載邑庠生贈文林郎浙江山陰縣知縣雅園先生諱子咸順治丁亥進士歷任吏部考功司員外君爲先生第四子嫡妣陸太恭人生母金太恭人君自幼器識沉厚當先生爲桑梓嬰禍幾致毀巢破卵之難童穉卽歷艱危旣而失怙復驟益自勤苦好學爲文章閱亮有典則康熙壬戌禮闈中式殿試賜進士二甲第八久之選四川西充知縣丁嫡妣憂服除入爲禮

南昀文集卷八

三

部儀制司主事丁生母憂重補原官歷祠祭司員外兵部車駕司郎中尋陞浙江金華知府未行掣回就粵西缺銓例又停改補湖廣岳州知府巡撫薦調寶慶甫拜命卽引疾致仕歸二載而歿君以文儒筮仕立志皎然潔清而有精明幹理之材諳練時務其在西充也荒城不及百戶吏胥止四五人君召募充役科條始肅邑中多逃亡絕戶竄避糧役里長任意科斂君先行保甲驗明戶田旋即單騎裹糧按里稽覈所至悅服檢校糧冊盡得其實詭避私派之弊遂除南部民有糾黨劫掠之變上官將調兵防禦君曰調兵則先擾民山谷烏合當不日解散固請止之但杖懲其受誘者令里長收保竟得安帖時蜀中清理通省田畝君上魚鱗冊巡撫知其才檄行州縣視爲式令君署廣安州復調覆文射洪身兼三

篆廣安距西充六百餘里終歲馳驅革供億清訟獄境內翕服州民不戒於火延燎甚熾君捐俸賑恤免其科徭民尤德之巡撫薦疏云才堪肆應一塵不染比以憂歸攀轅之衆號泣載路肖像勒碑去思不釋其在岳州也當湖南北要衝地瘠民疲屬邑遠隔洞庭呼應多阻君至概絕餽遺禁戢刁訟惟以詢疾苦申鄉約修學校為務不忍行一切刻覈之政各屬所上讞牘加意平反俾無冤抑楚地有黃藤草殺人民有小忿服之殞命君嚴為禁止湖南運糧俱至府治并兌軍民錯雜盜賊乘間竊發自君在任奸父絕迹歲旱禱雨隨車立應湖陰巉石峻險舟易覆溺君潔陳牲醴籲神以弭厥患故民之愛戴一如在西充時當君任春官署職司典禮條議必中窳祭凡遇磨勘提調分校之役皆以平恕公明見稱朝列

南昫文彙卷八

五

監督南新倉務釐剔耗蠹交代肅清及在車駕稽察驛站勘合律例較嚴會有晉省遠道處分牽連之案君為之保全甚夥其居官品概人無間言如此晚年既調寶慶方稱湖南沃壤君竟決策乞身絕無濡首宦游之戀此更為人所難也君性敦孝友卜築先生兆域湖山環拱規模宏敞山陰名宦有錄雅園自敏有注祇述遺訓孜孜弗忘去年初夏我黨祀先生於虎丘清和書院君匍匐成禮越兩月而病遂革先是為同母弟新會君庶常君綜攝貲產經營婚娶一遵治命纖悉無爽周旋親故禮誼浹洽冷寧厚無薄而居恒言動多中準繩不屑干時躁進故能駁歷有聲清風無改進退秩如嗚呼是謂先生有賢子矣配宋恭人文華殿大學士宋文恪公第四女嫁時猶逮先生之存孝養兩姑愛敬兼盡為君贊襄出入

能持大體文恪公姻婭鼎盛與君逡巡其間獨以恬謹自安  
從宦岳陽跋涉勞瘁疽發不治君故傷悼特甚官情彌淡云  
君卒於康熙五十四年七月十二日年六十有四恭人卒於  
康熙五十二年六月十二日年六十有三子一爾昌長庠生  
娶宋氏女四適太學生樂世璵廩膳生裘嶺貢生陸塚太學  
生鄧壇康熙五十五年九月某日爾昌奉君與恭人柩合葬  
於長洲縣惟字圩之新阡乃來請銘余既爲先生入室弟子  
復於君有一日之長痛君歿而平生師友風義零落幾盡矣  
能不爲之握管嗚咽也夫銘曰

嗟峨清門名教羽翼允矣象賢繼承靡忒名揚 帝庭傳經  
爲奕學優入官有倫有脊爲百里宰爲二千石良吏遺風循  
理奉職流波滔滔罔或蕩激知止全歸長貽清白主饋偕臧

南昀文彙卷八

五

範垂閭闕同麗高原龍蔥地脈體魄永寧千秋真宅子孫繩  
繩綿延世澤



上杭縣知縣翁林一墓誌銘

漢史循吏傳所紀治行高第皆推本廉平以經術潤飾吏事者故民多從化生有榮號死見奉祀又觀章帝元和詔曰安靜之吏悃悃無華日計不足月計有餘由此言之固非刀筆者流一切趨於武健嚴酷所可勝任愉快而後世則反是此吏治之所以日壞而民不得被休養生息之澤也若上杭令林一翁君余以為猶有兩漢遺風焉杭為汀州巖邑舊稱難治君平生性行馴謹絕不矜才炫智當其銓授是邑也多以煩蹟為之鯁鯁慮者君蒞任惟以潔已恤民自矢不移杭民正賦之外歲有加派平頭銀八百兩君曰民何以堪亟盡革之民遂大悅輸賦日例每由衙胥執簿挾衡任意勒索君令納戶自封投櫃民更便之杭地連遘旱災米價湧貴君請之

南昀文彙卷八

五

上官開倉平糶其貧不能辦值者則捐俸給之全活無算杭民好訟乘隙構忿輒食斷腸草以自殞株連煽害君必單騎親行檢勘真偽立辨刁風頓息其以田畝墳隴分爭界域者亦必躬履其地而供應陋規槩與拒絕民間婚姻失時議離構訟君委婉勸諭為之捐助完聚貧民死而將暴露者亦許報名給之棺殮又葺城樓以復舊觀建營房以資防禦繕南溪橋梁以濟利涉并嚴行溺女之禁宰牛之禁佃丁抗租之禁牙行包攬侵蝕之禁興利剔弊釐然可紀尤以興行教化為轉移風俗張本每月朔望祇謁學宮宣講 聖諭十六條注解成書頒示鄉堡立義學於杭城四隅擇師設教官給脩脯生童以時課試評論甲乙蒸蒸向風壬午分校秋闈所得士皆寒畯在任五載頌聲洋溢四境謂賢父母以養以教德

意至渥也而君心力既殫病遂不起卒之日杭之市肆山村無不咨嗟流涕釀賻金助歸櫬呈請所司從祀名宦嗚呼此豈可強而致者哉今天下民生況瘁矣司牧者不以民之父母自待而民惟恐其戕我也使得如君者羅列於城社間庶幾瘡痍可以甦息惜乎不得大展其用也君諱大中字林一蘇州常熟人中康熙丁巳順天舉人爲余所得士丁丑成進士賜第二甲出身以辛巳年選上杭縣知縣曾祖諱拱臣祖諱萬春皆贈中大夫父諱長庸順治丁亥進士累任河南布政使司參政分守河南道妣王淑人大參公宦跡清介晚年致政家居貧宴如君淬厲學問湛深經術不屑爲俗下浮靡之習飢驅四方備嘗艱苦及從兄鐵菴公既貴君在京師適館課徒亦絕不向朱門干謁故鉅公之倡導聲氣者落

南昀文彙卷八

三

落不與推挽且曰此固不識時務者爾自君薦賢書遲回二十年卒博一第憊甚矣而君喜愠終不形於言色及其一行作吏獨能實心實政獲信於民如此此足以見華士虛聲之不足尚而樸誠簡嘿者未必不爲國家保惠黎元之一助余故不得不爲之闡幽表微以爲可附於兩漢循吏之後者如君固無媿也君卒於康熙丙戌年某月某日得年六十五有五配某孺人子三人偉國學生俊俸女若干人適某某孫四人汝弼汝爲汝霖汝翼偉等卜吉於某鄉某字圩以某年某月某日葬銘曰

維學與仕合軌斯良謹身率先視民如傷醇儒立志體用偕臧何彼俗吏繭絲皇皇脂膏腴削乃實管筐波靡日甚誰飭官常有賢司牧稱自上杭藉藉遺愛視昔桐鄉何以致之歟

績允彰曰廉曰惠無怠無荒鞠躬盡瘁令名則長新封叶下  
鬱乎高岡吾作斯銘徵信無忘宜爾子孫永誌烝嘗

南昭文臺卷八

五



學乎高岡吾作斯銘徵信無忘宜爾子孫永誌烝嘗  
鬱乎高岡吾作斯銘徵信無忘宜爾子孫永誌烝嘗

孔門之教首尚中行而次及於狂狷蓋以人材之生如狂狷不無所偏而苟得至人爲之依歸則裁成造就馴至於粹精之域終不得以偏名之足爲雷同附和芟芟小儒之砥柱焉後世教衰學敝苟於千百人之中有一矯然自拔於塵埃之外者往往探幽鉤隱翫心曠渺而不屑循循於中庸之道此固有所激而然亦終不得大展其所以用竊歎夫造物成材互有升降之會也吾友慎旃吳君生秉奇邁之氣童時操管角藝輒爲先輩驚服而立志卓犖視世俗鶩聲氣泥帖括以資進取者蔑如也性好博聞強識自去經諸史天文地理軍法水利諸書靡不研索原委瞭如指掌亦究心理學宗派於濂溪明道象山白沙姚江之傳默有心得故爲文吐棄糟粕疏

南昉文集卷八

天

淪性靈投之所向無不穎脫而出旣爲諸生旋以選貢入成均中康熙乙卯順天鄉試一時加以殊尤絕類之目嗣是三應禮闈主司有與君爲親故密邇者君堅以詭遇爲取故無從物色之無何竟謝公車超然有出世之思矣閑居掩關專心佛學哀集藏經宗乘緇閱禮誦日無虛晷獨居外寢屏除葷酒勞形苦志幾與緇衲爲伍如是者旣數年會部牒至授秦郵學正君自謂寒穉棲託雖仕猶隱也及之任修學宮賑饑黎兢兢奉職突邁同官匪類告訐傾險君乃逆來順受鬱抑致疾以歿時則家人遠離惟一二生徒相視易箒神清語朗絕無繫戀於死生之際固其平時神明祛練而然也嗚呼以君之才豈不負大有爲之志欲比蹤於古之豪傑者耶乃遊思方外韜光晦迹豈非勘徹世味之滑濁而舍彼取此者

耶抑謂諸相既空而客塵煩惱任數乘除究竟去來無礙者  
耶此吾所以推君為狂狷之流而人第以逃禪目之不禁為  
造物之成材者致惜也君諱諶號後覺居士系出吳泰伯後  
曾祖諱之佳刑科給事中建言削籍贈太僕少卿祖諱承科  
太學生贈戶科給事中父諱适兵科右給事中前母申孺人  
母顧孺人配宋孺人子男三人衡歲貢生通州儒學訓導華  
泰俱前卒女二人孫男三人君卒於康熙甲申三月二十三  
日得年五十有八以乙酉十二月葬於長洲縣十五畝射墩  
之新阡衡請余為隧中之詞維余同里世好總州以來追隨  
藝林而君與伯兄景南叔兄羽斯一門競爽余每目懾而心  
折焉暨余謝病歸田君遂以把臂入林為喜招致比鄰靜坐  
清談一洗往時文酒氣習最浹洽也比君有秦郵之役余擬

南昀文彙卷八

五

諷阻而未得悵悵有離索之感歲月彈指幽明契闊可勝慨  
歎也夫銘曰

君為我言浮生旅客儒耶佛耶誰分吟域心學光明薪傳脈  
脈龍溪近溪豈曰堅僻世乃皮相紛紜襲績我固知君聲大  
若騁倡導無時風光闐寂聞道可死廓然朝夕決疣潰癰端  
倪莫測桑戶反真視茲幽宅

南昀文彙卷九

墓誌銘

寧遠知縣瞻萊倪君墓誌銘

余於康熙壬子秋識梁溪同年倪君望其容貌溫溫莊莊信爲篤厚醇謹之君子也每當計偕至燕臺必與聚處懽洽乃君竟不獲一第筮仕荒邑政聲方起溘焉捐館迄今迢迢二十年所令子宏祚踵門來告曰先人葬地遲久始得吉卜惟藉譜誼乞爲銘詞余按行略中件繫君之嘉言懿蹟實詳且核知其材智能通知父志者謹直敘之曰君諱金書字京武號瞻萊倪氏出春秋邾庶子封於郕因爲氏後易郕爲倪自西漢御史大夫寬以經術顯代有名臣南宋吳郡監丞子雲始遷於錫元末高士雲林先生數傳至怡園公諱扶爲君曾

南昀文彙卷九

一

祖是生仲怡公諱友志爲君祖學行卓越載在孫文介公所撰墓誌君父伯玉公諱應瑗母錢孺人出吳越武肅王裔紹承世德隱居高士故里祇陀邨力田讀書敦誠抱樸生二子君居次會家道中落命伯子龜勉治生以君資稟明敏克興儒業延禮名師講藝勤拳君奮志揣摩爲文日工鄉薦時伯玉公見之喜慰其夙願也君事父母至孝晨昏定省靡不先意承志癸丑下第歸伯玉公已病君竭力調治鬻指剜肉卒弗救苦由中毀濟幾殆錢孺人相繼成病君晝夜匍匐床第閱二載如一日及時襄事戚易兼備事伯兄亦洗腆致敬謂非兄獨任家秉何能自力於學也至若任恤宗族孚信友朋凡遇利濟鄉里之事樂施不吝余同門雲翎馬君樂善最篤每稱君爲同志焉君初試南宮卷爲本房深賞旣薦復落服

闕後遽赴公車不售丙子就選湖廣永州寧遠知縣時君年已踰艾不得已而一行作吏人皆以小試惜之寧遠山區險峻土瘠而民悍夙號難治君甫蒞任知前此徵收錢糧私耗幾與正供等故懸欠纍纍因減去十之七卽以補耗之三完抵逋額民稍慶更生矣學宮荒廢亟捐囊金修葺殿廡時集士子品題甲乙雍雍然教化興起更慮俗多囂訟勸戒諄篤不忍輕加鞭朴山中有唐張二姓族衆丁強結黨成讐告訐毒害無虛日君思積誠以感動之乃爲椎牛醢酒召兩姓數百人至堂下流涕婉諭曰明有刑罰幽有果報與其兩敗俱傷何若今日聽官長言消釋宿釁爲蓋有酒在尊有肉在殺此吾一片好生苦心也衆遂相視泚然汗下皆擊額瀝誓而去邑中凶慙殺人官不窮治每致漏網時有九疑司防兵寅

南昫文彙卷九

二

夜被殺不得賊名君曰若是何以報冤魂哉奸慝耶因齋宿城隍廟祈示感應果獲賊劉榮一訊伏辜虞舜陵在寧界內每過 朝廷遣官修祭例派民間公費三千兩官吏資肥君曰無庸止派一千兩足矣衆咸惴慄竟得節縮竣事使臣始知瘠地亦無呵譴永州緝獲私鹽卽援奸商私販重律實係貧民迫於飢寒負擔營生耳君凡遇拿解概行責放全活甚夥於是民皆樂得賢父母無何以病卒於署閭巷環泣哀音載路不靳贈賻以資歸櫬白衣冠走送者千里不絕嗚呼非君之爲政恩義交盡烏能感格民心如此哉君卒於康熙戊寅正月二十三日年五十有七配闕孺人文學楚培公女幼侍父母以孝稱于歸後善事舅姑贊助耕織躬親拮据不以纖毫俗務分夫子下帷志睦妯娌慍臧獲內外無不宜之及

其視疾堂上服三年喪尤極勞瘁卒於康熙乙丑六月初十日年四十有二繼配華孺人文學子先公女才識明達善撫前室子女均如己出經營婚嫁殫心盡力其從任寧遠也苦守齏鹽相勗廉介君歿而補苴帑項典棄釵鈿銜笄歸里重理故產綢繆戶牖漸得寧居皆其勤儉所致尤爲閨閫所難卒於康熙辛卯十二月十三日年四十有八男子六宏祚歲貢生教習候選知縣振祚國學生隆祚國學生昌祚興祚謙祚女子二適國學生朱銘庠華紘孫男五士楫士樸文杞文梓用霖孫女十四康熙丁酉十二月十六日宏祚等奉君與兩孺人柩合葬於芙蓉山之新阡與高士墓麓相望云余惟晚近以來儒行浮夸吏道龐雜往古仁人長者之概不可多覩矣如君之修於家則敦孝友居於官則懋循良而位與年

南昀文彙卷九

三

皆不得厚膺其報可勝慨哉然嗇於身者終必豐於後即今之先疇無改舊德猶存克家之子將廓此未竟之緒而足增先九京者固可券也銘曰

孝廉作宰追淳風文學政事淑厥躬天不憖遺世所恫歲時荏苒成堂封白雲之鄉青芙蓉峰環水匯形豐隆有兩淑媛偕相從永綏奕禩祥光融鹿鳴舊會我則同摛詞徵信藏幽

宮



表兄施帶士墓誌銘

兄之歿也余為輓詞一篇道其生平梗概頗悉期以葬日為之銘迄今六載雨孤奉柩既厝荒阡久弗克葬余為置壙中磚并乞賻助草草襄事臨穴視窆固未遑勒詞納隧也而余弗敢爽心許之約以負兄於九原因為之誌曰兄諱廷錦字帶士號東柯余外王父文林郎益王府審理仰思公諱宏德兄之祖也考亶錫公諱孝先吳庠生為余三舅氏生子三兄為長幼稟穎秀專志向學舅氏親為指授蔚然成章年十七補吳庠生遊泮之日余年方奉雉猶記從先安人一往觀焉是時舅氏家道稍裕旋即遘疾以歿兄既罹孤苦甞勉成立而所遺汙萊頻歲荒棄賦役不支日就窘縮惟以授徒餬口為文章根據理要摹倣先正視時趨浮靡之習蔑如也兼於

南酌文彙卷九

四

經史原委釐晰貫通旁及四六駢麗諸體尤為藝林鼓吹詩雖不多作間有感興輒得古人遺韻屢踏省門弗利年既艾始食餼於庠會我先君就文星閣下督課門弟子君從遊於少俊間若忘年契每一藝成閱者必擊節折服謂終當讓之一頭地又歷試久之弗利如故鬱鬱成疾尚未忍謝去舉子業伏枕呻吟時時作八股語嗚呼其可哀也已兄雖淪落不偶而品行修潔未嘗以貧故舍恥俯仰於人亦不願馳騁名場揚揚恃才自詡二者尤為流俗所難而扼抑諸生中五十餘年竟不得少伸其志氣太史公致疑於天道之是非良有以哉君視余十年以長余自童年喪我先安人兄弟相見色黯情傷兄與稼邨兄蚤為文壇翹楚當余就試時追步後塵自分學殖固陋大有媿於兄也兄晚年值余退歸草堂每

過必談論古今流連終日若有依依不舍者未幾而兄病遂  
弗起余所以哭之哀且過時追感必欲及後死之身送兄入  
地也兄卒於康熙癸未年八月十七日距生於明崇禎甲戌  
年十月初六日得年七十原配郭氏繼配盧氏子四元淳先  
卒元瀛元涵元渤殤女一適華元美孫五人葬在吳山某字  
圩舅氏墓次時為康熙戊子年閏三月二十日銘曰  
臨濮衍宗流傳洙泗趾美漢京石渠講肄代有哲匠靈光獨  
歸經明行修舅氏昆弟君乃克肖博聞強記溫溫莊莊廉隅  
是法制科失之士林長喟淺土一坏桐棺永闕薄葬稱達古  
人寓意冥冥解殓歸魄於地我作斯銘濡以殘淚

南昉文彙卷九

五

蔣善彰墓誌銘

余方成童時城南文社特盛蔣子宣臣實為倡首有弟善彰年與余相埒翩翩然來詣壇坫弱不勝衣為文風姿雋朗迴脫塵滓疇三宋先生與先君子同司月旦輒為賞譽曰蔣氏有二難矣既而雅園顧先生召集郡城之與童子科者糊名校課親題甲乙善彰亦得拔前茅於是名噪甚而余獨樂其為人篤於孝友胸懷坦易不設城府即之藹然可親善彰亦喜余樸直虛懷參質風雨周旋依依不舍也久之善彰始補博士弟子余猶困於諸生復為里中會業宣臣與善彰往來無間每至燭炮酒酣歌呼歡甚自余羈宦京邸離索踰時善彰郵書至則曰孜孜為善乃遇合感應之由余深服其言獨異流俗故念之益摯謂為吾黨同志助者必善彰也及余省

南昀文彙卷九

六

覲南還與善彰相慰勞善彰已食餼於庠而素有羸疾又艱於育嗣鬱抑不自得無復往時揣摩進取之意余再之京別不幾年善彰遂以病歿聞其蓋棺時同學諸子來視含斂皆痛哭而去足以徵其素行乎於朋友矣善彰諱聲卒於康熙戊辰年六月九日享年四十有四蔣氏先世居甫里為科第望族少參魯山公孝廉成吾公公鼎公公鳴公皆其從祖行祖諱鉉明季薦舉賢良未仕考諱曾汶庠生娶管氏孝廉子韋公孫女溫和儉約能相夫子以肅家政家人悉稱其賢亦時嬰沉疴後善彰六年而卒遺命以伯兄子承章為嗣國學生孫三心逸學敏德懋今癸未三月癸酉合葬於吳縣蒸山之麓與先塋相望余自憫善彰之亡竊憶交舊中文行淳淑如若人者何可多得設天假之年豈不足以繼家聲有聞於



洞庭嚴氏兩世墓誌銘

余聞洞庭東山嚴氏當前明弘治間以甲科起家稱良二千石爲芥舟公諱經其子孫繁衍家業隆起蓋山中望族也余閑居杜門遊跡稀簡山中知交落落今年夏有踵門來謁者爲芥舟公裔孫明以將葬其祖父母與其父母乞爲之銘因陳其所述兩世行實以告曰明蓋孤子又孤孫也生八歲喪我祖汝敷公同時喪我父勳臣公及十四歲又喪我母煢煢稚齒弗獲稔知吾祖吾父之生平懿行鮮民之生不如死之久矣茲之所述得自叔祖瑞侯公之訓授略詳痛念兩世荒殞多歷年所過時而不能葬日夜用疚於厥心今始經營片壤惴惴焉弗克表彰幽隱爲懼故敢瀝誠以請余視其色黯然察其情悽然閱其辭又亶然足感也何忍重違其意因按

南畝文彙卷九

八

其述而銘之曰嚴氏籍系汴梁宋南渡時始卜居洞庭東山至芥舟公而世益顯汝敷翁諱寬祖慕山翁祖妣周孺人以節聞考曙陽翁妣周孺人翁生而穎異屏絕羣兒嬉戲善摹古楷工舉子業止下經史百家不屑屑步趨時習補博士弟子試輒冠軍官詹徐文靖公識爲異才招致門下與其嗣侯齋孝廉雅相善方磊落負大志會運際陽九滄桑變更謝去覺籍隱居養母角巾野服遐跡於山巔水澨之間性長厚亦嚴正自持嘗有祖業爲典守者蕩棄將指屋以償翁弗忍也還券而置之遇里中事或不平必義形於色人多懾服晚年就館朱氏貴胄弗馴獨能董以禮法時稱良師焉卒以康熙己酉六月二十六日得年六十有二配慎孺人孝事舅姑贊助喪葬改先翁十年卒爲順治己亥八月十三日得年五

十有二子一兆行即勲臣女二適周鴻業朱安世勲臣君固以毀卒者也君賦質淳良少思以文業奮因親老家貧乃棄帖括謀生殖以供高堂養娶葉孺人出自素封能親操井臼仰瞻甘旨汝數翁垂老林居愛客實賴子婦以娛朝夕比翁病歿君號泣隕絕日進溢米越三月遂卒孺人痛嬰兩喪鞠育藐孤荼苦最酷兼以嫁小姑償積負傾篋倒篋黽勉有無困瘁遭疾將革時悲不及見明之成立諄諄誥誠言盡乃絕君卒於康熙辛亥五月十三日得年二十有五孺人卒於康熙丙辰八月十三日得年三十有二子二明娶朱氏祖武出嗣女一適朱鶴孫二學陵學顏孫女一以今庚辰九月朔庚寅合葬於查灣長泉山麓之新阡蓋汝敷翁在日愛查灣山水之勝思卜兆於此而葉孺人臨歿述以囑明勿忘祖命者

南昀文彙卷九

九

余觀洞庭為東南山澤之饒其土風習俗大都挾貲殖產趨鶩榮利以相焜耀而砥礪志行皎皎隱淪高致何可多得若汝敷翁者豈非矯語巖穴不與儕俗偶者哉至於春秋書子野之卒特具月日憫其毀也非必以滅性為譏也則死者之戚勲臣君亦有焉嗚呼是可以銘也已銘曰  
具區東滙層巒壘岡耀儒偶出豹隱鴻翔翕然高蹈逸民頽頽有子志養竟以毀亡棲緯誰恤九原盡傷茲卹叶卜遺言勿忘橋高梓俯鬱葱相望宜爾子孫體魄永藏循良遺澤奕禩其昌

席文遠墓誌銘

君諱啓疆字文遠號牟山前太僕少卿香林公叔子也香林公淳德稱於一時禦災捍患功在鄉國於是洞庭之濱翁然若庚桑子之居畏壘爲人尸祝焉其宗族交游聲名意氣之盛亦足雄比千乘焜耀相望矣顧生於饒厄之地能厚自修飭敦本勤務疑然有克家譽爲一門最者則必推君君素從鳩峯陸先生遊鳩峰爲余師圭峰先生兄與余交甚故嘗稱述君行誼不置比君歿孤某等持狀來乞余書其隧石按其排纘事行詞簡而核情隱而惻不欲似世俗諛墓夸言相尚者余乃諾其請而弗敢有溢於狀所云也狀言君之篤於孝友也年未冠香林公歿伯兄文育君早世仲兄文輿君抱病不出季弟文夏君宦京師中更大母嫡母及兄嫂喪靡不竭

南畝文彙卷九

十

誠盡禮生母在堂色養交至焉君之敦於氣誼也香林公旣立義塾以教族人子弟之貧者君更增創其一又給公田置善藥施續助構焚券傾囊急人患難好行其德所在多有焉君之虛已好賢也賢豪投分戶屢相錯晨夕晉接飲食與共而慕詩書爛文藝由於天性自以遭家多故廢舉業家言厚望諸子奮勵有成拾尋師友窮年兀兀久而無倦焉凡君生平梗槩不乘名於皦皦不墮行於冥冥者大率類此而狀又言君致病之由蓋有焦灼於中者自世產均析後澹桑代易饑穰時仍居積聚散盈絀無常往往奸宄構讐風煽焰株連訟牘而又大度慷慨出納瑣屑取事綜核莞庫所寄蠹蝕潛滋及乎利源漸涸輒復辜恩反噬以故偶遇瘍疾勢非弗治而遂鬱拂以歿歿時年止四十有七此諸孤之所以銜恨

終天而欲表揚令名以稍紓無窮之痛者也嗟乎如君之才  
之志使得乘時有為則與香林公設施幹濟之蹟豈不後先  
繫量哉而天則已窳之矣嘗觀太史公云當世千里之中賢  
人所以富今後世得以觀擇焉蓋其權於本末奇正之道心  
思才智固有什伯尋常萬萬者而君特好語仁義曾無異於  
巖穴束躬之士又豈屑以太史公稱道諸家引為流亞歟君  
以太學生考授知縣侯補府同知勅贈文林郎兵馬司副指  
揮卒於康熙乙丑六月十二日曾祖諱洙祖諱端攀父香林  
公諱本禎由中書晉太僕少卿嫡母吳淑人生母某孺人配  
陸宜人子男五永勳授兵馬司副指揮嗣世父後永勳考授  
州同知永年永綏女二孫男六孫女二以今乙亥某月某日  
葬於俞塢之新阡銘曰

南昫文彙卷九

十一

莫釐峰下有巋其邱君來歸止佳氣蒸浮惟君嫩行躬未厚  
酬蘊而積之後昆蒙休鑄茲片石鞏固千秋



吳懋叔墓誌銘

新安有孝子曰吳翁爾世以遺腹子起家維揚爲節母胡太君導揚志行聞於四方賢達聞卒以死孝聞有二子長諱承勳字銘直次即君諱承勵字懋叔生有穎質儀貌豐偉甫七齡而翁歿君與伯兄寢苫枕苫哀慟如成人事母程孺人出入稟承顏色惟謹伯兄蚤歲以明經薦壯志未伸淹鬱成疾君爲之侍牀嘗調湯藥者數月靡懈旣歿而神枯形悴此其至性過人矣君旣恫念父兄早世門祚伶仃益思砥勵奮跡爲存歿顯揚之藉會當功令得以入貲拜爵旁觀者相率登史謂朱紫可旦夕掇取也君昂首謝曰若何知吾志一意研尋舉子業簾閣清閑哀集圖史揮洒翰墨遇端人高士輒能折節致敬仍如翁在時其歸葬節母於新安也竭誠備禮感

南畝文彙卷九

三

動行路因作邗江別意圖以見志又舉節孝贈言重訂若干卷曰此先人終身之慕也自余北上公車羨門叔爲道翁之賢因識銘直暨銘直歿而識君先君送余補職赴京來至江干方講洛閩學君聳然觀聽若有深契遂執弟子禮先君假館留連喜其氣誼誠篤也至其樂善好施如置塚給楮育嬰救生積穀諸事往往仗助毋後猶憶先君晚年以文星閣頂復毀募修榜徨君立出五十金得以完事其爲人所難蓋如此曾一至京師顧念程孺人春秋高邁歸子舍撫視兄子教養綢繆心力畢瘁無何長姪病夭中腸銜痛忽忽不自得一旦從吳門邁寒疾歸遂不起卒於康熙三十年十月二十日年止三十配汪孺人州佐崙發公女嘗割股以療父疾旣歸君孝於姑敬於如家人無不宜之君歿後鞠育諸孤艱難

勞勤者十年遂得弱疾卒於康熙四十年十月初二日年四十有一子男子三與橋以仁夢鶴女子子三適巴士達閔志貴黃熙孫男二孫女一其先世宗系具載家羨門叔為翁墓誌中嗚呼自君之歿迄今十有六年余每數生平交游輩求其磊落敦古如君者何能易得設天假之年其所樹立固未可以尋常劑量而摧折之速如此當先君歿後君過墓廬焚芻酹酒視余悲不自勝及余曾宿君齋輒出先君留題遺墨展卷涕零情景如昨今以校詩之役留滯經年登其堂思其人能無百端交集之感哉與橋等先後奉君與孺人之柩權厝新安祖塋今將卜地於某鄉某字圩俟吉合窆屬余為隧中之詞此固余心所不能自己者乃為之序而系以銘銘曰  
孝子之家貽謀克似西漢衍流邗江之渙英英矯矯閔茲仲爾孫子

南昀文彙卷九

三

氏俗之姦兮斯人逝矣胥眩輕肥誰消吝鄙長夜冥冥游更星紀德耦從之故山歸止吾作銘章為告奕祀鬱久終昌祚

表府君墓誌銘

余昔在家塾時卽聞府君文名藉甚見其遊庠冠軍之牘勃  
宰理窟儼若宿儒洎余出就同人文會雖與府君先後問業  
於雅園顧先生端仁吳先生而府君遭奏銷厄不及交臂操  
觚也府君後游北雍復以數奇弗售中年棲息里門授經課  
徒會余移疾閑居率令子紹湯來從余游得通歲時聞問而  
府君壽幾大耋為霜林之碩果矣府君歿紹湯遵遺命祔葬  
於貞山祖塋之次因排纂事狀請余為銘府君諱埴更名慶  
元字安吉號敬齋先世出東漢司徒郇公苗裔越宋南渡遷  
籍於吳明初表氏有福安福實二公分支實公後為六俊兄  
弟安公後至嘉靖辛卯舉人兩任富陽新安知縣盤是生府  
君高祖曾鄉貢士歷任南寧府通判曾祖孟陽歲貢士薦舉

南昀文彙卷九

古

固辭卒贈翰林院待詔祖宗範諸生本生考日章嗣考曜皆  
諸生本生妣凌孺人嗣妣唐孺人金孺人府君有伯兄渭生  
而晝夜啼哭及府君生哭遂止同氣篤愛倍於恒情穎敏嗜  
學有二難競爽之目時則吳門先輩主盟壇壝府君為旣庭  
宋先生入室弟子巡方四川李公風聲峻肅親試合郡儒童  
拔府君居首學使試亦如之翕然稱高材生伯兄方中庚子  
南闈副榜無何而錢糧奏銷之案起均被墨誤不得伸其銳  
厲之氣扼抑甚矣久之始援例入成均旣與京兆秋闈者再  
壬子之役府君卷已呈薦忽被污損復落是時府君硯席素  
交曾經摧挫旋得知遇特達者接踵相望如府君之夙譽若  
復滿跡京華延緣聲援豈不終能博取科第者哉而獨自安  
義命決策南歸省侍庭闈遂丁內外兩艱不復營心進取雖

當仕路廣開之會淡然不屑小試固爲人所難也平生天性孝友在襁褓便喜讀古孝子傳年十五割股和湯療母血疾居喪旣葬廬墓三載嗣考妣絕無遺產爲之送往事居無不盡禮伯兄歿後撫孤尤篤與人交務敦信義周卹宗黨無少繫吝亦善審度事理代謀必忠以故倚爲師友者久而彌敬帖括之外留意時務如吳下均田均役官收官兌之法皆與陳條議更著治支河說開濬夾浦塘其存心利濟具見一斑晚年好讀宋儒諸書嘗訓子弟曰讀書不專爲進取計望其爲正士而已論及詩歌則曰慎勿玩物喪志皆卓乎造道之言紹湯奉教惟謹晨昏將養幹理門戶稱克家子府君因得優游就閒全其天年而無遺憾臨逝自謂今日全歸以見先人於地下又囑紹湯曰勿作佛事勿效世俗治喪宴客即以

南明文彙卷九

五

吾向年廬墓處爲安窳窳仍與伯兄並列昭穆其神明澄湛殆由恬養有素到此徵驗而然也時爲康熙五十四年十一月初四日享年七十有九元配金孺人繼宋孺人卽旣庭先生女有淑德子一紹湯歲貢生女四皆適仕族孫五潤汾皆太學生湛洵泌曾孫一模葬以康熙五十五年某月某日銘

曰

士競榮遇始稱聞人曷如古彥履素還淳府君之才實千里驢困於鹽車中途息轡壯心頓已儒修未泯豈須華組泪沒緇塵保有遐齡歿寧存順高壟歸藏孝思攸蘊喬高禩葉葉連枝世衍其澤券諸銘詞

余見新安江氏有濟陽家傳一編載其先世行誼凡歷五傳始自桂軒公以下及仁齋公玉樞公天胤公之白公皆以惇德懋行繩繩似續有古長者風心竊歎慕焉其集是傳而表彰之者則之白公長子立亭君也君既歿其孤排纂事狀請余爲銘其墓余因樂爲稱道之君諱文學字維滋號立亭系出濟陽遷徽州休寧之梅田後復來遷於蘇因隸長洲籍君天性篤孝童齡善事父母父病焚香籲天刲股和藥沉疴以起居喪致哀三年茹蔬斷酒不以毀瘠中輟相度窵窳親營畚鍤寢穴溫土者累夕赤蛇蜈蚣蟠伏其下竟不爲害葬既畢每遇父母生辰必率子弟詣墓展祭無間風雨數十年如一日也君又念新安上世祠墓贍省久曠往修祀事聚族言

歡并以曾祖妣汪孺人柩權厝歲久剋期營葬報本追遠意肫如也君有兩弟撫愛至深遇其疾疹躬親調治延師督課旣而兩弟以治生爲業君自肩門戶之任家道隆隆起終不以私財自蓄優卹妹家歲有常供甥其邁陷冤獄竭力援救以免其難嘗訓諸子曰力行孝弟堅守儉樸養善念成善事遇上等人說性理遇下等人說因果觸處類推便是好人矣早年雅好詩書思以儒業自奮後因進取艱阻乃援例入叅撫幕辦事有年當道皆識其誠謹旣試銓曹授職終不屑就銓而歸惟於鄉里間好行其德往歲子丑之交旱澇奇荒上官亟懸購粟賑饑之令君捐貲最多義聲傳播首被獎勸他若製藥育嬰置塚瘞骼及襄贊西郭普濟堂中事宜蠲蠲不

可攸舉而又見義必爲絕無恇怯瑟縮之態當儀封張申丞

滄州陳郡侯後先罷任時君涕泣霑襟晨昏露禱匍匐寓館  
候問絡繹或有憚以危禍者毅然弗顧其爲人所難如此歿  
之日神明湛然言不及私時爲康熙甲午七月某日得年六  
十有四配顧孺人側室某氏男子十二人王鳳歲貢生承嘉  
考授州同景曾錢塘庠生隆國學生承燕承熊承勳景帆庠  
生承點燿承黨承燾女子八人適某某孫男二十一人曾孫  
男一人葬以康熙乙未十二月某日在吳縣十九都常字圩  
新阡余嘗慨風俗澆漓人心淪替雖在秉禮尚義之家曾不  
一再傳而先訓蕩然茲知遵守甚至爭利則悉銖錙挾詐則  
操筐篋誇張靡麗以爲閭巷光寵而古道不可復問矣若君  
之行誼洵與五世傳中遺範纘承無墜而足以垂裕子孫者  
又豈有艾與銘曰

南昀文彙卷九

七

務華絕根俗乃傷惟孝惟弟仁之方如君爲善於一鄉適追  
前徽思無忘宜爾後嗣熾且昌萬峰蜿蜒環幽堂龍蔥佳氣  
遙相望貞石不磨儲輝光

余見古人自撰墓誌頗多心竊慕之自問德薄能鮮若更乞言於作者之手粉飾具文益滋慚悚康熙辛巳冬卜壽藏於銅井山岡即構橐存笥時年五十有七越六十又七十家事既傳日月逾邁此生行藏梗概料檢具定因復略加綴次授諸子孫俟異日刻石安置誌曰彭姓定求名勤止字訪濂號又曰復初學入南昫老人先世原籍江西清江縣前明洪武初從征來蘇至五世祖南窗公隱德遐壽名輩推重高王父嘉靖辛酉孝廉梧山公曾王父萬歷丙辰進士蓼蔚公王父崇禎貢士敬輿公王母蔡孺人考

皇清順治己亥進士知廣東長寧縣歷封翰林修撰國子司業雲客公妣施安人繼妣袁安人余生於順治乙酉五月九

南昫文彙卷九

六

日

王師方傳檄江南城居震動先妣分婉三日倉皇裹兒避兵於曾王父岫里墓旁丙舍備嘗危苦先妣遂嬰羸疾至戊戌而歿定求僅十四齡也先君以試事留京師久依王父母以育以教辛丑補長洲弟子員時鄉先達考功顧先生亟加獎許業師圭菴陸先生疇三宋先生敬生吳先生啓益最深三

嶺省闈弗利先君遠任粵東小邑慈惠得民郡守貪敝未遂遭誣去官定求在家侍養王母庚戌殘臘聞難急赴栖羊城數月事白同歸攀嶺涉江脫跡顛沛父子猶得破涕爲歡也壬子中江南鄉試癸丑會試筆誤過返甲寅中秋忽遇文昌玉局真官降鸞宣示丙辰榜信聞者皆疑且訥暨南宮首薦殿試又蒙

皇上親拔諸首果符神語云初授翰林修撰會丁巳復行鄉  
試余欲引避弗果事例紛錯致以鐫級留任自此困心衡慮  
歸嚮宋明大儒諸書宦情頓淡庚申請急歸覲先君方授徒  
講學戒以絕干謁息燕遊如向年入塾時而已壬戌先君趣  
之服官乙丑春正月

御試翰詹諸臣於

保和殿翼日又覆試十一人於

乾清宮俱蒙

睿賞命充日講起居注官纂修

兩朝聖訓分撰春秋講章冬十二月升國子司業是時直省  
選貢駢集人文較盛積弊盡革多士始無間言歲三周升翰  
林侍講信宿請假省親將抵里門痛聞先君之訃呼搶無及

南昉文集卷九

九

旋遭繼妣喪服闋養痾轉假至癸酉冬始起補同列頓謀排  
擠余遂深悔一出甲戌秋浩然辭祿絕不作任宦後圖也余  
性質顓蒙學殖淺隘既不能早希古賢振拔流俗亦弗能驅  
馳仕路潤色隆平祇以退身補過畢志林壑賴天之靈保全  
樛櫟不至溘若朝露誠厚幸焉乙酉春

聖駕南巡簡用定求為校刊全唐詩官伏讀

溫諭銷假卽照見任升轉又

詢江南督撫舉在籍諸臣之杜門向學者特

賜御書別幅定求獨拜

清問然終不敢重萌求進之心力以疾辭越癸巳春赴京朝  
賀

萬壽六十大慶禮成後



賜筵宴於暢春苑及松花石硯一方謝

恩回籍仰沐禮遇始終惟婉無以稍伸報答晨夕焚香告天  
釐祝無疆弗敢一息忘也若夫少罹亂離中更憂患慟蒿蔚  
之餘生傷宗祊之多故則亦終身為多凶多懼之人已爾違  
云偃息自娛哉且伏處鄉里落落寡合濟人利物力不逮志  
探研經籍編輯闕略猶多餘憾惟修造長洲學宮之役經營  
三紀粗復舊觀逋及先賢俎豆名區若文信國公吳文定公  
王仁孝先生徐文靖公于清端公湯尚書公諸祠次第募成  
楹宇文星閣尤為長庠羽翼靈光巋然漸次更新所望於後  
來似續勿替者皇皇如也戒諭子孫當知我志長守此寒素  
家風一切干寵希榮之習我已視之若浼疏傳謝客言鄭公  
自敘書陶令訓子疏昭昭簡冊實同龜鑑舍是無他語矣娶

南昫文彙卷九

三

李安人丙辰進士符公公女先於乙丑年四月四日卒男六  
人始乾國子生先卒正乾國子生日乾殤永乾吳庠生景澤  
康熙癸巳舉人尚祁國子生女六人一適宋大業內閣學士  
一適陸英歲貢生一適丁鐘嘉興庠生餘俱未嫁而亡孫男  
七人遵儒歲貢生早卒惇儒長庠生效儒勗儒啓豐府庠生  
啓鑄聚奎孫女六人銅井為湖山深處與先瑩煙巒相望魄  
魄堪依固不沾沾於青烏家言也已亥年四月初九日終於  
南昫草堂之詠真小洞享年七十有五越九月庚申日啓生  
壙而窆之銘曰

緊憑虛之渺躬乘一炁之鴻濛知生死如晝夜乃原始以返  
終惟循理而順命長遊於造化之中庶朝聞夕可而亦不  
涉夫苦空又何俟乎鶴表之識馬鬣之封

葬日就文中缺處填明或有晚生孫曾亦以次增入其餘不得加減一字有違成命并識



三

辭賦類一平林對魚命什疏  
卷九  
南昉文彙卷九  
上海圖書館藏

旌表王節母勅封朱太孺人墓志銘

玉峯瑯琊王氏有賢節母朱太孺人爲贈翰林院庶吉士宣遠王公之繼配今翰林院編修王子醇叔喆生之母也太孺人年二十四而稱未亡醇叔以五歲孤越二十六年發解又六年成進士入翰林太孺人年已五十餘江寧撫臣按所司申舉事狀題請旌表如例 旨既下不數月恭遇 皇上東巡覃恩給太孺人之封醇叔館試甫畢遂奉太孺人歸里門閑居侍養康寧無恙者歷二十一年太孺人乃以壽終母子間保素守貞終始勿渝名實孚而天人應做諸彤史所載固輒近罕覯者也醇叔以余知之最深屬爲隧中詞俾太孺人五十三年之苦節不泯沒於人間余懼文不克稱而義無容辭按太孺人先世自元時南坡公仕崑山儒學提舉遂家焉

南昫文彙卷九

三

歷數傳代有清德若巽菴公成化辛丑進士官監察御史二峰公嘉靖丙戌進士官至禮部侍郎皆顯名於時祥字公萬歷戊子舉人仕廣昌知縣則太孺人曾祖也祖邑庠元价公父邑庠漢勛公母趙孺人漢勛公少孤受撫於叔父孝廉匡叔公泊漢勛公與趙孺人皆蚤世太孺人亦爲匡叔公所撫幼而端莊明慧匡叔公偕其配徐絕愛憐之嘗挈至開封司李官署崇禎末許字宣遠公未出閣遭鼎革之變崑城潰匡叔公死於難舉室赴井就殉太孺人亦與會救迺免甫于歸而君姑歿時當兵荒屢侵家艱踵至太孺人承君舅孝廉輶水公命即主中饋輶水公宿負人望家規整肅太孺人奉事惟謹宣遠公病體淹抑前室所生子女皆賴太孺人鞠育之勞勤綦甚無何宣遠公竟不起太孺人呼搶無路瀕死者屢

矣猥以俯仰交繫強延視息又事君舅閱十年而終其世喪  
葬循禮宗黨咸以為難其教醇叔也實同嚴父師必屢易友  
必加擇自孩提至於弱冠皆同臥起檢督無少弛公逋私負  
剝啄時聞漸鬻汗萊舊廬并棄曉霜夜雪皆血淚迸流之日  
也醇叔能自奮於學既為諸生文譽隆隆起舉京兆鄉試第  
一始歸復故居及讀書中秘念太孺人弗忍旦夕離迎至京  
師居二載太孺人意不自適醇叔請急旋里奉 賜金建坊  
於門會以旌典先邀而後並受 封章之錫一時故稱盛事  
太孺人方居六袞見子姓承觥嘉慶既以幽光揚顯為慰又  
感念贈公久逝愀然未忍言壽且曰婦以節稱何當賀嗚呼  
此足以見其志矣醇叔年當強仕京貴馳書輒趣其亟入承  
明而醇叔瞻戀慈幃絕不以一官動念太孺人見其志向堅

南昫文彙卷九

三

決亦不復望奉檄言歡也曰汝能為善於鄉乎是亦可報國  
恩爾醇叔頽其書齋曰依廬與太孺人寢室隔垣相應出入  
必告與寐必呼太孺人得以謝家秉修淨業既登七袞視聽  
弗衰醇叔諸郎皆俊拔有聞鬻序太孺人益顧而樂之癸未  
春醇叔迎謁 翠華獲 賜御書以歸因構亭於宅之東址  
嘗扶太孺人盤桓其中間御板輿詣郊外小圃竟日留連以  
承顏笑融融然謂與日俱長也忽臥疾六日而逝時為康熙  
四十四年閏四月十四日得年七十有七子四玩遷娶顧氏  
玩適娶周氏吳孺人出喆生壬戌進士翰林院編修娶陳氏  
封孺人慧生庠生娶龔氏太孺人出女四適張音昭吳潛者  
吳孺人出適陸汝礪顧齊恒者太孺人出孫男七景烈之幹  
景獻邑庠生希正邑庠生 武邑庠生宗修殤景儉孫女六

曾孫男六曾孫女五以康熙四十四年十二月初六日祔贈公之兆在崑山歲區扶撫字圩余惟世所稱烏頭綽楔照耀州閭者未必其遺艱投鉅翼後光前者也至於母以子貴往往侈言祿養而志養浸微南陔白華諸詩闕焉不補天倫之憾王化之衰可勝慨哉若太孺人之志苦行潔卒能貴而弗盈豫而弗佚故得享令子之聚順克遂孺慕於終身誠可以風厲流俗而昭示儀刑於不朽矣余故低徊感慕而綴論及此為系之銘曰

坤道順成不踰閭闔及其艱貞賢哲是則孟里斷機歐門畫荻煌煌禮宗千秋云逖維太孺人音徽允迪保持藐孤衍君子澤潛輝既揚寵綸載錫不愆於儀彌誌其德愛日情長三公不易歸報所天同藏真宅高阡義義佳氣翼翼昌熾後

昆光昭宗祏

南响文彙卷九

五

誥封宋母管太夫人墓誌銘

竊早宋母管太夫人享年八十有六而終先是令子廣業任  
涇東僉事迎養官署恭遇 鑾馭巡視河工 特賜御題北  
堂映綠扁額以為母若子榮踰年僉事陳情終養奉板輿以  
歸晨昏定省又及二載見且聞者莫不謂其祔 國恩徵家  
慶吳中希覲之遇也僉事君卜期合葬於贈公孝廉儉齋之  
北以余諗知事行屬為隧中詞固讓不獲乃為誌而系以銘  
管氏自東溟先生居鄉聲振士林再傳孝廉子聿公則太夫  
人父也太夫人夙嫻內則其來嬪於贈公也當侍御旭初公  
殉節濟南之後贈公徒跣尋骸文恪公赴闕請卹正誼先生  
方在成童家門艱危是懼時太夫人以冢婦事君姑王淑人  
門屏內外殫力撐支贊理婚嫁諸務暨四方敦盤來會酒漿

南畝文彙卷九

五

筐筥秩秩有條王淑人歿慎終尤稱盡禮焉文恪公歷官禁  
近正誼先生早舉京兆贈公獨屢躡塲屋慨然伏櫪長鳴之  
志遲久始薦賢書備嘗艱阻會僉事筮仕臨城令公車取道  
見臨民方罹旱災為捐千金索代償逋賦義聲嘖嘖實賴太  
夫人主持中饋躬親儉勤善行交勗故得不以家自累也當  
文恪公柄政以來家門子姓絕無憑藉聲勢于預戶外亦由  
太夫人訓飭居多洎贈公即世太夫人居憂守困僉事補任  
商南令迄於持節山左中更十有五載每有不遑將母之歡  
而太夫人追念君舅侍御公殉節故地諄諄以表揚祖烈為  
亟故不憚遠行叔子定業由郎署出守紹興亦曾敦請就養  
太夫人知郡最難治雖有湖山名勝恐以迎送煩部下堅謝  
不往其深識遠慮又如此自從濟南旋里起居猶健視聽不

衰耆年孝子雍容於南陔白華之下每當歲時稱觴環繞俯仰恬愉酬接不倦比及臨歿暑退涼生絕無疾苦倘所稱吉祥善事者非耶余嘗覽夫古者女史之教失傳久矣閨閫間或情志而媮或恃才而逞顯晦異地以撓其守憂樂異時以易其情則於相夫訓子之道能全士行而勉官箴者胡可概見孰若太夫人之明於理義審於事勢故得悠悠歲月存歷滄桑譬之一林之木桃李就凋松柏挺秀蒼蒼報施之際固非偶然倖致者是可銘也太夫人生於前明天啟乙丑正月初二日卒於康熙庚寅閏七月二十一日初封太孺人累封太夫人子四達心殤廣業山東分守濟東道按察僉事定業浙江紹興知府爲正誼先生後紹業安陽知縣女四一適舉人高郵學正吳謹一適教諭葉舒球一適候選知縣江之訓

南昀文彙卷九

五

一適太學生金之法恩撫女一適教諭丁棟孫男八廣業出者二志稷殤志益刑部員外定業出者四師曾河間知府志夔刑部主事志契候選訓導映郡庠生紹業出者二益歲貢生志昌曾孫十一允熙允文允恭允讓允從允聰允升允中允和允肅允哲葬以康熙辛卯二月庚申墓在長洲縣尹山鄉南村字圩蓋距贈公之窆二十有二年云銘曰

坤德孔厚扶艱濟屯及乎蘊積景福來申猗惟壽母挺持厥身勉學斷織訓官組紉逖矣懿徽千載猶新天篤其報遐齡洊臻龍章象服有煒如綸笙詩載補彤史載陳若堂若斧葑水之濱俾昌而熾子孫振振

贈宋母周太孺人墓誌銘

贈光祿大夫儉齋宋公元配管太夫人之壽終也冢嗣觀察君旣委余書墓中石矣而季子安陽令紹業旋葬其生母周太孺人於墓次復踵門來請曰惟我生母素行恭順從先公極勞苦能得嫡妣管太夫人心始終蔑有間言觀察與紹興兩嫡兄俱賴之保護而於紹業以育以教殫竭心力故於先公逝後藐孤稍獲成立至有今日而我母已在沅陽學舍奄忽棄養矣哀哀明發何能自己今與嫡妣祔穴以從先公後例應得贈太孺人之命尚冀賜之表章并勒貞珉則錫類之仁也余以衰耄不勝撰述而見其情惻言悱乃愴然嘆曰有子隆重所生如此則歿者為不泯矣又何忍辭按孺人家在松陵王家溪世為舊族遭亂食貧年及笄為贈公少室贈公

南昫文彙卷九

七

尚困於應舉意致磊落不問生產管太夫人總持內政精明縝密閭閻肅然得太孺人贊助其間如指臂使也凡遇歲時祭享賓朋讌集滌滌筐筥治敬核率皆捍當中節而柔顏下氣益令管太夫人愛而親之接待家人謙和有禮詞色從無怙厲旣舉紹業躬親乳哺入塾從師脯膳盡敬尤時時檢束出入不少姑息紹業游庠之日更提耳而訓之瞿然不禁流涕及贈公晚歲始登賢書復遭阻抑再上公車歸一旦病起倉猝時觀察君作令臨城紹興君又送試江上太孺人率紹業侍左右得視易簣哀慟幾不欲生從此得心痛疾矣服闋後管太夫人命析箸紹業乃奉太孺人以居而數應鄉闈試弗利觀察君因為援貢就廣文職司教沅陽欲迎太孺人就養而太孺人瞻戀管太夫人不忍速離遲回却顧久之管夫



人婉委勸慰乃行既至學舍數數候問管太夫人起居惟謹  
冰陽洵罹水患地最荒瘠首荷蕭條囊殫不給太孺人作意  
安之茹麤服敝弗改常度惟諭紹業竭誠訓課無失多士心  
而已越四載太孺人壽屆六十以管太夫人將稱八十觴方  
謀東裝歸祝忽患疽發驟潰氣血頓枯兼有哭女之戚醫藥  
罔效逝前三日謂紹業曰吾病在膏肓汝雖小臣惟當廉隅  
自守無媿臣節事管太夫人無失子道則我含笑入地矣其  
神氣明爽絕無怖畏尤爲女德所難如此今紹業出司民社  
志在循良自是敷歷亨衢足以仰邀 朝典光耀九原者正  
未有艾則太孺人淑慎溫惠之行食報其在此也太孺人生  
於前癸未八月十九日卒於康熙癸未七月初八日享年六  
十有一子一即紹業歲貢生淮安沭陽縣儒學教諭升任河

南昀文集卷九

天

南安陽縣知縣娶陳氏女二一適歲貢生江之訓一適太學  
生金之法孫三益歲貢生志昌志龍孫女五曾孫六曾孫女  
一葬以康熙辛卯年十二月某日在長洲縣南村蓮字圩蓋  
距贈公之歿十有七年而先管太夫人之歿七年及管太夫  
人葬數月後乃祔也銘曰

大易歸妹初爻以娣有恒斯吉永終克繼實惟似之式穀厥  
裔克魄歸藏高阡來麗宛如同室追隨伉儷式慰孝子揚徽

幽窆

太學生金元禮同配宋孺人墓誌銘

南溪宋子爲余言同母妹歸禾中金君元禮內行賢孝一旦以哭夫君喪抱疾弗起其志節可哀特甚又言金君旣爛文藝更抱幹濟才蚤年摧折不獲一伸其志氣歿後僅以兄子承祧將爲之經營窶窵欲乞銘詞表識幽貞因具行略以請余見南溪所述竊感其兄妹至性惇篤而潘揚戚誼復倍尋常則有不容謝此筆墨之役者矣金君諱之法字元禮系出新安巨族自大父遷於浙江嘉興之舟里考宗周公諱某康熙壬子拔貢由中書舍人任刑部江南司主事母洪安人生三子君居季天資穎敏總州攻文有夙慧之目南溪尊人儉齋贈公見而喜之因字以愛女即南溪生母周太孺人所出也比部公官於京挈君以往君於應舉休暇卽能襄贊公務

南响文彙卷九

无

會比部公監督西倉一切支放出入委君核簿籍繩胥吏條理精審勞勩不懈一時蠹弊肅清得以如期報政實藉此克家子云及南溪爲令安陽延至縣署綜理錢穀安陽地當孔道賦役較繁兼以每歲代辦鄰邑漕米萬石當歲歉米價湧貴遠至湯陰市糴吏胥往往上下其手米戶滋困君往司其事釐剔均平懽聲載路南溪奉諱將歸交盤倉庫無致稽遲得君區畫之力居多故南溪益心感焉君歸里不數月邁疾寢篤孺人籲天哀禱躬視湯藥情緒慄黯君歿卽欲身殉屏絕水漿姑老子幼反復勸解稍延喘息而嘔血失音不作久延人世想南溪迎之就醫孺人輒怫然曰未亡人何以生爲斂衽銜悲未及終君之喪溘然而逝嗚呼人情莫不戀生怖死况於閨閫間哉孺人矢節專壹獨以蚤從地下爲期此如

忠臣貞士成仁取義絕不以有可援解之說而遷延變改則  
自識力明確迥非流俗可及南溪又言孺人在室時婉婉性  
成嫡妣管太夫人亦愛而憐之當周太孺人之就養沐陽學  
舍也牽裾涕泣幾不忍別既周太孺人喪歸舟次奔慟絕而  
後甦病中猶詣墓一拜而歸南溪所以既痛其堅決於死而  
益念其生之賢孝與君卒於辛卯九月某日得年三十有七  
孺人卒於癸巳十月初一日得年三十有八嗣子棠係長房  
次子蚤失怙恃爲孺人所撫葬在某字圩之新阡以其年月  
日南溪傷逝情深用是報命於九原亦猶行古道也夫銘曰  
髦士兮才之長淑媛兮性之良惟數之屯兮而名何可以弗  
揚爲交枝兮繚繞爲比翼兮頤頤撫大塊之茫茫同觀化於  
蒙莊

丁韓雲元配沈孺人墓誌銘

士行女德婉美於伉儷間者鮮矣况於際艱屯之會而家運由之絕續者哉松陵韓雲丁君暨配沈孺人則卓卓可述也君諱彤字韓雲浙江秀水學生卒於順治十四年十一月二十日年僅三十有八康熙二十二年某月某日嗣子愈卜葬於范隅鄉之新阡時未及銘越十年而沈孺人歿為康熙三十二年五月二十四日年七十有一以九月八日啓君之壙而合窆焉乃屬余書其墓中之石按丁氏譜系為宋公隄公後南渡時扈蹕來吳子姓蕃衍江浙間明初始卜居盛墩東其地四面巨浸土膏深厚聚族為鄰以力田孝弟世其家君之曾祖子晨祖善繼考士俊太學生妣吳氏繼沈氏太學公任俠自喜以上舍積資為選人卒不屑就遭鼎革死於烟黨

南昉文集卷九

三

之難生三子君其長夙秉慧質二歲失恃舅氏多名宿依之為師學有承受弱冠為諸生試輒高等聲名籍甚時吴江沈憲副子中書自炳方以文章負雅望有一門閨秀之目孺人為中書次女擇壻得君人以為嘉耦雞鳴昧旦歌誦之聲相和雍如也未幾太學公捐軀殉變岌岌乎有破巢毀室之憂君於喪亂中慎終盡禮與孺人心力交殫婚兩弟嫁五妹既免喪別築室溪西顏曰野號居以識永慕而時集良師碩友藏修游息於其中當是時江浙盟社煩興敦盤之役交錯於道凡遇君者無不引為翹楚君既以文章聲氣為性命而家政鉅細有孺人任之絕不分其志慮方以遠業自期會遭繼妣積毀成疾竟卒卒之日親朋悼歎惜其賢而遠天也私謚為孝恭子蓋其篤天性重大節孚於衆論如此而君固未

有子孺人乃以君仲弟密之子愈爲嗣愈方出就外傳孺人以養以教身操井臼朝夕勤劬門屏內外規儀整肅課耕勸織室無游惰俾愈從師肄業有聲膠序旣授室久之乃命愈以家政曰自我爲未亡人十五年兢兢恐墜先業以貽族黨羞荼苦甚矣今視先人所貽稍贏可告無罪爾旣成立宜夙興夜寐勉承吾志自是遂歸釋教長齋布素時以焚香梵誦爲事間爲禪語似有所得少日韶華秀令輝映於筆牀硯匣間者回首頓空栖心清淨故其歿也略示微疾儵然蟬蛻而孺人平日於中外戚屬周卹惠愛至普且渥哭孺人之歿者驚相悲告咸曰今日失一賢母云嗚呼當君中道天闕抱此俊偉秀傑之氣沉鬱莫伸憚嫠在室宗祏飄零可不爲大哀哉卒賴孺人濟以艱貞抱持藐孤重扶堂構以風流班謝之

南昉文集卷九

三

才而爲賢節孟陶之範則今日從君於地下誠可以無少遺憾而聞丁氏伉儷之風者亦足振頽激靡其有裨於倫教者多矣子愈歲貢生娶余妹孫男三人孫女五人余雖未及與君交竊自余妹歸愈以來嘗見愈之本生考意氣慷慨綽有古人風義因想見君之生平當壚篋若一也若孺人之慈範令聞余妹從之三十年間爲余稱述綦詳表彰幽懿義不得辭乃爲之銘銘曰

維孝恭子才堪國華胡室其命年止斯耶孺人苦節有子克家補天之力直追神媧千年同穴高墳水涯中歲離折今也無嗟我作此銘幽貞孔嘉鬱鬱佳氣後福悠遐

旌表馬節母王孺人墓誌銘

康熙四十三年五月某日江南學臣會同撫臣題旌節孝若千人中有故民馬守強妻王氏守節事實勘核無異奉旨勅部議行令建坊如例氏即馬俊母王孺人也時孺人喪猶在殯後既幸苦節顯揚始克生光窀穸迺卜地於吳縣圖山之麓先是余曾為孺人作傳俊因并乞書其墓中石余按孺人自年二十九稱未亡享年七十有四守節四十六載其家故貧而事姑能孝訓子能勤持身能慎及於卹本宗睦黨人無間言其懿行具見於傳中竊謂自古賢媛流芳彤史事不勝書要其最重者宜莫過於節然聖經所載用以輔翼世教在風詩則惟共姜之於衛在春秋則惟伯姬之於紀特以全節歸焉豈外此絕無有如禮所云一醮不改名之曰信者

南昀文彙卷九

三

與抑當時輜軒采風不及於閭閻井邑而惟邦國貴顯之族始得著聞無隱與今天子崇尚風化廣播德音故得使苦節如孺人者無幽不燭無遠不彰始雖韜晦於生前終必褒顯於身後不可謂非所遇之隆亦由俊之孝思脗篤又能砥厲行誼鼓動一時故有以致此也俊自孺人奉旌以來益思感戴國恩贊襄名教既在長洲學宮建道山亭又建尊經閣貲費浩煩皆出自一人力於是通國人士歎慕嘖嘖皆援善則歸親之義以為孺人美則視夫徒以烏頭綽楔炫耀門廬謂足報劬勞而伸永慕者相去何啻什伯噫嘻孺人從此真可含笑入地矣孺人之卒以康熙四十三年十一月十五日葬以四十六年十二月初六日父某母某氏子一人即俊考授州同知孫三人士良士龍士驥孫女四人曾孫一人

德桂曾孫女一人余子景澤實為俊壻余管兆域即在圖山  
北之銅井雲巒依倚花谷綿延余更顧而樂之是固宜為之  
銘銘曰

萬峰迤邐摩青蒼嵯峨標建圖山陽面臨銅井千仞岡古松  
新柏寒葩香中有佳壤成幽堂孺人歸止體魄藏墓門坊表  
騰輝光宜爾子孫熾且昌

南昫文彙卷九

三



南昫文彙卷九

南昫文彙卷九

南昫文彙卷九

南昫文彙卷九

南昫文彙卷九

南昫文彙卷九

顧氏姊墓誌銘

余姊妹十一人出自先妣施安人者五次姊長余十三歲歸於顧爲前明監察御史尊生公孫文學蔚公公冢子太學生南宰君卓元配尊生公風裁峻潔負時清望蔚公公方言矩步能世其家南宰動止不羈性好綜核姊稟性端莊貞靜寡言笑容度絕類先安人處侷儷間默然靜鎮絕不露聲色亦因是悒抑成弱疾生一子二女年三十八而卒時爲康熙歲己酉六月十二日距先安人歿纔一紀余赴哭之見蔚公公潛潛泣下曰自爲我家婦孝於尊璋和於妯娌舉室無一間言若此賢淑何可易得嗚呼爲人婦而能令其舅悲歎如是可知姊之能盡婦道矣先府君方官長寧寄詩哭之有天涯老父成拋割還見當年慈母無之句尤可傷也卒之明年

南昉文彙卷九


五

南宰葬於吳縣圖山西塢迄今三十年餘余甥齡時時念母悽愴怵惕以地既寬遠堪輿家又言弗利因重卜某鄉某字圩之原將以某年某月某日遷柩改葬夫古不修墓檀弓載孔子之言或謂未可盡信蓋必當初窆時致慎盡誠爲安固久遠計斯體魄可以永寧若近世術師家談戶說指畫朦朧悞凶爲吉一旦輕徇縱或封識隆隆然與棄諸榛莽無異有不能不議變通者故改葬之服亦著於禮今齡之爲此豈得已哉齡受母教最篤能爲文章余以身抱失恃之戚也姊亡因撫之如子用母姓補博士弟子試輒高等庚午南聞牘旣薦復落貢入北雍復鬱鬱不得志以歸而南宰已病且廢家道盡落齡乃竭蹶改圖其艱難襄事也甚矣南宰繼娶於朱又生子二某某女三齡娶許氏繼沈氏孫一余旣哀齡之志又



自念曩時同氣依依忽若隔世事益復惻然有感迺為墓隧  
之題而系以銘曰

姊德孔淑而命何促一卹歸藏蚤蚤空谷陟岵有子誕思閔  
以復



南文震卷九

三

宋孺子暨原聘吳貞女合葬墓誌銘

情有過而不詭於正禮有變而不違於經者君子初不執其一成之說以與溺情越禮者同類而譏如家禮稱凡為殤者各降服一等下殤之祭終父母之身中殤之祭終兄弟之身上殤之祭終兄弟之子之身不為殤置後也後世乃有置後者意必以為賢且才也足以當此成人之禮如春秋之勿殤汪錡乎曾子問曰女未廟見而死歸葬於女氏之黨則女之未嫁而死於室者不得視以婦道尤至明也而近者往往於既聘守貞之女生未結禱死則同穴夫亦有慨於流俗踰薄納采問名轉瞬而存亡異視故哀其志而卒成之庶以激厲頑懦乎此吾里宋孺子與原聘吳貞女合葬之舉所由起也孺子為觀察澄溪宋君長子名志稷字育民其生也母錢孺

南酌文彙卷九

七

人以產難而歿澄溪方在京邸王母管太夫人至愛憐之稍長智識英敏澄溪官臨城孺子從王父儉齋公讀書學文頭角嶷然澄溪丁外艱歸孺子贊襄喪葬儼若成人宗黨僉曰是為澄溪克家子矣及澄溪補官商南孺子年十六已援例為太學生一旦病卒澄溪拊膺痛悼謂於生死之際未得躬親保怙所以時過弗釋也先是澄溪聘孝廉慎旃吳君長女為孺子配中表舊戚再世締姻女聞孺子訃悲不自勝恐傷父母心不敢出口布衣蔬食鬱鬱以居逾年見有媒媼往來心輒疑憤時時窺井欲自引決家人防之遂絕粒不食徒發瘡疾屏卻湯藥數日而絕時年十九孝廉曾自為權厝記稱其早慧通書不苟言笑事父母尤至孝宜其於守貞不字之義分明如此嗚呼兩姓子女衡宇相望性行淑均使得成此

嘉耦其足庇宗祊而協似續者多矣乃以時命不齊使人致憾於造物之多故非夫太上忘情豈能付諸冥冥而已哉澄溪既舉太夫人殯為孺子營壙於南村墓傍以次子志益之子允熙為之後并遷貞女柩而合葬之實為康熙辛卯二月某日澄溪援汪鈍翁先生為計孺子原聘宋貞女墓誌例屬余亦敘而銘之銘曰

陰陽流易坎坷誰平各正厥命何死何生離者合之名義相成爰勒片石以識幽貞

南陽文彙卷九

南昀文彙卷十

墓表 墓碣 行狀

穹窿亮生施尊師墓表

康熙十七年七月二十八日亮生施法師卒於圓妙觀方丈其徒衆奉柩還穹窿厝於上真觀左偏待更卜吉地乃葬越十有五年訖無墨食處遂於今年九月二日啓攢封土余既親來視窆因為墓道之表俾瞻禮者知其梗槩云師姓施諱道淵法名金經號鐵竹蘇州吳縣人父某母某氏居橫山麓師生於萬歷丙辰九月二十七日五六歲即志樂神仙十三歲喪母欲棄家學道父弗許師長跪以請乃從之入朝真觀從道士沈念常遊獨絕葷酒時時避衆兀坐衆輒哂且誚師弗顧也齋醮科儀及六甲五雷諸書煉習既久龍虎山行法

南昀文彙卷十

一

之徒斂手折服出主醮壇漸有神効而師意量宏大不欲混於流俗鼎革初卜築堯峰山修煉益力是時吳中道教凌夷惟師志行高潔名聞四方祈禳輒應我吳西山莫高於穹窿舊有茅君行宮三楹蕪廢不治松陵吳氏禱於神延師入山披荆鋤棘因緣大集不數年而丹臺紺宇輝映於巉巖絕壁煙雲縹緲之間儼然神仙福地也時則真人府達之祠部奏給養元袍一宣教演化法師之號四方之望穹窿以來者趾日交錯而圓妙觀居城中央爲官司歲時朝參水旱祈禳之地舊有彌羅寶閣巍峩插天明萬歷時燬於火三清殿亦大壞衆謂殿工非師不克興延之來觀竭誠勸輸計財費五萬金不三年而殿工成於是欲師再建彌羅寶閣師適南遊粵陶歸而入觀任事計所費更浮於殿工閱三年而閣工亦成

時當甲寅乙卯之交逆藩煽亂東南四境烽燧震驚獨我蘇  
安堵如故雖有水旱不致大困謂非皇天后土明昭庥庇不  
及此則師之莫麗神祇厥功最鉅而其勞苦亦日不暇給矣  
歲丙辰師至京師一時公卿多踵門納履師慮名跡喧聞悄  
然遠引明年強之再至至即遄歸仍往來於穹窿圓妙兩方  
丈間忽感微疾辭衆端坐而逝年六十有二遠近士民哀慟  
奔赴絡繹道路如喪其私親惟師戒行精嚴存心誠敬憫人  
之苦不自惜受人之施不自私當其呼吸風雷叱御神鬼觀  
者靡不震心駭目及徐而叩其所以然輒冲乎其不居坦乎  
其不飾盛德形容起人愛敬固非徒其法之靈也嗚呼道教  
之難興也久矣黃老之學清淨無爲爲體慈儉不爭爲用故  
推之以裨治化約之以通性命後此爲法皆其餘耳然功行

南昀文集卷十

二

不成不可施於方術忠信不立不可通於神明天人昭報理  
不可誣師雖崇尚有爲未嘗不深體乎立教之本意是以拯  
人濟物裨益非尠惜乎功甫成而遽息顯晦盛衰之際亦氣  
數使然哉幽宮旣闕師之神靈永鎮茲山庶其後人如臨如  
質固有失墜而慰師之遺願也乃爲迎神之歌授其徒以頌  
以禱其辭曰

師乘雲兮歸上清告成功兮返真遊逍遙兮從茅君松濤響  
兮石嶙峋龍吟兮虎衛鶴翔兮鸞鳴擁絳節兮颺霓旌髣髴  
洪厓兮來將迎保靈山兮基無傾永輪奐兮修明禋誓願宏  
深兮超億劫而長存

吳浩然先生墓表

新安有隱君子曰吳浩然先生諱道配休寧臨溪人也而墓在虞山吾谷之東其高操邁俗彷彿前史獨行諸賢遐邇人士類能聞風欽慕傳贊歌輓旣纍纍足以不朽矣令子元滿年及耄而道揚清芬惟恐不至復屬余表其墓余固不嫻於文而聞發幽光以爲風世厲俗之藉則竊有志焉幸得先生其人庶可書之無媿詞乎先生之自新安來虞山也時當明社變革之際徽郡烽燧四起鄉先輩正希金公旣以孤臣誓死而閭里豪猾鱗集先生知其勢必終潰與其玉石俱焚不如潔身遯世以全我介然特立之志乃至虞山遂家焉自是身被白衣雖至市衢未嘗變服素不喜酒後忽嗜之飲輒醉醉輒哭識者悲其隱衷非酒狂也先生湛深經學尤留心世

南明文彙卷十

三

務當明之季慷慨欲有所爲旣以易代隱居遂絕口不言時事門弟子問業者趾相錯惟與講說經義若及帖括體睥睨不屑也先生行旣高邑中遂以白衣先生稱之識其名者往往爲之格邪悔過謂鄭康成王彥方復出也有司欲舉應鄉飲賓先生固卻乃止晚年遘疾人勸之藥先生曰王叔英有云生旣久矣未有補於當時死亦徒然庶無慚於後世臨歿遺戒勿立墓碣以許平仲識得葬處之語爲恥嗚呼先生介然特立之志信可表白於天下後世矣且夫聖賢立教必以成仁取義爲歸而亦各因其所居之位以爲中正無偏之道則扶綱常挽氣運均有賴焉其在身膺爵祿與人家國事者一旦叢遭陽九非致命遂志復何所容於天壤之間若布衣草帶之士痛黍離之歌悼烏屋之歎因之韜聲匿影不能與

俗浮沉而守貞以沒世亦未嘗非志士仁人之所同此宋季  
謝臯羽鄭所南之流視夫死於厓山燕市烈烈三忠易地而  
論固不能別其孰軒孰輒也慨自思陵慘殉南渡淪亡一時  
公卿大夫靖節不二心者寥寥幾人而彼領袖清流希光干  
寵方且託於審勢識時與夫長樂老之故智醜顏偷息恬不  
知怪尚可對此巖阿澗曲中孤標落落足以廉頑立懦如先  
生者哉後之過斯墓者亦可喟然太息而有所激發也夫

南响文彙卷十

夫若居於此而陳其善亦何足貴哉其在吾邦則發也夫  
以到而百歲此幾何陳曲中善辭者幾何其難而立於世  
論之且其於審勢識時與夫長樂老之故智醜顏偷息恬不  
知怪夫若節不二心香泉翠幾入而對於青巖赤水之  
篇固不啻保其短神輝輝也其自思陵殉節而氣愈壯  
攜身陳誠節高之氣野夫無林雲山燕市烈烈三忠遺蹟  
於此而守貞以沒世亦未嘗非志士仁人之所同此宋季

孝廉馬雲翎墓表

錫有賢孝廉馬君諱翀字雲翎號蝶園前明春坊諭德文肅公素修先生孫也康熙壬子與余舉於南闈同出邢州劉公門越六年君遂歿歿二十年其孤始奉王母薛太君命卜新阡以葬迺來屬余爲之表惟君生平梗槩載在誌銘綦詳復何待於余言而感念交情死生契闊亦何能默默而已也文肅公爲東林大儒殉崇禎甲申之難忠節爭光日月次子思廢公諱壬玉君之考也君生三歲而孤甫就塾穎敏不凡稍長善舉子業尤工於古文詩賦搦管千言宛若詞壇作者應童子科才名噪甚爲諸生遂食餼其詩似西崑體鄉先達婁東吳祭酒玉峰葉宗伯均以風雅推之及登賢書識者稱其制義復見文肅公遺韻焉初至京師貴人有力者欲羅之門

南昫文彙卷十

五

下君辭曰進退命也作靜女吟以見志新城王侍郎與君論詩尤有水乳之合覽所作楊柳詞謂元白復出矣然君詩多乘輿而作默有神會稍不愜意卽棄藁梓有未學草蝶園詩止什一爾再試春官弗利而歸無何以哭舅氏喪得疾竟弗起嗚呼如君之才天地間所珍重而不恆有者也一有之矣不爲之長養成就而奄忽摧折至此此其可痛惜者也自古有才而早折者大都務華絕根無復有近道之器是以銳而易挫盈而易虛君非其倫也君愷弟性成好行其德事薛太君至孝從黃師漢臣游盡得其傳比黃歿蓋棺臨壙襄事惟謹親朋間睦友任卹風義逼古賑荒濟乏解冤救疾諸務譽流鄉閭不可勝數素奉西方教勤修淨業昏曉不輟寡嗜欲薄滋味放生戒殺殆無虛日曾著利濟成規慾海晨鐘日省



錄以勸世而工夫歸於見性宗門提唱漸入堂奧臨歿絕無  
瞻戀書偈曰刀斫虛空於我何有十里桃花千溪楊柳又與  
友人別曰諸君子爲善學道幸勿墮心戒家人無哭曰吾即  
行矣時康熙戊午八月十三日得年僅三十先是靈巖僧某  
見君若素識曰此吾二十年前同參友也今始遇之歷舉徵  
驗皆合君恍然有省卒能回首頓空根塵迴脫然後知其寄  
跡名場不過蘧廬一宿而或則以才人豔之者淺矣嗚呼行  
善立德之君子厚積而宏施其功名福祚之隆亦理數所恒  
有若夫上士聞道既視死生如晝夜齊彭殤如夢幻則天亦  
不欲以人世庸庸之福荏苒汨其本根固不可以尋常延促  
之見瑣瑣較者觀君之歿雖跡類空門亦何忝於臨深履薄  
修身俟命之學哉方余與君相見榜下晤君飄飄如神仙中

南昉文彙卷十

六

人丙辰初春重聚邸舍偕同年數子促膝肆文塵沙風雪濡  
首伊唔君獨瀟灑自如不屑尋行數墨心益媿之洎余留京  
師送君南歸每歎出門求友如君之道氣深重不可復得而  
青門一別再見無期人之云亡恨不能撫靈牀而一慟也當  
君歿時尚未有子立從姪宏璧爲嗣越七月君之配王孺人  
始生宏文竄藐孤家門多故賴薛太君以養以教漸克成  
立今者堂構具存壠岡在望君雖遺棄塵壑逍遙於無何有  
之鄉而積善餘麻當必使文肅公之流澤永永勿替嗚呼過  
斯墓者於往復絕續之際可以慨然興感矣

徐府君墓表

天佑名臣之世欲俾其創垂令緒流衍綿長固理所當然者然必其間有隱德弗耀之人恪守而厚積之則遺芳蘊藻乃可以歷久不替由之夫昌厥後而復其始此論世者必審諸遠遠顯晦之交也我蘇瓜涇徐氏自前明成化乙未進士仕至山東巡撫中丞公諱源治績懋著載在王文恪公所撰堯峰賜塋之碑再傳爲嘉靖壬辰進士仕至廣東參政公諱禎克繩祖武暨崇禎戊辰進士仕至宮詹勿齋公亦出自中丞公五傳更以忠節著於是鄉社俎豆攸歸以瓜涇一門爲靈光歸然矣府君諱允武字維山於中丞公爲來孫於參政公爲曾孫祖太學公諱士俊考太學尚之公諱國光府君行居次生當尚之公晚年天性醇謹服事庭幃承頤頤老生順歿

南昀文彙卷十

七

哀肫肫如也肄業郡庠屢躋省闈弗利齋志抑鬱居恒事伯兄以恭撫羣從以愛睦鄉黨鄰里以謙厚內外親疎靡有間言世授汙萊數頃收斂歲租遵守家傳小量佃僕頌德不萊每爲桑梓留心利病好行善事以我師蔚文陸先生學行實兼經濟因獨折節致敬咨訪事宜昔者吳中漕糧尚屬民間收兌貽累不支府君與陸先生首倡條議請行官收官兌法當事允從至今便之閩逆蠢動郡城復駐防兵陸先生議建營房免侵民舍按戶勸輸亦與府君協同任事閩閉翕服尹山塘岸直抵松陵師旅經行嚴檄修築府君率先効力躬親督役人視之一恂恂書生爾不知其幹濟公家務輒爲人所難如此旣以善病謝去場屋仍擁書卷自喜而教子尤勤先後延致賢師禮誼隆重伯子仲子並擅異才好學深思文譽

騰播藝林幼子亦英英競爽及仲子魁薦於鄉越三載府君病遂歿時爲康熙四十七年二月九日得年六十有四配周太君爲崇禎庚辰進士仕至湖廣武昌道副使公諱大啓孫女文學任生公諱象宏女副使公宦蹟清介身歿楚南兵革棲壑家日搖落太君九齡喪母育於外王父家來歸府君猶及終事舅姑之世贊理喪葬能持大體居躬儉樸和妯娌恤臧獲言不出閨門屏肅如諄命諸子講德問業慎擇交游出入孜孜告誡綽有斷機截髮之風故府君終身倚重焉初太學公稱太君爲孝女惜其不男以亢吾宗後竟宗桃中斷太君代任烝嘗遇時悲惻卒踐父言府君歿旣數載伯子始魁京兆仲子旋捷南宮天子親覽對策特擢諸首蓋遡中丞公乙未登第之歲甲子遙遙四週洵稱清門盛事也太君聞

南响文彙卷十

臚傳報甫四閱月病亦歿時爲康熙五十四年八月十日得年七十有二子三模康熙甲午舉人陶璋康熙乙未一甲一名進士官翰林修撰廷桂太學生女二孫七孫女六以康熙丁酉七月癸酉合葬於尹山鄉樊莊圩之原嗚呼府君與太君之隱德弗耀固宜有子軼羣拔萃而身享穀後之報矣迺府君旣不及待科第蟬聯之會太君幸遭其盛正可坐膺祿養而復奄棄人間爲子者能不抱罔極之悲也要惟中丞公以來創垂令緒得以光大於奕葉者不可謂非府君與太君恪守而厚積之所致繼自今仰邀 當宁寵綸永貽令名於泉壤者豈有涯量哉余繼覩表安人與太君爲中表姊妹伯子仲子從余游有年稔知事狀恭詳因屬爲隧道之表遂不得辭其卜兆域也實與瓜涇舊墟阡陌繩繩相望益可信水源木本之徵云

外舅丙辰進士李府君墓表

玉遮山形如御屏三面聳峙中岡之陽爲我祖父母父母葬處迤邐而西距一里許則外舅李府君墓在焉葬以康熙二十一年二月某日越二十八年十二月某日外母程孺人附定求恐府君與孺人之靈靡所憑依歷久而湮沒不彰也因立石而識於其原府君諱嘉猷字符公號簡齋徽州新安人考中宜公諱正義徙居嘉定真如里以富善稱母汪孺人府君秉質明秀喜自奮於儒以先世曾隸京師籍遂北往入順天學丁酉舉鄉試是時聞事構禍謠詆沸騰府君以文行醇謹獨免疑忌者之口座主厚菴曹公與講性命之學有深契焉兩試公車弗利會江南通賦案起竄名其中府君無寸田尺土其詭立戶籍者素實未嘗聞知一旦功名錮廢情易憤

南昀文彙卷一

九

懣矣而自視坦如始終不向官司訟理旣置舉子業日以禪乘自娛專宿往往屈服嘗泛彭蠡登匡廬飄飄然寄情物外若將隱約終身者丙辰循例開復重理舊業終成進士蓋府君已不自料及此也自是留京師需次補京曹官一病遽革府君無子止一女旣適定求從宦京邸者三載比定求假歸別莆浹月而府君歿易簣煢煢無親故遺偈一首云無男可婚有女已嫁就此散場說甚閑話固居然出世者流矣平生性敦孝友中宜公早歿奉母汪孺入生事死葬均盡禮季弟天撫孤姪最篤尤喜應人緩急其受德終負者亦置弗校故家道遂落歿之日篋藏廢券累纍幾無以歸觀人盡傷之時爲康熙十九年六月二十五日得年五十有四程孺人新安人府君久遊於外家居日少孺人忿忤不形於色疑慮不

萌於心府君既自取妾御孺人復廣為置筵遇人喁喁然雖  
欺偽必待以誠信故亦不善治生產府君訃至孺人號慟曰  
未亡人敢自惜其身乎匍匐奔喪冒犯霜雪扶柩亟歸擇地  
以葬素憐弱女撫卹不少釋及定求再赴京師我妻家居違  
疾孺人憂惶成病遂先我妻半歲而歿時為康熙二十三年  
十月初一日得年五十有七初府君與我父定交京師意氣  
投合締以婚媾府君來吳門與我祖相得甚歡把酒劇談篝  
鐙熒熒夜常達旦因卜居為鄰兒女聯屬忻忻如一家也府  
君與我父同舉孝廉閱久而於定求登第之歲復稱晚遇人  
盡詫以為榮曾不幾時而骨月消沉忽若飄風墜露府君與  
孺人應悲吾妻於地下我妻無以報府君與孺人之恩死而  
有知尤應抱無窮之悲也感念今昔復何忍言惟是一抔之  
土視我祖父幽宮如咫壠樹相望林鳥互呼千秋百禩魂魄  
常依庶悟人世之塵緣有盡而大塊之噫氣無垠凡我後嗣  
子孫來修墓祭無有曠時審視此文猶可想見府君與孺人  
之大槩也夫

贈文林郎太府君暨配李太孺人墓

卞氏自晉尚書令忠貞公殉節建業代隆庠祀其子孫在大  
江南北甚盛越二十八傳宋季大士公起家江都為揚始遷  
之祖又越八傳至荆玉公善治生產業饒兩淮裕課輸餉授  
階迪功郎是為君之考也君諱茂華字昭子天性嚴毅事親  
孝謹迪功公好行其德揚方洊罹災荒軍興絡繹賑饑民贖  
難卒費輒不貲君實贊成之而室無私蓄出入必皆稟命雅  
志淬厲學問思以儒業表見既補郡學博士弟子員旋入太  
學丁迪功公艱哀毀甚服除赴鄉闈試疾作遍歸遂不起時  
為康熙辛酉年八月十一日年三十有三揚之人士多悼惜  
之謂若天假之年必將大有所建立而竟坎壈以終云配太  
孺人李氏贈通議大夫長源公女吏科都諫晉廷尉書雲公

南鳴文彙卷十

十一

妹也兩姓世締婚媾太孺人幼嫻內則絕不以生長名宗稍  
自矜飾事君姑王孺人備極誠敬王孺人疽發於項太孺人  
手拭血瘢躬親廁踰累月弗懈尤為人婦所難當君初歿時  
遺孤恒久八歲澍四歲太孺人驟嬰慘割幾瀕於死王孺人  
勉以撫孤大義委昇家政於是太孺人含哀如痛屏去容飾  
堅持齋素摒當門庭內外鉅細諸務條分縷晰動中程度僮  
僕無敢欺隱嫁娶殿煩黽勉經營物力不減於君在時教子  
儼若義方每當晨昏織紵之暇發篋展書孜孜提命兩孤能  
嫻文藝有聲黌序以故宗族鄉黨胥稱賢母焉及終王孺人  
之養則距君歿二十一年矣太孺人守節以來垂垂三十餘  
年稍格於旌門成例幽隱未揚會澍選入官學教習授秩縣  
令請邀 恩典勅贈君文林郎太孺人得受封澍奉章服歸

里親朋畢賀太孺人愀然曰吾丁此家運迤邐拮据卒瘞瞿瞿作一勞人回首轉自傷也蓋太孺人操作勤劬日無寧晷更以兩媳俱亡澣舍黯然食少事劇精氣漸次耗矣臥疾七日神明澄湛屏息長逝略無怛化時為康熙癸巳年七月十三日年六十有五子男二人恒久國學生澍歲貢生候選府同知女一人孫男四人孫女二人余自歲乙酉奉天子命校詩來揚僑寓天寧杏園澍從余問業深識太孺人之賢綽有剪髮和丸遺風因以女孫許字澍之長子維楨竊悼太孺人之淑德懿行不克久存於世庶幾稍效一詞之贊以示苦節於後人也先是君葬已久形家言地當卑濕恒久等遂於康熙癸巳年十一月癸酉遷君柩而與太孺人合窆於儀真北鄉清水橋祖塋之次屬余書其隧道之石因按君與太孺人之事略而為之表并系以銘曰

南昫文彙卷十

三

忠貞苗裔奕葉蟬聯廣陵衍緒義風流傳贈君蚤世厄抑才賢鶻啼孤壠荏苒歲年挺茲節媛志行貞堅措搆堂構終報所天高原膺膺佳氣芊芊重歸同穴綸綍來宣俾昌俾熾永賁九泉

玉遮阡表

玉遮山之中岡王父敬輿公自擇宅兆於其下繪圖存笥未及躬親啓土我父雲客公於王父歿後禮而行之葬以康熙丁未十二月十二日癸丑王母蔡太孺人歿合窆於是年十二月二十日我父治命卽祔王父母墓勿卜他壤定求已已奔喪歸闈塋域建饗堂以是年十一月二十八日葬於王父昭次先是我母施安人蚤歿已於王父葬日祔於王母壽藏之女繼母素安人後我父五月亦歿同時並祔前後各述事狀請王父銘於家少宰羨門公我父銘於相國立齋徐公我母銘於司寇鐵菴翁公載在宗譜而隧道之碑尚闕定求懼無以使後人聳觀惕慮知我前人貽翼之謀也今茲增築墓垣工既竣因撮其大略而合書之曰維我彭氏自前明洪武

南昀文彙卷十

十三

初從江右來蘇閬三四傳家道浸昌五傳南牕公齒德推於鄉國有弟西枝公始成進士逮我高祖梧山公曾祖蓼蔚公相繼登科第俱不克展施猷略以終門祚艱屯之會爲之承先裕後不致失墜者實王父力也王父賦資明敏兼抱經濟才痛蓼蔚公歿於丙辰臚傳之後號慟奔赴扶殯南還旣葬復遷經營呦里山阡恫心劬躬始稱吉兆蓼蔚公詩文墨蹟鐫版勒石亟亟表彰於世公宅旣析仍復蓼蔚公初居蔚里數椽興築堂宇曰我望子孫之肯構也明季時事孔棘凡東南水利江海兵防田賦會計皆爲綜核成書賢撫祁公徵入禮賢館籌畫多所裨益倉皇鼎革遂終隱於湖山林園之間猶時時慷慨太息以砥礪流俗自命謹言正色絕無唯阿熟軟氣習是以人多畏忌恒鬱鬱以終其身王母天性寬厚能



與王父方嚴相濟服麤食糲晨夕不自暇逸親黨恤臧獲  
恩意深渥羣以慈母稱之享有遐壽克培元氣焉我父沉潛  
好學當王父治家時得以專意讀書而爲文屢變出入於六  
經諸史唐宋八家之中靡不各擅其勝未肯勦襲帖括中年  
主持壇坫四方景從貢入成均公卿折節延禮京兆掄魁之  
作主司謂爲湘靈鼓瑟疑有神助南宮再試則又力宗先正  
體格高簡蓋於制藝一途不啻良醫三折肱也登第既晚遠  
官嶺東小邑惟以撫字窮黎爲念卒至齟齬去官絕意仕進  
杜門教授研究先儒居敬窮理宗旨孜孜倡導從遊者數十  
人賢撫湯公曾奏姓名於 召對時稱爲吳中宿儒我父平  
生知已賴此有所歸宿矣我母澹泊貞靜言笑寂如生定求  
時亂離驚恐裹血入山備嘗危殆比及垂髫我母瘵疾日甚

南昀文彙卷十

四

顧定求而垂涕曰若不知成立何時吾目其能瞑耶中夜溢  
逝神明灑然無怖無戀又非尋常所能窺測也繼母來嬪三  
十載我父委以家秉黽勉支應力終弗逮年未及艾遽從我  
父於喪次嗚呼傷哉仰惟王父母爲定求以育以教視之如  
子定求均得親見考終洎我父易簣之辰定求尚在中路銜  
恨終天夙夙鮮民材微智短不能濡跡風塵竊效古人誓墓  
之義栖遲林壑洵歷耆耄祇以守退安負不敢寡廉鮮恥重  
爲一第之羞庶幾可見先親於九京當不以浮世誇張炫鬻  
爲邱山增耀也凡我後人顧茲水源木本之地尚其仰承靈  
庇無使隕越也夫康熙五十六年仲冬朔孫男定求百拜表

詹維陽律師塔銘

先生姓詹氏諱太林字晉柏號維陽子湖廣黃州麻城縣人  
族本儒家屢應舉子業以多病故棲心玄學年及四十有九  
子旣當門遂離家遠遊絕無瞻顧繫戀之意徑投江西南昌  
鐵柱宮入黃冠侶來寓吳門全真律壇受戒慕茅山為仙宗  
奧府往寓鬱岡之乾元觀檢閱藏經凡三載嘗采藥過良常  
洞天見石函中秘扁龍門心法一帙精思而勤習之若有神  
授時當崑陽王律師金陵行道之後其嗣心月譚律師以先  
生為入室高弟付龍門派第九傳云自是北游京師直至盧  
龍塞上闡揚教律羽流聞風駢集輦下王公卿士延訪亦復  
接踵蓋其道行慤誠使人一見而悅服也南還由天津歷鄴  
臺以至睢陽亳土所在皆演法談經宗風遐暢僉謂長春真

南酌文彙卷一

十五

人金蓮一線非先生弗克負荷矣旣渡江而東句曲令欽仰  
加禮延主乾元觀方丈是觀為陶隱居棲真勝地迄宋時朱  
觀妙創建棟宇明之中葉復有闔希言李徹度江文谷輩嗣  
續重修洵閱滄桑浸為荆榛叢集之場先生志在修廢舉墜  
欲復叢林清規俾四方來者得所皈依而盡變應教營私陋  
習劬躬竭慮晨夕靡靈歲當存饑釜空糧絕日啜麥粥一盂  
端坐不稍懈倦卒為山靈所嫉結黨煽亂先生乃喟然歎曰  
福地罹厄劫火熾然吾旣老矣志其終不遂哉因下鬱岡而  
靜息於句曲邗城之間會其首座唐初陽構道院於京口銀  
山之塢未幾奄逝先生因往憩焉復受衆請宣戒一巡旋示  
微疾却飲食者踰旬預刻化期留偈而逝時春秋八十有八  
為康熙五十一年十二月十八日余在邗城詩館乘暇朝真

茅山訪先生於鬱岡丈室一見深契所論者以御炁凝神之功合於誠意正心之理視夫世之託符籙以矜異挾丹術以誘迷者實相懸殊也余謂道家之有律門外以整肅威儀內以精研性命最與儒者相近而附會之流往往言行齟齬始終作輟如先生軌範貞確殆幾於古所云恭則壽者詎可多得乎哉先生著述甚富學既洞見本原文詞亦古雅脫俗有會源真源二編定心玉笈及道德清靜心印大通洞玄諸經參同契注解顛影集行於世晚年又葺鬱岡小志顯微闡幽有功於山靈實鉅帙乎時勢相左也先生逝世後越七日其徒鄒清如盛清新沈一誠蔣一鶴等奉龕安於山之南麓築石塔而封之共擬私謚為貞恪先生今年秋余艤棹江干躬拜塔前瞻望徘徊而不忍云敬敘一誠所識先生事略而為之

南昀文集卷十

六

銘銘曰

臨江壘嶂環巖城巖阿一曲仙邛成神道遙今乘風行飄然遺蛻鴻毛輕龍虎拱衛安無傾豈如新冢壘壘平華陽舊遊流光更銘無愧詞披精誠紫霞繚繞揚霓旌流傳道蔭朝三清

卓氏四烈墓碣

四烈為前明指揮使卓煥妻錢宜人與煥姑適王刺史某者  
及煥二妹也煥係遜國時死難名臣忠貞公九世孫隨樞輔  
史公守揚州城將陷前一日錢宜人倡義而言曰婦女不死  
必辱遂死於屋後之池時其姑方歸寧於家亦死二妹長者  
十六歲次者十五歲皆從之死池水為溢事定方殮顏色如  
生葬於禪智寺側湖州刺史吳綺為之誌故稱四烈云越某  
年煥仲弟之子爾堪因禪智葬地卑濕遷於蜀岡余方校詩  
在揚乃屬書其略於碣而系以銘曰

鼎社遷移乾坤裂守貞大義子臣滅芳名請看道旁碣聞中  
少長真英傑蜀岡從此增崢嶸嗚呼實維忠貞公之餘烈

南响文彙卷十

七

此卷內容模糊，文字多被水漬或蠹蝕，難以辨認。依稀可見一些零散字句，如“至長”、“十六歲”、“公守揚州”等，與右側正文內容相呼應。

卓氏四烈墓碣

百歲翁計潤泉墓碣

翁諱佩字潤泉先世自梁溪徙長洲順治丁酉孝廉甫草先生其族祖也父某治岐黃學令翁棄舉子業而習其傳視人疾能洞中窾會性行忠厚温温有長者風明季歲祲飢民就食官粥多染疫癘黃中丞屬翁董理醫局全活無算山西巨賈王某盜劫其貲憂憤發疽群醫斂手翁慨然曰吾忍其為他鄉鬼乎亟購珍藥療治既愈絕不言功族黨貧寡不克葬有鬻其印籠者則捐貲保全之鄰婦鬻女償逋則代贖而歸之其隱德如此晚年杜門好閑老屋數椽旁闢隙地數弓栽花蒔藥怡然自得壽屆百歲有司旣旌其廬於調豐里例當疏請建坊而翁雅尚恬澹不屑屑於干謁故未及舉行以歿時為康熙某年某月某日子徵字孔昭亦善醫年七十餘卒

南昫文彙卷十

六

孤孫謙零落食貧窶空靡措告募累年訖無就緒余雖未及見翁維從祖貽令公與翁為菴壑交贈言遺墨纍纍盈篋余竊慕其高致而又歎享此遐齡不克邀盛世引年令典一杯曠期良足傷感今年春集同志數人刻期襄事謙乃卜三月癸酉葬翁於吳山祖塋之次以徵祔因書其碣而系以銘曰古者上壽稱百年淳澆樸剝期難全杏林橘井別有天道遙髣髴蓬壺仙脫跡塵寰遺蛻然歸藏何必須高阡雲山蒼蒼湖水漣漣空化鶴來踰躑

吳山祖塋之次以徵祔因書其碣而系以銘曰

古者上壽稱百年淳澆樸剝期難全杏林橘井別有天道遙

髣髴蓬壺仙脫跡塵寰遺蛻然歸藏何必須高阡雲山蒼蒼

蓬溪知縣黃君墓碣

官山東南麓為余妹婿蓬溪令黃君之墓君諱天麟字聖貽號穀城祖諱承祐有俠行自嘉定遷居郡城封明威將軍父諱德輿順治乙未武進士任宜興守備余第七妹則君之配也當君之祖父發跡時門戶喧闐君翩翩年少補浙江秀水博士弟子復肄業北廡尋以長沙捐助軍需得縣令秩未幾家漸落君往還京師謁選無期益窘絀乃就余家園一椽草草棲息饘粥幾不自給然與妹安貧守困自若也性好道家言焚香步虛習符籙施方藥宛若籙冠中人久之選期始及得蜀之蓬溪距家鄉七千餘里泝瞿塘經灩澦備嘗險阻既抵任縣在荒山中糧少訟稀君雅尚廉惠與民休息舊例供億上官之費均出諸里甲君特蠲省其半衙齋薪米一不以

南昉文集卷十

七

煩民捐俸修孔廟重建明倫堂政聲翕然方及三載會縣有鹽井上官檄令增課僉謂宜加派民間君度民力不堪又不免竟拂憲檄躊躇審顧莫得兩全憂慮成疾冒暑至潼川商諸州守疾遂大作妹聞之急趨至寓君已不能語注目視之而瞑時為康熙丁丑六月六日得年四十有八側室生二女竟無子歿之日蓬溪士民無不哀之上官亦惜其賢協助路費以歸其喪嗚呼世之乘時躁進者得一官則戕虐蒼黔如大賈之取奇贏卒至狼藉以敗比比是矣君以幽居顛顛之餘猶能盡司牧之義豈非皎然有志者哉而天遽限之以年不得徐伸其志孤舟素旆出沒於鵬啼猿嘯之間人生慘痛至此為極况余與君情深骨肉死生契闊之傷又當何如也戊寅五月樞至葑郊余為亟謀窀穸親行相度乃得茲壤高

原塏爽遠岫巖從庶幾可安君體魄且距玉遮山我先人兆  
域僅里許歲時省視良便葬以是年九月二十六日妹亦築  
生壙而封之向余言曰我夫無子應置後而夫弟素行乖戾  
禍同紛臂忍復作螟蛉計滋累異日乎留此一抔土俟未亡  
人身後兄之子孫祭掃玉遮時分我夫婦紙錢麥飯九原有  
知亦無恫矣余聞之益泣然流涕且念妹最賢淑當我父母  
病草服勞左右惟謹稱孝女焉自蜀歸仍依余舍以居感念  
曩昔幽明異路而余既老矣恐時移世隔未能稔知其故因  
勒石而碣之於阡非獨以表君生平大略亦示我後人知余  
同氣深愛而無忘妹言周護松楸永修禋祀尚其有監於斯  
文

南昀文彙卷十

十

行狀

誥贈奉政大夫陝西提學道按察司僉事前進士改  
寧國府儒學教授芝庭陸先生行狀

芝庭陸先生歿五年子德元成進士又五年王孺人歿德元  
先後居憂哀毀踰節客冬德元謂余曰自先君歿德元濱死  
者屢矣欲追述生平俟當世立言君子腸枯膽裂竟不能具  
一詞今母喪再罹筑筵鮮民亟營窆窆惟吾子與先君有深  
愛其能言德元所欲言者謹以狀屬子言罷德元泣余亦泣  
蓋余祖父以來兩家交誼最篤死生之感未嘗一日去心也  
今年夏德元復以書至都曰卜葬有日願踐前諾且念先君  
文在四方而位甚卑交甚寡於一切身外事漠然耳惟此漠  
然之真氣若有可以不朽者苟不藉知者之言以傳則後之

南昀文彙卷十

三

信而有徵未可知也嗚呼即此數言者實可以狀先生矣先  
生諱壽名字處實芝庭其號先世自宋南渡遷於蘇為著姓  
曾祖文聰封工部屯田司郎中祖檄萬歷甲戌進士治河夏  
鎮有功官至山西提學副使父明農公時登以明經薦授縣  
令終不仕郡舉鄉飲大賓妣尤氏有五子先生其次明農公  
溫溫長者不問生產家故貧先生與伯兄壽國並擅異才藉  
藉諸生間伯兄早歿先生天性恬澹不亟亟進取當吳下壇  
坫角立雖為時輩所推絕不露鋒鏑杜戶擁書殫精討事  
兩親撫諸弟孝友肫篤辛卯芝生於庭遂登賢書壬辰成進  
士人謂瑞感云是時皇朝定鼎始重科目士既登第雖試  
州縣類能循資拔擢先生自視欲然曰吾吏隱足矣乙未改  
寧國教授寧固江山秀傑之區英俊林立先生為之師翕然



向風所梓宛陵課士錄多傳誦之而生徒尤樂其善氣可親如坐春風中甫暮月丁母憂服闋又丁父憂里居屏絕干謁家無宿春四壁頽壞客或嘲之輒謝曰此身如寄也吾不厭貧尤最恥言貧聞者爽然去四方來者停車委巷脫粟菜羹盡賓主禮江南奏銷案起先生無負郭田緣族人罣誤亦置弗校曰吾久無宦情矣獨於教子論文忻忻不倦當卯辰之交先生文一出風行海內規摹鼓率者以次捷去先生欣然笑曰此得吾迹耳文之至者以神遇不以言傳吾文非以希世者也家課復縱筆為程式并以教鄉里問業者庚戌春先生視文會於葑溪舉余文向諸子曰是則實獲我心呼酒滿觥歡歌勸勞嗚呼真以文章為性命者耶抑樂道人善而篤於故舊者耶時方謂執友之仁賞心之雅追隨几席以為樂

南昫文彙卷十

三

事孰意先生長逝去此不遠矣逝之日余方流離嶺南歸聞之慟幾絕清宵平旦風淒月冥忽忽過夢寐中不覺幽明隔也蓋先生於物態齷齪睥睨不屑與人交吐露胸臆不事矜飾而慎取與辨是非凜凜不可犯一有不如意則義形於色陶公之介阮公之慎初非佯狂玩世者比所著詩歌古文冲夷蕭散寫其所自得絕無窮愁感憤罵譏笑謔之狀此在文人尤難之有已刻鳳鳴集若干卷先生歿後德元飲痛成疾家益落而隨得冕勉成名者王孺人力也孺人為延津令心古王公女母劉氏延津奇先生文遂許字孺人來歸不以終守寒素長戚戚也方德元居先生喪孺人含淚勉之曰汝志而父贖志以終耶何沾沾哭泣為自今以往門屏內外吾力任之吾養汝而不讀父書以報汝非人矣德元既篤政教池

陽孺人就養稱六十觴余爲文祝之曰瞻望敬亭宛然在目傳經以繼轉憂而喜孺人聞而頷之踰年遂病終於學舍嗚呼孺人能見其子之成名而不能長享其養先生則并不及見其子之成名也哀哉先生卒於康熙辛亥九月二十一日年五十有二孺人卒於康熙辛酉十一月初四日年六十有六子二德元丙辰進士池州教授今遷國子博士德蓮縣學生嗣靈長公後女二以今癸亥某月日合葬於吳縣鳳皇山先塋之兆余竊歎世之梯榮席寵聲光爛然者比肩相接而釣奇敬名之流亦得附和一時先生於二者兩無所當獨以磊落抑塞終其身其在易之困乎歐陽子爲蘇子美梅聖俞諸人作銘纏綿悱惻千載增交道之重亦爲天壤間洩造物之憾爾余固不足表先生之萬一伏冀能爲歐陽子之銘者則於是狀可考而知焉

南昉文彙卷十

翰林院庶吉士觀三董君行狀

嗚呼士能力學勵行皎然於親師取友間者難矣間有之而沉鬱不過於時則謂命與志阻云爾若立志既振拔於流俗積之又久得受廟堂特達之知乃天方伸之而忽喪之慶者在門弔者在閭使人痛悼宜何如也吾同里觀三董君固所謂振拔於流俗者舉孝廉及十載今年捷南宮對策高第讀書中秘五閱月而病歿訃至里門其兩親年皆七十餘挈九歲孤蒼黃號慟聞者莫不咨嗟涕洟余與君交最篤尊甫繡衷公以行狀來屬其何能辭君諱麒字觀三別號壯齋董氏先世山左萊州人明洪武初遷至吳五傳為君高祖贈憲副龍岡公諱大經遷於華亭曾祖念龍公諱中行天啓壬戌進士官工部郎忤宦官張彝憲陷之獄事得白官至浙江按察

南酌文彙卷十

十五

司副使生六子散居雲間及膠城叔子子敬公諱宏修華亭廩貢復徙居蘇是為君祖生四子長諱德慎郡庠生即君父繡衷公君生而聰穎不凡子敬公挈之鄰館親為督課為小題文絕有佳思不屑繩尺己未補長洲弟子員明年遂食餼我先君一菴公閑居講學生從日進密邇得君益深喜之每課業文星書院舉君文示衆曰是能以韓蘇之氣達程朱之理者君能虛懷悅服先君歿後念志矩齋中遺誨弗諉也復往從鈍翁汪先生於堯峰講古文詞又以玉峰柏廬朱先生隱居高蹈負笈其門益知學所依據不欲以詞章為舉業嘖矣而已二敬公耄年病革君服勞襄事又恐尊甫銜哀致毀由為慰解及尊甫病痢劇君躬親湯藥焚香露禱旋得愈庚子夏石所居廬芝生於庭瑞色輪菌僉謂董氏世德將復興

矣榜發果雋闈牘行稿皆脫落尋常蹊徑三上公車弗利通  
勉授徒所至皆以嚴憚切磋痛懲燕僻之習兩遭妻喪固窮  
宴如日夜發篋中先儒遺書據案濡毫歌呼自得綽有儒者  
氣象戊寅秋北平蔣氏聘君授經其家爲計偕地較便慨然  
辭家以行適館經年課徒休暇下帷揣摩經書藝數十首  
春闈中式 殿試對策讀卷諸公謂其原本經術通達國體  
進呈二甲第五 上選爲庶吉士旋奉 恩綸加月俸於詞  
臣之貧者君遂得與自謂寒儒淹滯一旦遭逢異數當益砥  
礪名節而白雲親舍瞻依迢遞惻惻於郵筒往復間無何疾  
作相隨止一老蒼頭借寓友人邸舍症似傷寒八月杪忽自  
謂病必不起即以後事囑其內弟宋進士嘉升曰生死常事  
也但恨福薄不得享此微名以慰兩親不孝罪無由逭又諭

南昉文彙卷十

五

蒼頭曰吾亡後兩親聞信但置此薄福子於度外不下一點  
淚吾瞑目矣十月十一日竟長逝得年四十有六娶周氏繼  
娶宋氏又繼湯氏子一茂根女一余與君二十年來隔垣過  
從喜君真氣洋溢講肄浹洽有出於詩酒周旋之外者及君  
行余爲詩送之曰豫就公車會從容好下帷還除功利習靜  
向性天窺芸館談經日金閨載筆時師傳須發露遙慰素心  
期君於客秋亦寄余七言律二首有坐得上牀客自遠開來  
三徑我常親及菰蘆不識平津第風月遙依伊洛傳之句足  
以見兩心相信之深矣余聞君第竊幸制科得人興起里閭  
我道不孤喪歸之日茫茫幽憤尚忍言哉特舉君平生親師  
取友之實而直書之非有溢詞云

長洲教諭侯孝廉行狀

君姓侯氏諱文燧字浴日號蘅皋其先自元時始居於錫高祖諱先春萬歷庚辰進士兵科都給事中歷官太僕寺少卿有直諫聲曾祖諱世英恩貢生封大理寺司務祖諱巨源庠生父諱愈庠生前母吳孺人母呂孺人君天性淳謹言笑不苟年十七遭父喪事呂孺人能盡孝與弟文熾友愛最篤攻苦好學無他嗜好年二十有二為學使富陽邵公所拔泮額方限四名君為文馴雅有法度而秀采奕奕動人越七年康熙甲子舉江南鄉試數上公車弗利先後假館京師以時下奔競浮囂為恥未嘗挾刺一至津要門操履修潔視非義財嚴於一介每自謂曰吾於名利兩途非惟不為動有如酷與之避者寧固毋通寧方母圓寧退毋進寧落落毋營營行事

南昉文彙卷十

三六

只求不愧富貴利達非所冀也既需次應補中書舍人念母年衰老未有祿養計仍改就教職丁亥授長洲縣學教諭是時蘇郡方遭旱災奉 旨截留漕粟數十萬石賑濟饑民君初至于中丞委至楓江路菴發賑開津要衝磬罄集君稽察精明胥吏不得侵升斗貧戶乃沾寔惠老幼男女頂香鳴謝不絕於道明年又遭水災冬春之交官廠煮粥君復委至故發賑處多方調護晝夜躬親呂孺人念君體氣素弱勸令稍自愛先生曰但得上報 朝廷下救百姓倦憊奚辭上官聞知益信其賢荒後疫癘流行滄洲陳郡侯製良藥頒鄉邨眾都畏避不前君徒步赤日中詣病家咨嗟撫視明布憲慈雖積屍填路人跡罕到之地未嘗裹足以避浙西芻雪水災尤甚流民至蘇者不下數百艘陳郡侯謀為給資分遣謂

非侯廣文不可君冒風雨徧歷諸舟計口授粟均得餬口以歸城中挑濟河渠君與檢督之勞者數處張中丞下車伊始以興行教化爲亟思倣胡安定公設經義治事兩齋之教因廉得君之賢優禮有加俾諸生知所矜式凡宣講御製訓飭士子文一聖諭鄉約十六條必屬爲之倡導戊子秋聘入浙闈公慎自誓得士八人太倉州學缺官復行委署待士謙和有禮月課評隲甲乙井井至於贄脯有無總置弗校首肯蕭然口不言貧相對恬如也先是長洲學宮頽壞至極定求自壬戌倡募歷三十餘年殿堂祠廡門坊亭閣經營漸備而教諭公署久傾退處西齋卑隘弗稱己丑冬因復募建講堂三楹闢荆榛除瓦礫君亦拮据匄貸親營匠石移老屋數椽以入居焉堂與潤色樹柏列庭談經鼓篋而前者謂此五十

南畝文彙卷十

七

年前舊觀始得重見矣今年夏送試澄江忽有非意拂逆悒悒成疾回署月餘竟弗起卒於六月十二日距其生於順治丙申十月二十八日得年五十有六配秦孺人子二炳高新補常郡庠生麓君與余論交三載道義字信異得匪扶學校墜廢舉修而奄忽棄捐易簣之頃遣佖告別若欲以身後事相屬者余匍匐往視哭之旣慟竊念君行已大節卓越流俗而以寒羶片席恤民瘼軫時艱能爲人所不肯爲大程夫子曰一命之士苟存心於愛物於人必有所濟諒哉斯言設使得竟其之之所施設流薰蒼生豈可量哉嗚呼善人殞喪吾道彫零罕虎動國產之悲惠施遺莊生之戚古今同軌也因爲敘述事略以待當代志乘之表彰焉

妹婿施逸菴行狀

余妹婿施君逸菴敦至性飭素履而時數不偶卒能息機學道一旦奄逝回湖生平憂忻聚散俄成陳蹟可悲也諸甥遠等屬余排纘事狀誠不得辭君諱維宜字天申更曰左君晚年號逸菴先世為嘉禾人祖諱有文始徙於蘇父諱宏濟母喬孺人生二子君其次甫乳而孤家道饒裕喬孺人年未三十砥節持家比君童艸延余從祖貽令公為師君個儻負大志讀書以外無他營最得喬孺人歡心事伯兄亦恭謹時雖未為我家婿而我祖父於親黨間已嘖嘖稱施氏有元宗子云及余妹往適婦道夙嫻修灑精潔君方游辟雍而歸問安視膳畢即攤書滿案吟唔弗輟余為諸生每過君齋晰疑賞竒清宵白晝樂而忘返君亦自謂揣摩就熟穎脫固意中事

南昀文彙卷十

天

既七試南北秋闈終不利則扼腕骯髒之狀亦微露於眉睫間而卒不屑援一命以為階曰吾為母氏鞠育荼苦冀得一遂顯揚爾命既不猶何錄錄為及喬孺人歿君哀毀甚遂謝賓興年纔踰四十也自是杜門課子間作古文辭以自娛孜孜樂善凡有嬰賑難惜字放生諸務皆殫力扶助焉諸甥既游庠能好學君亦稍自寬解無何長甥病卒我妹哭子亦病卒又遘意外訟牘產幾盡君遂精神銷鑠無復激揚宕往之氣漸厭塵冗棲心釋典向南澗笠公華頂仁公叅入門公案自謂微有所得子女婚嫁盡完便弛家乘別築小樓終日獨坐不聞人聲却肉茹蔬竟同枯衲余間與君為穹窿鄧尉之遊尋梅踏月則忻忻至余謂君曰曩歲繫情青紫夙根搖落幸存此本來面目升沈約樂均可付諸枕畔浮雲君亦啞然

一笑今春六十初度堅辭爲壽刻程夫子語以見志復爲言  
懷詩數首旣而感寒疾入夏漸瘳秋更强飯忽一日余弟瞻  
庭往視之坐談壘壘神色如常修稱頭眩扶之入寢目遂瞑  
形神離合疾於彈指聞者無不驚詫而余則知君於死生之  
際早已無所疑滯故隨化而盡如此也夫自時俗遷移闡闡  
素封之家類能藉徑梯榮煇耀閭閻否則緘滕高鑄權奇取  
羸形疲神汨奄奄同盡君以孤兒成立一洗囂塵湫隘之習  
幾於有道爲伍長物蕭然遺書數篋回首頓空病苦不擾獨  
來獨往若浮若虛固與時俗背馳而適足以成君之高致矣  
君卒於康熙三十七年十月初七日元配王氏繼配即我妹  
前君六年卒子五研府庠生前卒彭遠邑庠生穆邑庠生殤  
維成鎮江府庠生出嗣博如公後確女二孫男二嗣孟嗣研

南昀文彙卷十

五

後爲承重彭準爲長房姪景瑗撫爲子



從祖貽令府君行狀

從祖貽令府君壽終距先考歿甫三月定求苦出瀕死哀至增慟從叔父暨從弟寧求將乞銘於當代宗工屬定求為狀以請伏念府君年踰大耄名公巨卿論贊翕然而纂述遺行子弟責也定求創鉅痛深終不敢以言不成文為辭府君諱行先字務敏號貽令我彭氏先世自洪武初從江西臨江以義旅歸附來蘇隸衛籍遂為長洲人四傳為府君高祖至朴公曾祖為南窓公祖為梧山公嘉靖辛酉舉人考為蓼蔚公萬歷丙辰進士妣何孺人繼妣徐孺人府君與先祖敬輿公仲叔祖子繇公同出自何孺人府君其季也甫七歲何孺人歿稟性沈靜勤於肄習蓼蔚公挈之丹徒學舍年十九補博士弟子蓼蔚公方成進士逾月而京師訃至先祖同府君奔

南昀文彙卷十

三

喪扶襯遺產故薄析箸後府君絕不營心溫飽惟痛先人蘊抱未展發憤下帷讀書東禪僧舍為文務深折握管凝然性尤慎於交游受人託謀必忠不設城府耻言人過崇禎癸酉南闈中有疑案事閱學校其人本中表以當事素重府君亟引引自白實未嘗相聞知當事飛章入告遂并遺累或勸府君訟言解免府君曰功名小事耳奈何以行止曖昧之事使人毀家聲而蒙汗辱乎直抵京上疏陳理在位正人有為揚言於廷者乃奉旨命學使者開復是役也再上長安首尾四載家業罄盡終未嘗致其人於訟人以此推長者明季以拔貢薦舉考授知縣時蓼蔚公同籍多當軸方以爵秩市聲援咸謂捧檄足喜府君見時事潰紊勢不可支絕意注選樸被遣歸未幾鼎革獨免於亂人因服府君見幾高蹈云嗣後隱居

教授巾履所至爭相愛敬時以文史自娛家貧不能廣購書籍輒手自繕寫日課數十紙蠅頭細書疊積笥篋中自幼長於六書凡蓼蔚府君手蹟臨摹酷肖更出入於晉唐諸家不屑爲時下俗筆暇時遇子姓聚集必援引先輩遺軼舊聞談論娓娓其最注心力者蓼蔚府君爲孝廉時曾輯宗譜未竟府君增修戲事以次授梓從祖隆池公後嗣中絕隴墓無主歲時祭掃不輟又蒐次其遺集晚歲惟老友數人李先生灌溪鄭先生桐菴周先生子佩金先生孝章偶過從相與揚挖古今品題翰墨幅巾方履宛然如古圖畫見者以爲香山會中人物也歲戊戌府君年方週甲從叔父璜病歿遺孤寧求僅十齡府君在諸孫中素愛異之恐其孤露失學時方授書施氏攜至塾中親爲督課晨雞夜雨駘駘相對黯然神傷

南昀文彙卷十

三

比長訓以從師取友務求實益寧求奉教惟謹有聲諸生間及登賢書旋賜及第報至府君絕不加喜郵書京邸孜孜則古稱先輒以流俗趨炎爲戒寧求散館後假歸府君康強無恙一時間里以爲寰中人瑞潛菴湯公來撫我吳每月吉讀法亟命有司延致使國人知所矜式府君以衰老力辭請至再三始一往亦終不報謝湯公入朝陛見上以吳中紳士詢遂舉府君年高有品行同先考姓名置對時壽躋九十矣居常兀坐執卷蔬一盃酒一盞怡情終日間爲人作擘窠大書腕力道勁人以爲精強年少弗如或與鄰曲往還褐衣徒步如故今歲元旦先考往謁府君歸即病作府君聞變盡傷定求奔歸暮次府君親來會哭顏色慘淡閱月瘵氣偶發即屏去湯藥飾巾待盡臨逝之頃猶起坐索紙書唐詩一

首以應請者移時遂暝先是府君營壽藏於長洲縣祀字圩之原乞桐菴先生爲生壙誌手具事狀有云生平與人落落如也久而若初厚責人而竭其歡不敢出也接如醴而乖末者亦未有矣鏗薄自分無之所忠愛不敢不勉加於所不知施於所不報亦庶乎一二焉又曰持情平而流於弱處物恕而不辭損而鄭先生則云就其獨行慕古不以近人之學苟合當世庶幾狂者之進取而有其志而辭其疾獨守其有所不爲之操抑亦狷者之流也先生知府君最深其言固可信府君生於萬歷戊戌九月十八日卒於康熙己巳閏三月十七日得年九十有二元配顧碩人潮州府經歷天泉公女白首相莊壺儀淑慎得年七十有七先府君十四年卒子三人長珮府庠生娶黃氏次璜早卒贈文林郎翰林院編修娶黃氏旌表貞節封孺人次球長庠生娶顧氏繼薛氏女三適庠生陸長吉朱有孝庠生程棟孫若干人予繡珮出寧求康熙壬戌一甲第三名進士翰林院編修實求前卒宏求府庠生俱璜出志求思對廣益長庠生寯求俱球出孫女六人曾孫男九人曾孫女五人康熙己巳十二月某日葬於祀字圩新阡啓顧碩人兆而合窆焉定求執筆嗚咽墨漏滋多敢句立言君子賜諸採擇用抒子若孫罔極之思而藉以式光家乘斬衰喪中功服從孫定求稽顙謹狀

勅封國子監司業顯考一菴府君事狀

痛哉定求自壬戌冬北行定省違曠日夜悚惶舊臘乞假省親謂從此歸依子舍稍遣罪戾將抵里門訃音猝至擗踊入幕死有餘恫追憶府君立志砥行遭逢坎壈未嘗一日暇豫為尤痛也府君諱瓏字雲客號一菴先世江西清江人始祖自洪武初從征至蘇五傳者儒鄉飲賓南隄府君諱時為府君高祖嘉靖辛酉舉人梧山府君諱天秩為府君曾祖萬歷丙辰進士祀鄉賢萇蔚府君諱汝諧為府君祖生三子長為大父敬輿府君諱德先貢士贈文林郎大母蔡太孺人生二子長為世父文學清傳公府君其次也府君生而端重穎異萇蔚府君猶及見而鍾愛之大父風規峻整庭訓甚嚴府君成童時為文輒驚儕輩年十六補郡學弟子貞性喜讀先儒

南叻文彙卷十

三

語錄方言矩步一切嗜好泊然無與既娶我母施安人常獨居小園竟月罕歸為文沉深浩博經史諸子殫精研練同學相聚威儀整肅筆墨無聲畏服如嚴師與世交友愛最篤丙子偕試江上世父暴病卒府君扶喪歸哀慟幾絕遂弗忍與秋試乙酉五月生定求方三日府君同我母懷抱呱呱避兵丙舍烽火震驚劬勞萬狀曾著有山居抱子詩百韻曰欲使此子他日知生長艱難不忘儆戒定求每一展誦輒心魂驚悸也兵革既定家產蕩析府君勉循舉子業故相國宋文恪公孝廉疇三公延府君同硯席吳門向有文會府君秉性直諒遇人盡言無隱間因事感觸慨然謂同人曰朋友居人倫之一吾輩負荷名教奈何汎汎徵逐遂訂同學數人名曰慎交四方名彥聞風響應府君絕不為馳騫聲名計而一時異

同之見嘖有煩言府君處之坦如也辛卯學使首拔貢入成均輦下公卿爭相推重司成黃岡曹公方以性命之學倡教六館一見府君水乳交合曰此載道器也乙未廷試第一授知縣閱卷諸公謂府君曰仍當為兩闈先聲無遽小試因歸里省覲丁酉舉京兆第二出孝感湯公門是科風波叵測至府君特交口信服蓋困棘闈凡八試年已四十有五矣戊戌下第歸遭我母施安人變己亥再行會試海寧楊公擬以府君卷冠一經力薦不果府君文凡幾變至是力追先正自謂得所歸宿平生課藝充積筭篋坊賈所梓什未及一同學故人多致身清華而府君遲回一第需次外吏委心任運日以書史自娛定求方為諸生府君日夕提撕每課一義既從師評論必親加指授務繩削當意乃止甲辰謁選守候歲餘忽

南畝文彙卷十

十四

心動買小舟南還而大父疾方革府君跪奉湯藥閱五晝夜而殞人謂誠孝所感戊申服闋會功令裁司李改授廣東長寧知縣寧為廣屬小邑僅五里在荒山窮谷中府君泣任傷心民瘠又當郡倖韓某署任朘削之後革火耗恤里排戕衙役息詞訟興文教嘗題署壁曰何陋且安茲土俗固窮聊獲古人心又曰厥田下下惟願減賦輕徭汙五都之小息自我居居庶幾飲冰茹檠偕百姓以長寧期月間鞭朴幾於不事士民翕然愛戴鄰邑民謠有獨見長寧戴二天之語已酉充本省鄉試同考官閱麟經得士盧灃等四名時大母年近八旬遠道不能迎養府君素無宦情冀邀一命即遂初衣自問硜硜之守豈忍剝民脂膏諂事上官而郡守朱某貪黷甚府君既不滿其欲署篆韓倖其私人也交盤積欠勒令府君

賄認更重拂其意銜怨刺骨又寧邑戶口寥寥派拆鹽引甚多不堪追比府君俯從民請招商平賣幫貼銷引諸費而商倚藩勢爲虐憤不能分外取贏遂合韓倅造謗會朱守正囑府君乃乘總督入境朦混具揭寧邑士民攀號慟哭裹糧訟冤巡撫劉公惻然曰長寧固無一事亟當昭雪其誣以總督在任未免回護乃援因公註誤赦前免議結案府君飄然歸來已棄一官如敝屣矣是時定求聞難赴粵流離逆旅銜冤悲憤清宵平旦焚香籲天淚涔涔下見者皆爲太息及事得白而韓倅蚤經暴死朱守亦計處罷職父子淒楚之餘繼以嘯歌江帆嶺屨行吟相向輒以險夷一致得失無常力爲排解著有抽簪雜咏南鳩鳴和數章以見志壬子抵家大母幸無恙稱八十觴定求叨是秋鄉薦明年大母歿府君年六十

南畝文彙卷十

三

餘日作孺子泣凡兩經大故亟營窀穸仍日懸畫像於書室寢興必拜出入必告遇諱辰思慕涕泣哀詞纍纍黏諸座隅二十餘年如一日也丙辰定求既登第府君手書諭曰門祚衰薄汝素樸直不能動合時宜且仕路嶮熾益當節性謹身無忘澹泊寧靜定求自漸疎闊無以仰承嚴訓庚申移疾歸拜府君於堂上即窆曰兒歸願杜門讀書如童子入家塾時不問戶外一事以補從前悠謬府君喜亟檢授案頭先儒集曰余弱冠即喜觀雜聞諸書近得高忠憲公顧端文公遺集剖泐義利瞭若觀火始知學者舍居敬窮理四字別無入門我老矣自歎定志之晚汝宜沈潛紬繹尤以四書五經及孝經小學性理大全須臾不可釋手矻矻窮年不自惜其精力之疲題所居書屋曰志矩齋又自號曰信好老人門弟子於

是日進每月朔望集諸生會文文星閣辰出酉歸定求隨侍  
二載壬戌秋為府君七十壽辰私擬援例終養府君愀然不  
釋即於歲首預刻壽戒以謝親朋來祝者定求遂巡過府君  
誕俶裝啓行府君偕至維揚乘一騎目送驢車里許乃返詎  
意即此為父子永訣時也痛哉定求抵京後家書至細書盈  
紙凡府君日所閱書籍胸有所得即錄寄邸舍以當提命文  
星閣文會數年修舉不廢或言閱文耗神非老年所宜府君  
曰日月不居不亟為諸子稍效規箴雖優游卒歲何益耶晚  
年論交專務破除吟域謂往時志氣感發賴羣賢有成今文  
道難言正當雪消冰泮何沾沾壇坫虛聲為以此生徒來學  
者謹飭居多所作詩歌古文直抒胸臆不摹倣一家言邇來  
尋源探本益視詞華為糟粕故未嘗輕授棗黎潛菴湯公撫

南明文彙卷十

三

吳見府君足跡罕入公府常屏騶從過訪陞見日 上詢吳  
中縉紳公奏及府君居鄉杜門授徒講學為時矜式府君聞  
之轉增悚惕及湯公歿哭之慟自是意興蕭索家問中詞氣  
黯然囑定求雅職告竣乃乞歸因復蹉跎歲餘何圖天降酷  
殃一至此極痛哉府君中年後精力強健比歲常患痰疾今  
歲元旦往拜文廟詣湯公祠登文星閣至初六日忽發嘔吐  
頭暈氣逆閱五日竟不起府君嘗以臨深履薄之言存順沒  
寧之義服膺拳拳而定求跋涉道途晏然食息夢魂不靈罪  
惡深沈百身難贖痛哉府君生於前明萬曆癸丑九月二十  
五日卒於 皇清康熙己巳正月十一日享年七十有七順  
治己亥二甲進士以推官改授廣東惠州府長寧縣知縣康  
熙二十一年舉鄉飲大賓二十三年封儒林郎翰林院修撰

二十七年封承德郎國子監司業元配先母施氏贈安人益  
藩審理仰思公女先府君三十年卒繼配今母袁氏封安人  
子一定求娶李氏封安人女十一人長適衛荇次適監生顧  
卓次適貢生汪寶璐次適全椒訓導吳廷和次適監生施維  
宜次適貢生丁愈次適候選知縣黃天麟次適陸裕次適御  
史陸經遠次適貢生丁憲次適監生陳禔孫男四人始乾監  
生正乾日乾永乾孫女四人長適庶吉士宋大業次殤次字  
陸英康熙己巳十一月二十八日安葬府君於吳縣至德鄉  
玉屏山過字圩王父母墓次惟大君子俯賜闡揚增光泉壤  
則府君歿且不朽

南鳴文臺卷十



勅贈安人顯妣施太君事狀

嗚呼先安人歿時定求方十四齡童稚闇劣烏能有所陳述  
歲月駛迅失恃之悲日填胸臆思一敘安人壹彛輒復嗚咽  
中止先府君又奄忽棄世若不及苦凶餘息並識安人事狀  
是有子而無子也因擬於府君懸窆之辰并爲安人勒片石  
謹舉存歿所見聞綴次如左安人施氏長洲人高祖逖泉公  
諱仁嘉靖戊子孝廉官湖廣永州司李三傳至我外王父仰  
思公諱宏德歷任益藩審理外王母陸孺人生五丈夫子二  
舅贈翰林古翼公四舅孝廉爾恭公儒林並推尊宿定求不  
及見外王父矣常聞舅言曰安人溫恭貞靜未及笄而陸孺  
人歿不待董以師氏言動舉止無纖毫替於禮法者府君語  
定求曰汝母年十四來歸於我我父敬輿公治家嗃嗃我母

南明文彙卷十

三

蔡孺人濟以慈惠汝母和敬兼至兩尊人深賢之我爲諸生  
時雖初婚讀書別墅旬月罕歸汝母言笑俱寂房闈間穆如  
也汝母生二女年三十一始生汝爲順治乙酉五月九日

王師方下江南城中驚潰汝母就募三日強起裹汝入小舟  
至城門下矢石礮擊舟鬪數里浴山渡湖昏暮抵岫里丙舍  
而我父母猶在城中音問阻絕我潛陟山巔遙望煙烽起處  
疑城中有變又訛言兵將入山懼無完卵每抱汝向墓門泣  
不止越百日兵定歸家乃免於難鞠育荼苦無甚於此汝宜  
識之定求習聞是言故能道其詳也鼎革後府君猶困諸生  
離家適館不暇內顧數年中安人再舉一弟不育又舉二妹  
氣血消耗病旣潛伏及府君貢成均居京師久安人患腹疽  
幾殆庭疰之疾益鍾於身終日幽憂不自得也丁酉府君方

魁京兆安人憮然自傷曰三十年來每經報罷聲淚俱吞今幸及見此而吾恐不久於人世矣明年病遂革府君方下第歸安人神色轉復坦然曰死生命也勿以我故傷堂上心禁止巫禱裁節醫藥婉言以辭問疾者女奴欲入宿視夜固止之留二婢侍牀下半起問月行昃否言訖復卧少間老媪竊聽痰嗽聲寂然急視之屈膝側體竟長逝定求前此恒與安人共臥起不少離是夜方溽暑府君命侍寢於樓突夢安人至榻前呼曰我死矣汝何以睡爲汗發驚覺聞樓下哭聲徒跣奔慟悔恨不及永訣痛哉安人臨沒萬念洒落獨不忍不一顧其子此魂告也非夢也定求幼乘弱疾安人憐獨子嘗廢寢食終不作姑息猶記定求六歲時王父率之就塾偶嬉戲懼王父督責暱安人側以冀解免安人顧弗許曰兒

南叻文彙卷十

三五

若此我復何望卒令受夏楚而止更憶安人患痘時中夜不寐拊定求而警之曰我即死而汝不克自立當奪汝命無貽弗類羞曉視枕上淚痕斑斑常謂人曰天若假我數年見此子成人吾目瞑矣而竟不遂性恥囂淨絕伎忌而自奉尤極菲薄從不置一簪珥御一羅綺冬月臥病所覆止敗絮也王母時餉甘旨勉承之終不下咽潛給塾中餐曰吾薄福人敢冀享受耶平居履綦不踰閭閻守內言不出之戒兢兢也事王父母暮年猶視初歸事無鉅細非稟命不敢輕爲行止歿之日王母哭盡哀曰失我左右手矣王父視定求亦太息曰汝母在我家一意鎮靜得婦道之正今不得終事老人能無憾乎言罷流涕泣然庶母蔣氏來二十年安人絕不臨以嫡妾之分所生一姊二妹愛等已出庶母後安人兩月病亦革

乃長歎曰終當從女君於地下族黨間見安人歿皆加軫悼  
感獲廝養歲久尚多懷戀恩義屏處涕泣者府君自謂半生  
勤苦殫力於學不戚戚以名利動心亦由安人泊然靜守交  
謫不作義命自安厥助良多迄病歿志意湛定尤聞德所絕  
無常悼畫像失真而題贊曰是耶非耶施孺人時似是形恒  
似神土木龍鳳同一塵端莊靜重乃其真生平不策亦不顰  
綦縞長看布練新糟粕自嚙不嫌貧舉案齊着敬若賓婉婉  
無違順二親螽斯克繼裕振麟三十年來共苦辛公車上一  
悼秋旻府君是詩實足狀安人矣今定求居喪次檢府君比  
歲遺墨有癸亥秋悼安人亡忌詩云二十五年絃斷絕於今  
夢寐渺難逢薇音擬議誰能嗣秋夜傷心望碧空丁卯秋又  
有詩云戊戌今經三十年悼亡此日倍愴然愁子垂老侵衰

南叻文彙卷十

單

病憶爾沈疴命不延又云生不祈求死不嗔歿寧久矣定歸  
真京華遊子常垂淚腸斷離魂落月長嗟乎府君伉儷之感  
晚歲轉深若自知同穴之期殆將近也痛哉安人生於前明  
萬歷乙卯九月二十七日卒於 皇清順治戊戌七月十六  
日享年四十有四後一年府君成進士定求叨第兩遇 覃  
恩封安人當安人在日為定求聘婦李氏歿五年而娶亦不  
幸得疾蚤亡姊妹之奉安人遺訓者為人婦皆循謹無愆定  
求有子有女益念安人德行不能使之見聞也安人之葬在  
康熙丁未十二月十二日附於王父母塋兆之穆今府君葬  
實同城宜得合辭以銘維前後事狀難槩而弗詳敢丐宗工  
闡揚幽懿使後嗣子孫奉茲慈徽永為婦道母儀之標準焉

從弟翰林院侍讀瞻庭府君行狀

痛哉從弟歿於京邸距去秋奉 召北發甫八月餘冬春郵信至具述侍從 東朝夙夜冰兢孑身旅處勞苦不違自恤三月十九日忽得家童報稱寒疾陡發閱二日訃音卽至天乎天乎何降禍寒門至此極也余無同父昆季惟弟同學同官一旦死別拊膺嗚咽諸孤擗踊奔喪屬余排纘事實以備誌銘之藉因和淚濡墨爲之狀曰弟諱寧求字文洽又字瞻庭號約齋我彭氏先世江西臨江人明洪武初從征至吳隸籍蘇州衛傳至五世祖南窗公耆儒高隱生我高祖梧山公嘉靖辛酉舉人我曾祖蓼蔚公萬曆丙辰進士釋褐踰月病終京邸有三子長爲我祖敬輿公三叔祖貽令公諱行先明季薦授知縣未仕則弟之祖也考贈編修問昭公諱璜妣黃

南酌文彙卷十

聖

孺人生子三弟爲之長生而穎秀絕倫貽令公篤愛之小字曰麟先君一菴公常曰此必克吾宗者也問昭公最好學弱冠後不得青其衿悒鬱成疾以天弟十歲而孤黃孺人孀居酷貧貽令公年六十餘猶設教吳趨施氏挈弟督課是時制舉用策論我師敬生吳先生門墻特盛弟來從游居末座文成無不斂手折服童子科中名噪甚年十九學使者拔置第二補長洲弟子員就婚於吳貧不能迎婦以歸終歲課徒雅自修飭里中師友咸愛且敬焉八股復行弟更斂才御氣求合於先氏矩矱丁巳舉於鄉己未南宮下第歸從先君講濂洛關閩之學爲文益根據理要旁及詩古文亦日就醇茂壬戌會試中式 殿試第三人及第授編修漢陽吳文僖公讀卷時旣賞識之遂假館課子者二載晨雞夜火勤懇不異諸

生謹出入簡文游朝列因以益知其賢甲子冬 御試散館

居前列乙丑春彙試翰詹衙門亦序入甲等分校禮闈得士  
李子昌等九人皆寒素時推其公慎云貽令公年躋大耋黃  
孺人方以苦節邀旌典弟請假南還始卜居一廛建坊於門  
為貽令公稱九表觴適睢州湯公開府吳中延之講堂俾鄉  
邦知所矜式弟以孤生克顯其親雍容家慶時人榮之泊貽  
令公考終葬畢除喪始起補蓋家居歲已五更矣壬申克日  
講起居注官癸酉陞春坊中允甲戌陞侍講弟自謂備員禁  
近不敢循名塞責旅進旅退畢力奉公凡記注檔案類聚翻  
譯晨入暮歸尤慎密不洩一語于是院長先生嘖嘖歎其賢  
勞爲人所難也丙子黃孺人卒奔喪歸拮据喪葬居堊室日  
蔬食瘍疾忽發良久乃瘥已卯夏方終制會 上命太宗伯

南昫文彙卷十

望

張公少宗伯韓公遴選儒臣足備 皇太子顧問者遂以弟  
名薦 上允其奏敕令刻期起程弟聞命單車詣闕 皇太  
子深為嘉悅命進平日所撰詩文且知其家貧倍加慰勞時  
有 賜賚十二月補侍讀今年正月入直暢春苑二月二十  
日中使傳寫詩牋謹應訖便頭岑岑體氣微倦醫者遽投升  
散之劑四五日間猶強起對客及月杪絕症忽見三月三日  
皇太子遣中使同御醫來視疾賜白金五十兩供藥餌資  
弟時不能發一言但從枕上勉作叩首謝恩狀越二日竟長  
逝痛哉寓中受業生沈進士從隆章舉人鏡承方以計偕至  
為視含殮及同鄉同譜諸公之契厚者經紀喪事刻日發引  
諸孤迎殯以歸嗚呼弟以積勤累勞孚信僚友知遇方殷而  
命忽阻之此見與聞者靡不咨嗟悼惜也弟生平性行純粹

博覽強識無虛晷所著詩文皆溫慎縝密書法在山陰永興  
間教子允謹禮法與人交情文浹洽生徒問業戶屢相錯獎  
勸殷殷故凡屬親疎內外纖毫無間言且素寡嗜欲薄滋味  
宜有遐福而食少事冗心力暗耗冒犯霜露疾入膏肓人固  
不之覺卽已亦未之知也弟臨行日謂余曰儒生碌碌班行  
鮮所裨益幸得遭際元良容竭蓋忱萬一庶不貽譏素餐爾  
余聞其言而壯之曰弟志及此古良臣風節也我以多病早  
衰就閒田里自恐身先朝露後會無期弟遂黯然而別詎料  
忽忽三時兄反哭弟其容終之慘與麥蔚公當年先後髡髻  
也弟雖置身清班而舉家食指所資瘠田不及頃卜廬復售  
他姓僅就旁舍以居孤穉零丁倏忽棄捐九原遺恫目何以  
瞑嗚呼痛哉弟生於順治己丑年七月十六日卒於康熙庚  
辰年三月初五日年五十有二配吳氏封孺人子三長承憲  
長庠生次載舒太學生次秉素女一適候選通判宋建業孫  
男三廷揆廷掄廷策惟弟持身服官館閣可稱鄉里可誌而  
余握管悽愴詮次麤略伏望當代宗工悲其志惜其遇采擇  
而表著焉則亡者不朽諸孤等感且不朽

吳氏姊行狀

故涇縣儒學訓導吳君律公名廷和元配彭氏爲先考仁簡府君第四女定求同胞女兄也先妣施安人生姊旣二載而定求始生歲乙酉避兵入山即以姊之乳母分乳於余先君與余師端仁先生交最善律公之生後姊一歲懷抱中遂諧兩姓婚姻約姊爲人愿樸端靜得諸先妣身教自幼不見其妄言戲動年十六而先妣逝惻惻每偕余相嚮吞聲不能自言其情之悲也余旣遊先生門即與律公同賦采芹往來浹洽姊年二十于歸荆布蕭蕭伉儷相敬先生適館授徒不問生產姊事君姑陸孺人謹順無違嘖嘖稱賢婦律公磊落不羈方擬乘時穎脫及壬子南闈僅中副車第一銳氣頓挫鱸粥弗給勉思寸祿遂就廣文職初任宿州五載丁陸孺

南昫文彙卷十

四四

人憂再任全椒五載又丁先生憂三任涇縣四載而以疾去官姊皆往從學舍拮据艱辛之狀終不免襟肘俱露未嘗稍展窮愁也律公家居寥落不及下壽而歿闔棺之頃殯殮倉皇姊乃長號曰天乎惟夫子至貧而不屑以貧受憐於人故隱忍窘迫以至於此聞者傷之謂不減黔婁之妻可爲閨中知己者也姊自舉二子庶出又二子撫視均平無有差等斗室湫隘聲色安恬二子旣長皆能馴謹好學有聲黌塾而省試數奇不偶分受汗萊各止數畝律公歿後不足以供母膳姊輒作意安之淡泊自甘聊支晨夕嘗曰吾篋中尚贖一簪可爲身後就不至於甚憊日月如馳忽忽薨居已十有四年矣故垂老而不至於甚憊日月如馳忽忽薨居已十有四年矣余自先君旣歿銜恨終天庭除岑寂不設絲竹燕娛之事且

室無中饋雖時時念姊弗釋自愧贈遺不腆間當姊妹約會聚首旬日蔬水晏如也今年初夏松陵丁氏妹至邀姊復來余見姊體氣輕爽喜謂之曰明年七袞矣壽尚未有艾乎及冬初妹以病痢遂不起姊聞之悲甚亦患脾疾余怵怵心動既而傳言漸次向愈殆恐增余憂也比至病劇余趨視榻前顏色不改語言清徹絕無繫戀余猶冀其調劑藥餌延留歲月越三日竟長逝時爲康熙五十年十二月初九日享年六十有九子四覲揚長庠生娶盧氏奮揚未聘女一適殷天祿孫男六周氏晨曦長庠生娶盧氏奮揚未聘女一適殷天祿孫男六光業先佐體仁嘉禮秉義有字孫女五曾孫女一律公葬於吳縣長山鄉竺山祖塋之次姊已並營生墳今覲揚等將卜日啓窆而合窆焉余惟古者女師氏之教寢微習俗移人非

南韵文彙卷十

十一

獨士夫紛華相尚其在壺闥間耳目諱耀心志蕩靡家道多乖識者訕誚或以荼苦弗堪則戚戚不可終日若姊之安貧處約殆於詩人所稱無非無儀不忤不求之義實相脗合固非余不能道其真也獨是姊與丁氏妹逝期相去僅五十日當余衰疴連蹇時哭妹之淚未乾而哭姊又不旋踵自是先妣所生無復有與余並存者矣嗚呼痛哉



丁氏妹行狀

先考一菴府君生定求姊妹十一人出自先妣施安人者五  
第六妹後子五年而生設悅時子稍有知識今猶記憶弗忘  
先妣壺範貞靜言笑俱寂妹稟性相似幼習端然十齡痛遭  
先妣喪依祖妣蔡大孺人以長繼妣袁安人鍾愛焉先考成  
進士家居松陵墨霞丁公率子宗韓來問業時宗韓方補博  
士弟子先考器之為妹納聘甲辰季春先考及余送嫁之江  
上覽其風土朴茂乃相謂曰是得所歸矣宗韓嗣世父韓雲  
公後嗣母沈孺人喜妹絕無宦家氣習晨昏省侍為之講說  
書禮以至課耕勸織諸務指授井井妹遂漸次服勞代理中  
饋宗韓本生母邵孺人亦喜妹奉事唯謹靡有間言諺曰兩  
姑之間難為婦此足規妹之苦心也墨霞公素行高義嘗為

南响文彙卷十

四六

排難匿孤幾至傾產妹亦竭蹶分憂不少恠惜沈孺人受養  
三十年而歿又閱八年而邵孺人歿妹為支持殯葬戚易兼  
盡宗韓篤志學問屢躡場屋終不屑牽絲奉檄妹能坦懷任  
運見彼閨閻誇耀者絕不歆羨第曰保守素業足矣妹舉一  
子蚤慧而亡心恫甚既而宗韓連舉三子妹愛踰己出自謂  
似續繁衍吾便謝責設館授餐手自拮据諸子彬彬向學既  
為長子授室善視新婦一如先姑遺則舍館弄孫差自慰也  
旁侍妾媵恩意優渥下至臧獲皆蒙軫恤室中不聞訶謔聲  
凡遇內外媼戚問遺聯屬動中儀節而自守淡泊綺繡珍寶  
從未措辦中年嘗持齋獨處日誦金經弗輟當先考喪匍匐  
從末措辦中年嘗持齋獨處日誦金經弗輟當先考喪匍匐  
從末措辦中年嘗持齋獨處日誦金經弗輟當先考喪匍匐  
從末措辦中年嘗持齋獨處日誦金經弗輟當先考喪匍匐

子女贊襄婚嫁終能報繼妣所託云妹欲兄弟間重成婚媾  
曾以季女許爲子媳近復聘予幼女爲季子配自余養疾杜  
門弗能歲至江上妹念子老矣今年初夏扁舟來視盤桓浹  
旬意中似有惻惻弗捨者嗚呼其預示永訣兆耶八月杪妹  
方爲叔子授室勞頓傷脾入冬寢劇余遣女奴候問神氣明  
定囑付瞭如曰吾亦無不了事可去矣卒於康熙五十年十  
月十九日得年六十有三歲貢生候選儒學訓導宗韓丁君  
愈元配子四鈺殤鏗庠生娶錢氏鉉庠生娶吳氏鏜庠生聘  
子女女六一適太學生吳庸熙一適太學生徐養浩一適歲  
貢生葉采一殤許字子子庠生永乾一適庠生費英一幼未  
字孫一日滋孫女三余妹生平大節細行純備無虧聚順令  
終亦鮮遺憾而年少於余溘焉即世老淚迸流病懷慘黯唯  
是表揚淑懿示其後嗣永爲婦道母儀之法式固後死者責  
也質之宗韓宗韓喑嗚泣下曰是誠吾所欲言得出自兄言  
尤足徵信因叙次而爲之狀

長女歸宋門封安人行略

痛哉吾女病歿距葯洲壻歿纔及四年而其歸於宋已三十九年矣吾女爲荆妻李安人所生居長自幼多病稟性貞靜不苟言笑吾祖妣蔡太孺人繼妣素安人外母程孺人均鍾愛焉余初官於朝荆妻挈之北來居三年庚申之春余思省視庭闈乞假南歸戒行有期座主文恪公特延媒議姻余謂身列門墻何敢踰分且自問寒儉未克龜勉承事辭之再三文恪公殷殷申命曰吾素知子家世敦內則亦俾吾子得親正人庶助義方所弗逮也子勿之辭因卽納吉成禮結褵三日余偕荆妻遂至潞河舟次惘惘離別深以弱息孤羈爲慮越壬戌之冬余始補任抵京知文恪公喜新婦之賢家人內外無不心服姻婭門第比肩隆盛吾女循循趨步禮意周洽流譽交口余乃慰勞吾女曰汝非有師氏引掖而淑慎性成如此惜不作男子身便獲克家之占也子丑之交文恪公邀余至壻館朝夕督課壻雋兩闈入中秘吾女幸在君舅慈蔭之下豫順言歡亦得與父時時相見差解離憂也丁卯文恪公薨於位吾女方懷娠號慟致毀比抵里生子旋殤暨終文恪公喪遂自憂善病亟爲壻置妾媵廣嗣續壻旣北赴吾女奉姑許安人形影相依病忽大作驚悸不止余方居憂在廬匍匐調治踰時漸痊吾女以京邸卽次未寧勉復儼舟北上操持中饋壻因得專心供職至癸酉余起復就官見其顏色無恙不數月余又移疾適歸黯然言別無何壻有請隨大駕西征轉餉之役裹裝絕塞拮据孔艱室中縣磬吾女無米謀炊心耗力瘁病復大作終年不出房闈余每依北斗而

冀其續命也暨巳丑夏吾女同壻回籍余以十六年遠離伊久謂雖林下閒居猶可坦懷自遣而其心中若有鬱結不吐之狀居未席煖病又大作視前較劇自此壻遂親理家務吾女獨處一室堅持長齋苦踰梵行闔外舉動總不與聞旁侍妾媵從無聲色之加譴訶弗及臧獲終日不發一語甲午初春許安人歿吾女痛絕復甦喪猶在殯壻於是秋驟歿吾女呼搶摧裂幾欲身殉黃泉顧以大事未襄三孤幼稚死且滋恫乃復稍延食息亟圖喪葬又不欲循禮廢於無之說鬻田一頃羸得告竣病又大作久之稍稍痊可而匱乏已至於極會伯氏澄溪過粵東方伯王公念與文恪公舊有通門好許以壽圖爲壻去春命之赴署迎娶今年子媳從粵而歸將至里門而吾女病發已及一月蒼黃就室得侍膝下者十餘日

南昀文集卷十

十一

竟溘然長逝病中屏湯藥却米飲斷睡眠而神明湛若絕無繫戀惟謂新婦曰吾今得所卸責可以去矣嗚呼人情莫不自愛其生而吾女獨欲自就于死此其不可名言之苦哀日積月累以待數之窮也痛哉人第知吾女往嬪魏闕早躋通顯而不知其持身刻苦愁緒拂逆未嘗一息恬適也人第知吾女婉婉順從周旋折旋中規中矩而不知其操心斂氣乃克致此者非粉飾而然也如是則安得不病病安得久存於人世耶闔棺之頃宗門伯叔子姪皆潛然太息謂合族失此第一賢婦惟彌留輾轉以待子媳之來視含斂天假之緣或亦報其生平善行耶嗚呼爲人婦良大難爾而在公卿巨室其難尤甚詩云無非無儀無父母詒罹吾女庶幾有焉則今日往覓文恪公在天之靈猶可終告無罪用是老淚滂沱濡



